

etos istos sex dies, etc., usque ad servio legi peccati.
(Iam. in Gen., cap. 1 et 2, et initio tertii.) Quartus
die, quo jam in illo firmamento disciplinæ spirituales
intelligentias operatur atque distinguit, etc., usque
ad et jucundo otio perfruantur.

(Isa. ibid., cap. 4.) *Mystice.* « In principio creavit
Deus cœlum et terram. » Spirituales, scilicet qui coe-
lestia meditantur, etc., usque ad « magnum est si
carnalia vestra metamus. »

(Agg. de Gen. ad litt. lib. VIII, c. 1, tom. III.)

A In narratione rerum gestarum, etc., usque ad in quo
solo formatur et illuminatur, ne sit tenebrae vel
abyssus.

(GREG., lib. xxxii *Moral.*, c. 12, tom. II.) Quæ-
rendum est quomodo Deus cuncta simul condidit,
dum idem Moyses ex dierum mutatione variante, dis-
tincte creatuæ describit? Sed rerum materia simul
creata est, etc., usque ad quæ non simul prodeunt
per temporis incrementa.

WALAFRIDI STRABI

FULDENSIS MONACHI

OPERUM OMNIUM PARS PRIMA

SIVE

OPERA THEOLOGICA.

GLOSSA ORDINARIA.

LIBER GENESIS.

Hebreice dictus בְּרֵאשִׁית, BERESIT, id est IN PRINCIPIO; Graece ΓΕΝΕΣΙΣ, id est GENERATIO.

CAPUT PRIMUM.

VERS. 1.—« In principio creavit, » etc. Non dicit: In principio dieit Deus, Fiat cœlum et terra. Sed dixit: « Fiat lux, et facta est lux, » quoniam universaliter nomine cœli et terræ comprehendendum erat quidquid fecit Deus, deinde per partes explicandum quomodo fecit. Unde sequitur: « Dicit Deus, Fiat, » id est, per verbum suum fecit. Vel quia cum primum siebat informis materia spirituialis, vel corporalis, non erat dicendum: « Dicit Deus, « Fiat; » incongruum enim erat a Deo dici, « fiat, » quia formam verbi non initatur imperfectio, nisi cum generis sui conversione ad creatorem sit perfecta creatura; ut cum dicitur: « Dicit Deus, Fiat, » intelligamus eum ad se imperfectionem creaturæ revocare. Cum ergo dicitur: « In principio fecit Deus cœlum et terram, » commemoratio Filii fit, quia principium est; sed cum dicitur: « Dicit Deus, Fiat, » commemoratur quia Verbum est. Per principium notat exordium creaturæ existentis ab illo; per Verbum, perfectionem creature ab illo ad ipsum revocatæ, ut formetur imitando formam Verbi incommutabilem. Non enim habet vitam informem Verbum Dei, cui est idem esse quod vivere; immo idem vivere quod beatæ vivere. Creatura vero spiri-

B tualis habet informem vitam, cui non est hoc esse quod vivere; nec vivere quod beatæ vivere: quia, aversa a sapientia Dei, stulte et misere vivit.

« In principio, » etc. (BEDA, *Hexaem.* lib. I, tom. II, col. 13 a.) Creationem mundi insinuans Scriptura, primo verbo æternitatem et omnipotentiam Dei ostendit: quem enim in principio temporum mundum creasse perhibet, eumdem ante tempora æternaliter significat exstisset. Et quem in conditionis initio cœlum et terram creasse narrat, tanta celeritate operationis omnipotentem esse declarat, cui voluisse, facere est. Bene ergo dicitur: « In principio creavit, » etc. Utrumque scilicet, simul, quamvis utrumque simul ab homine non dicatur. Unde propheta terram in initio factam ostendit dicens, psal. c: « Initio tu, Domine, terram fundasti, » etc.

« In principio, » etc. Cœlum non visibile firma-
mentum, sed empyreum, id est, igneum vel intel-
lectuale, quod non ab ardore, sed a splendore dici-
tur, quod statim repletum est angelis. Unde in Job
xxxviii: « Ubi eras cum me laudarent astra matu-
tina, » etc. Et nota tria hic commemorari elemen-
ta. Nomine cœli, aerem intelligimus. Nomine
terræ, ipsam et ignem qui in ea latet. Quartu, id
est, aquæ in sequentibus fit mentio.

* Revocatur lector ad tomos Patrologie nostræ. Edit.

(ALCVIR. in Gen. tom. I.) « In principio. » Filio, quo humanato patuit qui essent coelestes, qui terreni. Cœlum, creatura spiritualis, ab exordio perfecta et beata. Terra, corporalis materies adhuc imperfecta. Cœlum, informem materiam spiritualis vitæ, sicut in se potest existere non conversa ad Creatorem in quo formatur. Terram, corporalem, sine omni qualitate quæ appareat in materia formata.

(BEDA in Gen., tom. II, col. 191.) Scriptura ait: « Qui fecisti mundum de materia informi (Sap. XI). » Materia facta est de nihilo. Species mundi de materia informi. Proinde duas res fecit Deus ante omne tempus, angelicam creaturam et materiam informem. Quamvis enim Salomon dicat: « Qui vivit in æternum, creavit omnia simul (Eccli. XVIII), secundum originem tamen informis materies antecedit formatam speciem. Itaque mundum, et angelos, et animam de nihilo fecit Deus: hominem et creaturem ceteras de aliquo.

(Ibid., col. 192.) Septem sunt cœli, quorum haec sunt nomina, aer, æther, olympus, spatium vel igbeum, firmamentum, cœlum angelorum, et Trinitatis. Hieronymus autem dicit cœlum Trinitatis primum, secundum angelorum, tertium firmamentum.

Mystice. « In principio creavit Deus cœlum. » Eos scilicet qui cœlestis imaginem portaverunt. « Et « terram, » id est eos qui postea superbiero, terram, id est terreni hominis imaginem, portantes, se receruerunt deformes. « Terra autem erat inanis, » quia deposituerat formam bonam. « Et vacua, » boni operis fructu. « Et tenebre erant, » veri scilicet luminis privatio; « super faciem abyssi, » corda scilicet superborum.

VERS. 2. — « Terra autem erat inanis, » etc. (BEDA, Hexaem. tom. II.) Quod vel quale cœlum in principio cum terra factum est, ostendit. Hoc enim de terra subdit, quod de cœlo intelligi noluit. Hoc enim superius cœlum quod a volubilitate mundi secretum est, mox ut cœratum est, sanctis angelis est impletum: quos in principio cum cœlo et terra conditos testatur Dominus dicens Job XXXVIII: « Ubi eras cum me laudarent astra matutina, et jubilarent omnes filii Dei? » Astra matutina eosdem angelos et filios Dei vocat. De cœlo enim in quo posita sunt luminaria, quomodo vel quando factum sit postea dicit.

(STRAB.) « Inanis et vacua. » Inutilis scilicet, et infuctuosa, et incomposita. Omnia enim elementa commixta, confusa, et totum hoc aeris spatium aquis plenum; non quales nunc sunt, sed sicut nebulae tenues erant, quales adhuc supercoelestes sunt.

(BEDA ubi supra.) « Tenebre erant, » etc. Non sunt audiendi qui reprehendendo dicunt Deum prius creasse tenebras quam lucem: quia nullas in aqua, vel aere fecit tenebras; sed distincto ordine providentiae prius aquas cum cœlo creavit, et terra, et has cum voluit lucis gratia venustavit. Et notandum quod cum cœlo duo elementa mundi creata sunt,

A quibus alia duo inserta sunt, aqua, scilicet, et terra, quibus insunt ignis et aer. Aquæ autem totam superficiem terræ tanta altitudine tegebant, ut ad illos usque locos pertingerent, ubi nunc usque super firmamentum partim resident. Ipsa autem terra et aqua informis dicuntur materia, quia omnia quæ videmus, vel existis sumpserunt exordium, vel ex nihilo: et priusquam in lucem venirent, non erat unde formam haberent.

« Et Spiritus Domini ferebatur super aquas. » (AUC., lib. I de Gen. ad lit., c. 5, tom. III.) Sive totam corporalem materiam aquam appellavit, ut insinuaret unde facta et formata sunt omnia quæ ex humida natura per species varias in terra formari videamus; sive spiritualem vitam ante conversionis formam quasi fluitantem. Spiritus Dei superferebatur, quia subjacebat bonæ voluntati Creatoris, quod formandum et perficiendum inchoaverat. Dictum est etiam « Spiritus Domini ferebatur super aquas. » Ne faciendo opera potius per necessitatem indigentem quam per abundantiam beneficentie Deus amare putaretur. Commodo enim prius insinuatur aliquid inchoatum, cui superferretur: non loco, sed omnia superante potentia.

« Et Spiritus Domini ferebatur, » etc. (HIERON. in Gen. t. III, col. 939.) In Hebræo habet ἡρακλῆς merahepheth, id est, incubabat, vel sovebat, more volucris ova calore animantis. Intelligimus ergo non de spiritu mundi dici, ut putant multi; sed de Spiritu sancto, qui et ipse est omnium vivificator: si autem vivificator, et conditor; si conditor, et Deus. Psal. CII: « Emitte, ait, Spiritum tuum et crea- buntur. »

« Et Spiritus, » etc. In quo subsistentes requiesceremus flatu ejus vivificati, et unda baptismi abluti. « Et Spiritus Domini ferebatur super aquas, » etc. Sicut Deus, scilicet et conditor, præcerat fluitanti et confuse materiei, ut distingueret quando vellet. Tota ergo Trinitas hic operata intelligitur, Deus, Pater scilicet; principium, Filius; Spiritus Dei, Spiritus sanctus.

« Et Spiritus, » etc. (ISID., in Gen.?) Corda scilicet fluctuantia, quæ mentis quietem amiserant, quia eis spiritus non innibatur, sed superferebatur: quasi potens naturam a confusione in melius revocare. Deinde per totum hujus Scripturæ textum sex quasdam operosas ætates videmus, licet quasi proximiis limitibus distinctas, ut in septima quies speretur; et eas habere similitudinem sex dierum, quibus ea facta sunt, quæ Deum fecisse Scriptura commemorat. Primordium enim generis humani, quo ista luce frui coepit, comparatur primo diei quo lucem Deus fecit. Hæc ætas tanquam infantia est totius sæculi, quod tanquam unum hominem proportione magnitudinis suæ cogitamus. Homo enim cum primo nascitur in lucem, infantiam agit primam ætatem, quæ tendit ab Adam usque ad Noë generationibus decem: diluvium quasi vespera hujus

diei est, quia infantia nostra oblivionis diluvio de- A ritur, ut in ipsa inconcusse maneatur: quia si culpam rectitudi eliminat, cogitationis nostræ foribus assi- letur.

VERS. 3. — « Dixitque Deus : Fiat lux. » (AUG., *de Gen. ad litt.*, lib. 1, c. 17, tom. III.) Lux primo die facta spiritualis vel corporalis intelligitur, etc., usque ad mane futuri inchoatio. (BEDA, *Hexaem.*) Si autem primo die corporalis lux facta est, congrue mundi ornatus a luce inchoatur, unde cætera, quæ creanda erant, videbantur. Si autem queritur, ubi est facta, cum abyssus omnem terræ altitudinem teget? patet quod in illis partibus, quas nunc illustrat solis diurna lux. Nec mirum lucem in aquis posse lucere, cum etiam nautarum operatione sæpius illustrentur, qui in profundo mersi, missi ex ore oleo, aquas sibi illustrant: quæ tunc multo rariores quam sint modo, fuere in principio, quia nondum congregatae in uno loco.

« Dixitque Deus : Fiat lux. » (AUG. *ibid.*, c. 2.) Non temporaliter: si enim temporaliter, et mutabiliter; si mutabiliter, et per subjectam creaturam, non est lux prima creatura. Sed forsitan, etc., usque ad ut sit et ut maneat.

« Fiat lux. » (AUG. *ibid.*, c. 4, 5, 9.) Ea conditione scilicet qua cuncta subsistunt intemporaliter in Dei sapientia, priusquam in seipsis. « Et facta est lux, » id est angelica et coelestis substantia, in se temporaliter; sicut erat in sapientia, quantum ad ejus immutabilitatem, æternaliter. Vel notatur hujus creaturæ informitas scilicet et imperfectio antequam formaretur in amore Conditoris: formatur enim cum convertitur ad incommutabile lumen Verbi.

« Fiat lux. » (AUG. *ibid.*, c. 10, 11, 16.) Si corporaliter lux facta est, etc., usque ad nondum enim erant animalia quibus hæc vicissitudo exhiberetur.

VERS. 4. — « Et vidit Deus lucem, » etc. (STRAB.) Lucem et tenebras fecit Deus, unde DAN. III. « Benedicite, lux et tenebrae, Domino, » cum omnis creatura ad benedicendum invitatur.

(ISID., *in Gen.*, c. 2.) Habet quisque in operibus et recta vita, distinctos sex dies, post quos requiem speret: primo die, lucem sive, quoniam primo invisibilibus credit propter quam fidem Dominus apparere dignatus est.

« Factumque est vespero. » (AUG., *de Gen. contra Manich.*, l. I, c. 4; BEDA, *in Hexaem.*) Occidente luce paulatim, et post spatium divinæ longitudinis inferiores partes subeunte, factum est vespero, sicut nunc usitato circumitu solis solet fieri.] Factum est autem mane eadem super terram redeunte, et alium diem inchoante, et dies expletus est unus viginti quatuor horarum. Notandum vero quod nox in illo triduo omnino tenebrosa fuit, quæ post creata sidera aliqua luce claruit: decebat etiam ut dies a luce inciperent, et in mane sequentis diei tenderent, ut opera Dei a luce inchoata et in lucem completa esse significarentur.

VERS. 5. — « Factumque est vespero, » etc. (GREG., l. viii *Moral.*, c. 6, tom. I.) Nequæquam in hac vita per exercitationem justitiae peccatum dese-

A ritur, ut in ipsa inconcusse maneatur: quia si culpam rectitudi eliminat, cogitationis nostræ foribus assi- letur.

(AUG., *de Gen. ad litt.*, l. IV, c. 22, 23, tom. III, col. 311, 312.) Notandum, quod cæteræ creaturæ, etc., usque ad ut illud scilicet ad diem pertineat, hoc ad vesperam.

B VERS. 6. — . . . « Fiat firmamentum, » etc. (GREG., l. xxvii *Moral.*, c. 24.) Angelicæ virtutes, quæ in Dei amore persisterunt, hoc in retributione acceperunt, ut in contemplatione Conditoris perenni felicitate maneant, et in hoc quod conditæ sunt æternaliter subsistant. Unde apud Moysen cœlum factum dicitur, et idem postea firmamentum vocatur, quia angelica natura prius subtilis est in superioribus condita, et post, ne unquam cadere possit, mirabilius confirmata.

« Fiat firmamentum, » etc. (AUG., l. II *de Gen. ad litt.*, c. 2, col. 264.) Quæritur utrum illud cœlum nunc fiat quod excedit aeris spatia, etc., usque ad quia intervallum ejus dividit inter quosdam vapores aquarum et aquas quæ sunt in terris.

C C « Fiat firmamentum, » etc. (AUG., *ibid.*, c. 4.) Notandum quod firmamentum non propter stationem, etc., usque ad sed quoquomodo ibi sint, ibi esse non dubitamus.

« Fiat firmamentum in medio. » (BEDA, *in Hexaem.*, t. II.) Cœli, in quo fixa sunt sidera, etc., usque ad Quales autem, et ad quid utiles, novit qui condidit.

VERS. 7. — « Et fecit Deus firmamentum, » etc. (AUG., l. II *de Gen. ad litt.*, c. 8, col. 269.) Quæritur quare cum dixisset: « Fiat firmamentum et factum est ita, » postea addit: « Et fecit Deus firmamentum, » etc., usque ad dicens: « Dixitque Deus fiat, » etc.

(IBID., c. 1, 3, 5.) Super aerem purus ignis, etc., usque ad Facit ergo frigidam aquarum supercœlestium vicinitas.

(IBID.) Notandum vero quod prima die cum facta est lux, dictum est tantum: « Fiat lux, » et hoc in verbo, et « facta est lux, » in opere, statimque adhæsit increatae luci lux creata, ut vicinior et omni creatura capacior. In secunda die quædam mora est, et verborum multiplicatio, « fiat, » et « fecit Deus, » et « factum est ita; » ut intelligamus istas naturas ad deficiendum pronas, et ad obediendum minus aptas.

(HIERON., l. I *contra Jovin.*, t. II, col. 211.) Notandum etiam quod hujus diei secundi opera secundum Hebreos non dicuntur bona, cum bona sint sicut cætera: quod fit propter binarium principem alter-

nitatis, qui primus ab unitate discedit: et in figura A quam mundus jam formari incipit, et terræ facies bigamiae ponitur et multorum reprehensibilium; unde quæ bina ingrediuntur in arcum immunda sunt, impar numerus mundus. Vel ideo bona non dicuntur, quia in hoc opere distinctio aquæ non fit perfecta, quæ in proximo fit, ubi dicit: « Congregentur aquæ, » ut ibi dicetur.

(*Auc., ubi supra*, c. 9.) Quæri solet cuius figuræ sit cœlum: sed Spiritus sanctus, quamvis auctores nostri scierint, per eos docere noluit, nisi quod prospicit saluti. Quæritur etiam si stet an moveatur cœlum? Si moveatur, inquiet, quomodo est firmamentum? Si stat, quomodo sidera in eo fixa circumeunt? Sed firmamentum non propter stationem, sed propter firmatatem, aut terminum aquarum intransgressibilem dici potest. Si autem stat, nihil impedit moveri et circumire sidera. Secundo die factum est tanquam firmamentum disciplinæ, quod discernit inter carnalia et spiritualia, sicut inter inferiores et superiores aquas.

(*Isid., in Gen. c. 2, tom. V, col. 213.*) Die secunda posuit firmamentum, sanctas scilicet Scripturas in Ecclesia. De quibus dicitur Isa. xxxiv: « Cœlum sicut liber plicabitur. » Hoc firmamento discernit aquas superiores, id est populum angelorum, quibus non est necesse ut in lectione audiant Dei verbum. Sed illud firmamentum posuit super infirmitatem inferiorum populorum, ut suspicentes in eo cognoscant qualiter discernat inter carnalia et spiritualia, quasi inter aquas superiores et inferiores.

« Divisitque aquas quæ erant, » etc. (*Ambr., l. II Hexaem., c. 3, tom. I, col. 148.*) Cum hæc audis, quid miraris si supra firmamentum potuit unda suspendi? etc., usque ad Jordanis quoque reflexo amne in suum fontem revertitur.

VERS. 8. — « Et factum est vespere, » etc. (*Isid., ubi supra.*) Incipit mane secunda diei a Noe, etc., usque ad quia nec pueritia apta est generationi.

VERS. 9. — « Dixit vero Deus, » etc. (*Auc., lib. II de Gen. ad litt., c. 11, tom. III.*) In hoc die factum videtur, etc., usque ad Unde aqua congregatur, terra appetat; aqua enim labilis et fluxa, terra stabilis et fixa.

« Congregentur aquæ? » (*Beda, in Hexaem.*) Quæ inter cœlum et terram universa compleverant, in unum locum congregantur, ut lux, quæ præterito biduo aquas clara luce lustraverat, in puro aere clarior fulgeat; et appareat terra, quæ latebat; et quæ aquis limosa erat, fiat arida et germinibus apta. Si quæritur ubi congregatae sunt aquæ, quæ omnes partes terræ usque ad cœlum texerant, potuit fieri ut terra subsidens concavas partes præberet, quibus fuitantes aquas reciperet: potest etiam credi, primarias aquas rariores fuisse, quæ sicut nebula tegerent terras, sed congregatione esse spissatas.

VERS. 10. — « Et vocavit Deus aridam terram. » (*Beda, ibid.*) Prius ad distinctionem aquarum totam solidiorem mundi partem terram appellavit dicens: « In principio creavit Deus cœlum et terram. » Post-

A quam mundus jam formari incipit, et terræ facies appareat, recedentibus aquis, ad distinctionem partis quæ adhuc premebatur aquis, portio quam aridam esse licebat, terræ nomen accepit, eo quod pedibus teratur. « Congregationesque aquarum appellavit maria. » Sic enim appellantur apud Hebreos omnes congregationes aquarum, sive salsaæ, sive dulces. Et quia per continuationem omnium aquarum, quæ in terris sunt, dixit eas congregatas in unum locum, nunc vocat pluraliter congregationes aquarum, propter multisfidos sinus earum. Cum multa constat esse maria, in unum tamen locum dicit aquas congregatas, quia cuncta magno mari junguntur. Si qui lacus in semetipsis stricti videntur, occultis tamen meatus in mare revolvuntur: fossores quoque puteorum hoc probant, quia omnis tellus per invisibiles venas aquis repleta est, quibus ex mari principium est.

VERS. 11. — « Et ait: Germet terra, » etc. (*Auc., l. II de Gen. ad litt., c. 12.*) Advertendum est modus ordinatoris: quamvis distincta est creatura herbarum atque lignorum a specie terrarum et aquarum, ut in elementis numerari non possint: quia tamen fixa radicibus terræ nectuntur, ad eundem diem voluit pertinere.

(*Beda, ubi supra.*) Patet in his verbis quod verno tempore mundus perfectus est et ornatus, in quo solent herbae virentes apparet, et ligna pomis onusta. Simulque notandum quod non prima herbarum germina vel arborum genera de semine prodierunt, sed de terra: quia ad unam jussionem Conditoris apparuit arida herbis compita nemoribusque vestita, quæ sui generis ex se poma produxerunt et semina. Oportebat enim ut forma rerum Dei imperio primo perfecta prodiret: quomodo homo, propter quem omnia, juvenili ætate plasmatus est.

(*Auc., ibid. l. III, c. 18.*) Quæritur etiam de spinis, et tribulis, et quibusdam lignis infructuosis, cur vel quando creata sint? cum Deus dixerit: « Germet terra herbam, » etc. Sed fructus nomine quædam utilitas signatur: multæ autem utilitates sunt manifestæ, vel occultæ, omnium quæ terra radicitus alit. Possimus autem absolute respondere spinas et tribulos post peccatum terram homini ad laborem peperisse: non quod alibi antea nascerentur, et post in agris quos homo coleret: sed prius et postea in eisdem locis, prius tamen non homini, sed post. Unde « pariet tibi, » id est, ut tibi nasci incipient ad laborem, quæ ad pastum tantummodo aliis animalibus ante nascebantur.

« Facientem semen. » (*Beda, ibid.*) Omnia creata sunt perfecta, et homo perfectus ætate erat, et arbores cum foliis et fructu: unde dicitur hoc « lignum pomiferum. »

VERS. 12. — « Et protulit terra herbam, » etc. (*Greg., l. xix Moral., c. 12; l. vi, c. 16, tom. I.*) Quod testatur historia, sic est veraciter factum, ut significaret aliud faciendum. Terra enim est Ecclesia, quæ verbi pabulo nos reficit, et patrocinii umbra custodit: loquendo pascit, opitulando pro-

tegit; ut non solum herbam refectionis proferat, sed etiam arborem protectionis. — « Lignumque, » Lignum secundum speciem suam semen produxit, cum mens nostra ex sui consideratione quod in alterum faciat colligit, et recti operis germen parit. Hinc quidam sapiens ait: « Quod tibi non vis fieri, alii non feceris (*Tob.* iv). » Et alibi: « Quæcumque vultis ut faciant vobis homines, et vos eadem illis facite (*Matth.* vii). » Quasi speciem vestram alterutrum respicite, et ex vobis metipsis cognoscite quid deporteat vos alii exhibere.

Sementem. » (*STRAB., RAB.*) Sementis, frugum et arborum; semen, hominum, et animalium. Seminium vel sementum, cujusque rei exordium. Tertio die, quo mentem suam ad serendos bonorum operum fructus preparat homo: separata labe, ac fluctibus carnalium temptationum, tanquam aridam habet terram temptationibus separatis, ut dicere possit: « Mente servio legi Dei, » etc. (*Rom.* vii).

VERS. 13. — « Et factum est vesperè et mane, » (*ISID. in Gen.*, tom. V, col. 207.) Mane tertii diei incipit ab Abraham, etc., usque ad Vespera in peccatis populi quibus divina mandata præteribant usque ad Saulis malitiam.

(*ISID., ibid.*) Die tertia congregavit aquas inferiores et salsas, infideles scilicet, concupiscentiarum et temptationum fluctibus sese quatientes: et segregavit ab eis aridam, id est, fideles fontem fidei sitientes. Infideles vero coercuit, ne iniuritatis suæ fluctibus aridam, id est animatem sitientem Deum, conturbent, sed liceat ei germinare fructus bonorum operum, et diligere proximum, ut habeat in se semen secundum similitudinem suam; ut scilicet ex sua infirmitate compatiatur alli indigenti, et producat lignum forte fructiferum, id est, beneficum, eripiendo oppressum, et præbendo ei protectionis umbraculum.

VERS. 14. — « Dixit autem Deus: Fiant luminaria, » etc. (*AUG., de Gen. ad litt.*, lib. II, c. 13, 14.) Quia visibili mundo constituendo duo dies sunt attributi, supremæ scilicet et infimæ parti mundi: visibilibus, et mobilibus mundi partibus, quæ intra mundum creantur, tres reliqui deputati sunt, etc., usque ad inchoationem, seu principatum noctis, quod sit cum plena est.

Et dividant diem. » (*BEDA, in Hexaem.*) Ea scilicet divisione, ut sol diem, luna noctem illuminet. Hoc enim factis sideribus ad augmentum primariæ lucis accessit, ut etiam nox prodiret luminosa, lunæ vel stellarum splendore radiata, quæ hactenus tantum tenebras noverat. Et si enim nox tenebrosa videtur obscurato aere, qui terris proximus est, superiore tamen aeris spatia semper siderum fulgore sunt lucida.

(*AUG., lib. II de Gen. ad litt.*, c. 18.) Solet quæ utrum haec luminaria corpora sola sint, aut habeant rectores spiritus, et ab eis vitaliter inspirantur, sicut per animas animalium carnes animantur. Sed de tam obscura re nihil temere credendum.

« Et sint in signa, » etc. (*BEDA, ibid.*) Quia prius-

A quam sidera fierent, ordo temporum nullis notabatur indiciis, vel meridiana hora, vel quælibet alia. Sun ergo luminaria in signa, » etc.; non quod à conditione horum tempora cœperint, vel dies vel anni; sed quia per ortus eorum, vel transitus, temporum dierum antorūque signatur ordo.

VERS. 15. — « Ut lucent, » etc. (*BEDA, ibid.*) Semper luminaria in firmamento lucent, sed opportunitatibus temporibus terram illuminant. Aliquoties enim nebulosus aer obsistit: ortus etiam sol majori lumine lunam stellasque ne terram illuminent, impedit. Unde sic vocatur, quia solus obtusa luna, stellisque cæteris, per diem fulgeat terris.

VERS. 16. — « Fecit Deus duo luminaria. » (*BEDA, ibid.*) Luminaria magna possumus accipere, non tam aliorum comparatione quam per se; ut cœlum dicitur magnum, et magnum mare. Sol enim magnus dicitur, quia complet orbem terræ suo calore: sicut luna suo lumine, quæ in quacunque parte cœli fuerint, totam terram illuminant, et a cunctis videntur. Magnitudinis eorum magnum est argumentum, quod omnibus hominibus idem orbita eorum videtur: nam si longe positis minor et prope major, exiguitatis indicium esset.

C « Luminare majus, » etc. (*BEDA, ibid.*) Solem, scilicet non solum corporis forma, sed latitudinis magnitudine, quia luminare minus et stellas illustrat. Major est etiam in calore, quia mundum calefacit, cum præteritis ante ejus creationem diëbus nihil calor habuisset. Quod autem æqualis uniusque magnitudinis luna cum sole cernitur, hinc esse ait: quod multo longinquior a terris atque altior quam luna incedit, ideoque magnitudo ejus a nobis non posset dignosci. Omnia enim longius posita videntur breviora.

« Et luminare minus, » etc. Et si lunam et stellas maiores in die aliquando videri contingat, non tamen diei, sed nocti lucis solatium eas afferre constat.

(*AUG., de Gen. ad litt.* lib. II, c. 15, tom. III.) Tunc enim in noctis exordio videtur luna, cum plena est, alias non: et per diem incipit videri ante plenitudinem, et in progressu noctis.

VERS. 17, 18 — « Ut lucerent, » etc. Huc de magnis luminaribus intelligi possunt et stellis; ut quod dictum est, « ut præsenter diei, » ad solem specialiter, quod subjunctione est, « et nocti, » ad lunam et stellas pertineat; quod vero additur, « dividerent lucem ac tenebras, » omnibus æque conveniat; quæ quoconque incedunt, lucem circumferunt; unde cum absunt, tenebrosa cuncta relinquunt. Si queratur quale potuit esse lumen diurnum ante creationem siderum, respondemus quale videmus solis ortu proximante, neandum apparente: quando scilicet lucet obtusis radiis stellarum dies, sed minime sol ortus resulget.

(*ISID., in Gen.*, tom. V, col. 207.) Die quarta miscuerunt luminaria in firmamento cœli, etc., sive ad quia post bona opera venit illuminatio, qua videtur species supernæ veritatis.

(AUG., *de Gen. contra Manich.*, lib. I, c. 24, tom. III, col. 194.) Quarto die, quo in illo firmamento disciplinæ mens spirituales intelligentias operatur atque distinguit, videt quæ sit incommutabilis veritas, quæ sicut sol fulgeat in anima; et quomodo anima ipsius particeps fiat, et corpori ordinem et pulchritudinem tribuat, tanquam luna illuminans noctem. Et quomodo stellæ omnes, id est intelligentiae spirituales, in hujus vite obscuritate tanquam in nocte fulgeant.

VERS. 19. — « Et factum est vespere et mane, » etc. (BEDA, *in Hexaem.*, tom. II, col. 43.) In hac vespere populus Dei in Aegypto agnum obtulit, etc., usque ad spem atque fidem donaret.

« Et factum est vespere, » etc. (ISID., *ubi supra*.) Mane quartæ diei regnum David. Hæc ætas similis est juventuti, quæ inter omnes regnat ætates, et firmum est omnium ætatum firmamentum: unde comparatur quarto diei, quo facta sunt sidera in firmamento coeli. Splendor siquidem solis regni figurat excellentiam, plebem obtemperantem regi lunæ splendor ostendit, tanquam Synagogam. Stelle vero principes ejus sunt, et omnia fundata in regni stabilitate, tanquam in firmamento.

VERS. 20. — « Dixit etiam Deus, » etc. (BEDA, *ubi supra*.) Post ornatam quarto die coeli faciem luminalibus, ornantur suis animalibus die quinto inferiores mundi partes, aqua scilicet et aer.

« Dixit etiam Deus: Producant aquæ reptile, » etc. (AUG., lib. II *de Gen. ad litt.*, ex c. 1, 2, 3, 4, 5 et 6, tom. III.) Oportebat in creandis habitatoribus inferioris partis, etc., usque ad Quod intelligendum nona est nisi in aquarum naturam pinguioris aeris qualitate conversos.

« Animæ viventis. » (AUG., *ibid.*, c. 8.) Id est, quæ sunt in animabus vivis, sicut dicitur: Ignobilia hominum, id est, qui sunt in hominibus ignobiles. Quod quidam propter tarditatem sensus putant dictum esse vel quia pisces nullius sint memoriarum; sed certissimum est eos habere memoriam.

(AUG., *ubi supra*, c. 3, 4.) De conversione elementorum quæstio est. Alii dicunt omnia posse converti in omnia, etc., usque ad quod enim tactu aquas, ventosque sentimus; hinc est quod solida terra omnibus elementis miscetur, sed in his crassioribus sentitur amplius.

« Sub firmamento », etc. Etsi immenso interacente spatio, volant tamen aves sub sidereo coelo, quæ super terram volant: sicut homines qui in terra sunt, sub coelo esse dicuntur. Alia translatio: « Secus firmamentum coeli, » quia vicina sunt ætheri spatia hujus aeris qui aves subvelit.

(AUG., *de Gen. ad litt.*, l. III, c. 9, 10, tom. III, col. 284.) Notandum quosdam philosophos ita sua cuilibet elemento distribuisse animalia, etc., usque ad caliginosa tamen aeris loca tenere tantum permissi sunt, qui eis quasi cancer sit usque ad tempus juciciei.

VERS. 21. — « Creavitque Deus cete grandia, » etc.

A (THEOD. q. 18 *in Gen.*) Pueri tum terriculamentis, tum loris etiam et virgis indigent: per illa ipsos terrenus, per hæc autem erudimus: Cum igitur animadvertisit et nos Deus ad ignaviam proclives, bestias condidit; veluti lora quædam et terriculamenta, ut per ea nos terrens ad se traheret, atque ejus auxilium imploraremus. At sicut qui perfecti sunt terriculamenta hujusmodi, et lora contemnunt; sic qui in virtute educati sunt, bestiarum incursus non formidant. Siquidem Adæ, priosquam peccasset, assistebant bestiæ, obsequium profitentes. Et rursum ipsum Noe ingredientem arcum, leo, pardus et bestiarum atrocissimæ quæque, ovium more, sequabantur. Et Danieli aderant leones, qui aliqui famelici, accedere tamen ad eum non audebant, eo quod in illo characteres divinam imaginem praeservantes conspicerent. Itidem vipera, quæ dentes injeccerat in manum Apostoli, cum nihil peccato tenerum aut molle in eo reperisset, mox resiliiit, et in ignem se conjecit, supplicium de seipsa quodammodo sumens, quod corpus sibi nullatenus conveniens adorta esset. Nos autem ideo bestias formidamus, quia virtutem negligimus. Præterea et ad alia bestiæ non sunt nobis inutiles: nam ex eis medici pharmaea non pauca componunt ad morbos pellendos: ne quis igitur bestias considerans de Cætore conqueratur, sed utilitatem investiget.

« Et omnem animam, » etc. Ad differentiam hominis, qui faciendus ad imaginem Dei, et, si præcepta servaret, perpetua inmutabilitate maneret. Cætera vero animalia sic facta sunt, ut alia aliis in alimoniam cederent vel senio deficerent.

VERS. 22. — « Benedixitque illis, » etc. (AUG., lib. *de Gen. imp.*, c. 15, tom. III.) Benedictionem ad fecunditatem valere voluit, quæ in successione prolis apparet, ut ea benedictione qua infirma et mortalia creata sunt, genus suum nascendo custodiant.

(CHRYSOST., *hom. 7 in Gen.*, tom. IV, col. 66.) Ipsa ergo benedictio est, in magno numero, et multitudine augeri, et multiplicari. Nam quia animatæ creature erant animalia, volebantque perpetuo esse, ideo subdidit: « Crescite. » Verbum enim illud usque in presentem diem illa conservat. « Crescite et multiplicamini, » etc. (BEDA, *in Hexaem.*) Ad utrumque genus animantium de aquis factorum, id est pisces et aves, pertinet. Quia sicut omnes pisces nonnisi aquis vivere possunt, ita plurimæ aves; quæ si in terris aliquando requiescent, fetusque faciunt, non tamen de terra, sed de mari vivunt, et libentius mari quam terra utuntur.

Mystice. (ISID. et AUG., *ubi supra*.) Die quinta facta sunt in aquis reptilia animalium vivarum, id est, homines in vitam renovati per sacramentum baptismi. Facta sunt volatilia, id est, animæ volantes ad superna. Incipit proiecta mens quinto die in actionibus turbulenti sæculi, tanquam in aquis maris operari, propter utilitatem fraternæ societatis, et de corporalibus agnitionibus, quæ ad mare, id est

hauc vitam, pertinent, producere animarum vivarum reptilia, id est opera quæ prosunt animis vivis; et ceteros magnos, id est fortissimas agnitiones, quibus fluctus sæculi dirumpuntur et contemnuntur; et volatilia cœli, id est, voces cœlestia prædicantes.

VERS. 23. — « Et factum est vespere et mane, etc. (AUG., *de Gen. contra Manich.*, lib. II, c. 23, tom. III.) Mystice, mane transmigratio in Babyloniam, cum ea captivitate populus leviter in peregrino otio est collocatus, etc., usque ad quia sic excœcati sunt ut nec possent Christum cognoscere.

VERS. 24. — « Dixit quoque Deus : Producat terra, » etc. (BEDA, *in Hexaem.*, tom. III, col. 43.) Post cœlum repletum sideribus et aerem volatilibus qui propter viciniam cœlum nominatur, etc., usque ad nomine quadrupedum omnia comprehensa sunt præter bestias et reptilia, sive domita, sive fera et agrestia.

« Producat terra, » etc. (AUG., lib. III *in Gen.*, c. 11, tom. III.) Consequens erat ut terram jam ornaret suis animalibus. Ter dicendo, juxta genus suum, etc., usque ad Et nomine pecorum et bestiarum omne irrationale animal solet comprehendendi. « In genere suo. » (AUG., *ibid.* c. 12.) Hæc forsitan secundum genus dicuntur, quia ita orta ut ex eis nascantur alia, et originis formam successione conservent. De homine autem hoc dictum non est, quia unus siebat, de quo et femina facta. Non enim multa genera hominum facta sunt, sicut herbarum et lignorum; ut dicatur, secundum genus suum, ac si diceretur generatim, ut inter se similia, atque in unam originem seminis pertinentia distinguerentur a cæteris.

(AUG., *ibid.* c. 14.) De quibusdam minutis animalibus quæstio est, etc., usque ad nisi quod potentia-liter in ipsis, et materialiter erant præseminata.

(AUG., *ibid.* c. 15, 16.) De venenosis et pernicio-sis queritur, etc., usque ad quæ cuncta merito con-siderata laudantur.

(AUG., *ibid.*, c. 17.) Illud etiam movet, etc., usque ad sed piæ fortitudinis numeros ad omnia præparare non dubitet.

(THEOD., *quest. 18 in Gen.*) Ne bestias, velut ab his, prorsus illæsi, contemnamus, quasi nullarum sint virium. Nonnunquam permittit Deus duos aut tres e multis millibus vel a scorpionibus pungi, vel a serpentibus morderi; ut nos veriti ne quid si-mile patiamur, Deum creatorem in auxilium in-vo-cemus.

(AUG. *in Gen.*, l. III, c. 13.) Quæritur quare hic non sit additum, quod dictum est de animalibus aquarum : « Benedixitque eis Deus dicens : Crescite et multiplicamini, » etc. Forte quod de prima crea-tura animæ viventis dictum erat, de secunda subintelligendum reliquit, maxime quia in hujus diei operibus alia plura dicturus. Herbas autem at-que ligna quia non habent generandi affectum, hu-jus benedictionis forsitan indigna judicavit. Quod necessario repetitum est in homine, ne quis putet

A in officio gignendi filios esse peccatum, sicut in fornicatione sine conjugio.

VERS. 25. — « Et fecit Deus bestias terræ, » etc. (BEDA *in Hexaem.*) Ordinis est mutatio. Nec curandum in nostra loquela quid prius creaturarum or-dine nominemus, cum Deus creaverit omnia si-mul.

(ISID., *in Gen.*, tom. V, col. 207.) Sexta die producit terra animam vivam, quando caro nostra ab operibus mortuis abstinentis, viva virtutum germina parit, secundum genus suum, id est, vitam imitando sanctorum. Unde I Cor. IV : « Imitatores mei estote, » etc. Secundum genus nostrum vivimus, quando sanctos quasi proximos imitamur. Producit terra bestias, id est, homines ferocitate superbientes. Et pecora, id est, simpliciter viventes. Et ser-pentes, astutos scilicet et bonum a malo discernen-tes, et quasi reptando scrutantes terrena, per quæ intelligent cœlestia.

VERS. 26. — « Faciamus hominem. » (AUG., *ibid.*, c. 19.) Insinuator pluralitas personarum Pa-tris, et Filii, et Spiritus sancti, et statim unitas dei-tatis, cum dicitur : « Et fecit Deus hominem ad imaginem Dei, » non Pater ad imaginem tantum Filii. Non enim vere diceretur ad imaginem no-stram; sed ita dictum est : « Fecit Deus hominem ad imaginem Dei, » ac si diceretur « ad imaginem suam. » Cum autem dicitur « ad imaginem Dei, » cum superius dictum sit, « ad imaginem nostram, » significatur quod non agit pluralitas personarum, ut plures deos credamus, sed ut Patrem, et Filium, et Spiritum sanctum unum Deum accipiamus.

« Faciamus hominem. » (BEDA, *in Hexaem.*) Ap-paret quare dictum sit ut cetera fierent, etc., usque ad sed ut veram post mortem se carnem rece-pisse monstraret.

« Et præsit, » etc. (AUG., lib. III *de Gen.* c. 20.) Notandum etiam quia cum dixisset « ad imaginem nostram, » continuo subjunxit : « Et præsit pisci-bus maris et volatilibus cœli. » Ut scilicet intelligamus in hoc factum hominem ad imaginem Dei, in quo irrationabilibus antecellit. Id autem est ratio, vel mens, vel intelligentia, vel si alio nomine com-modius vocetur, in quo scilicet contemplandæ veri-tati inhæret.

D **VERS. 27.** — « Et creavit Deus hominem ad ima-ginem, » etc. (BEDA, *in Gen.*, c. 1.) Qui non quemlibet sanctorum imitando, sed ipsam veritatem in-tuendo, operatur justitiam, ut ipsam veritatem in-telligat et sequatur : hic accepit potestatem super omnia, quia spiritualis quisque effectus, et Deo si-milis, omnia judicat, et ipse a nemine judicatur.

« Et creavit Deus, » etc. (AUG., *ubi supra*, cap. 20, 21, 22.) Notandum quod sicut in creanda luce dicitur : « Fiat lux, » et statim se-quitur, « et facta est lux ; » sic cum dicitur : « Fa-ciamus hominem, » inseritur, « et fecit Deus hominem ad imaginem Dei : » quia ista natura intel-lec-tualis est, sicut illa lux : et hoc est ei fieri, quod

agnoscere Verbum, per quod sit, etc., usque ad sed materialiter præseminata.

« Masculum et feminam creavit eos, » etc. (BEDA, in Hexaem.) Postea plenius et unde et quomodo homines facti sunt exponitur, etc., usque ad etsi virginitas præferatur.

(BEDA, Isid., ut supra.) Post hæc « fecit Deus hominem ad imaginem et similitudinem suam, » vi rum scilicet perfectum, etc., usque ad unde Paulus: « Seminavimus spiritualia vobis, magnum est si carnalia vestra metamus (I Cor. ix). »

VERS. 28. — « Et dominamini piscibus, » etc. Quod prius quasi consulendo dixerat de eis, nunc dicit imperans, ut habet scilicet dominium omnium creaturarum in inferiore parte mundi. Quod per singula exsequitur.

« Et dominamini piscibus maris. » (BEDA, in Hexaem.) Quæritur qua utilitate homo dominatum inter cætera animantia percepit, etc., usque ad et rictus bestiarum et serpentum venenum cessisse.

VERS. 29. — « Dixitque Deus : Ecce dedi, » etc. (BEDA, ibid.) Patet quod ante peccatum hominis terra nihil noxiū protulit, non herbam venenatam, non arborem sterilem. Omnis enim herba et ligna data sunt hominibus, et volatilibus, et animantibus terræ in escam. Unde patet quod tunc animalia animalium esu non vivebant, sed concorditer herbis et fructibus vescebantur.

VERS. 30. — « Et factum est ita. » (AUG., de Gen. ad litt. lib. III, c. 43.) Notandum quod ubi datur potestas homini herbas et fructus edendi, subinferatur, « et factum est ita : » in quo significatur quod hoc dicente Deo, hæc sibi in esum concessa cognovit homo, non quod statim ederit. Si enim ad omnia supradicta referimus quod ait « et factum est ita, » consequens erit ut dicamus eos jam multiplicatos sexta die, quod post multos factum est annos.

VERS. 31. — « Veditque Deus, » etc. (AUG., ibid.) Quæritur, cum singillatim cætera bona dicantur, cur homo ad imaginem Dei factus cum cæteris hoc datur? Sed forte præsciebat Deus eum peccatum, nec in perfectione imaginis mansurum. Qui enim singillatim bonus est, magis cum omnibus, sed non convertitur. Cautum est ergo ut diceretur, quod in præsenti verum esset, et præscientiam futuri significaret. Deus autem omnia ordinavit, ut si qua singillatim fuerint delinquendo deformia, semper tam cum eis universitas sit formosa.

« Et factum est vespere et mane, » etc. (ISID., in Gen., tom. V, col. 207.) Mane sexti diei sit prædictio Evangelii per Christum, etc., usque ad qui speram non habet.

Moraliter. (AUG., de Gen. contra Manich., lib. I in fine.) Sexto die producit terra animam vivam, id est, homo de stabilitate suæ mentis, ubi habet fructus spirituales, id est, bonas cogitationes; omnes motus animi sui regit, ut sit in illo anima viva, id est, rationi et justitiæ serviens, non terrenitati et peccato. Ita sit homo ad imaginem et similitudinem

A Dei, masculus et femina; id est, intellectus et actio: quorum copulatione spiritualis fetus terram implet, id est, carnem subjiciat, et cætera quæ jam in hominis perfectione dicta sunt. In istis namque diebus vespere est ipsa perfectio singulorum operum, et mane inchoatio sequentium.

CAPUT II.

VERS. 1. — « Igitur perfecti sunt cœli et terra, » etc. (ALCUIN, in Gen. tom. I, col. 517.) Nullo modo dici potest quomodo fecit Deus cœlum et terram. Sed hæc expositio per ordinem dierum indicat tanquam historiam factarum rerum, sed maxime observat prædicationem futurorunt, etc., usque ad quem Dominus utiliter latere monstravit.

B « Igitur perfecti sunt cœli, et terra, et omnis ornatus eorum. » (AUG., de Gen. contra Manich., lib. I, c. ult.) **Allegorice.** Post illorum quasi sex dierum opera valde bona speret homo requiem perpetuam, et intelligat quid sit, » et requievit Deus die septimo ab operibus suis : » quia et ipse in nobis hæc bona operatur, qui jubet ut operemur. Et recte quiescere dicitur : quia post hæc omnia opera requiem nobis præstabit, quomodo paterfamilias domum ædificat, cum servientibus facere imperat ; et post ab operibus requiescere, cum, perfecta fabrica, jubet quiescere.

(AUG., ibid.) Habet unusquisque nostrum in suis operibus et recta vita tanquam distinctos istos sex dies, post quos debeat quietem sperare : primo die lucem sidei, quando primum visibilibus credit, propter quam fidem Dominus visibiliter apparere dignatus est. Secundo die factum est tanquam firmamentum disciplinæ, quod discernit inter carnalia et spiritualia opera, sicut firmamentum inter inferiores aquas et superiores. Tertio die quo mentem suam ad proferendos bonorum operum fructus præparat, et erigit, separata labe et fluctibus tentationum carnalium, tanquam aridam habet mentem a perturbationibus maris, ut jam possit dicere : « Mente servio legi Dei (Rom. vii), » etc.

VERS. 2, 3. — « Complevitque Deus, » etc. (BEDA, in Hexaem.) Alia translatio : « Consummat Deus die sexto opera quæ fecit, » quæ nihil quæstionis affert, quia manifesta sunt quæ in eo facta sunt, etc., usque ad aliquid enim operis fecit Salomon cum templum dedicavit.

(HIER., Quæst. Hebr. in Gen., tom. III, col. 935.) In Hebreo habetur « die septima. » Arctabimus ergo Judeos, qui de otio sabbati gloriantur, quia jam tunc in principio sabbatum solutum est, dum Deus operatur in sabbato, complens opera sua in eo.

« Complevitque Deus, » etc. (AUG., lib. IV de Gen. ad litt., c. 4, tom. III.) Quæritur utrum, etc., usque ad secundum eum perfecta non fierent.

« Et requievit Deus, etc. (BEDA, in Hexaem.) Non quasi operando lassus, sed ab universo opere quietit, quia novam creaturam facere cessavit. Requiescere enim cessare dicitur, ut in Apocalypsis IV :

« Requiem non habebant, dicentia : Sanctus, sanctus, sanctus, » id est, dicere non cessabant.

(BEP., *ibid.*) Altius quoque intelligetur requievisse ab universo opere suo, etc., usque ad sed creaturis rationalibus in se requiem dedit.

« Et requievit Deus, » etc. (AUG., *ubi supra*, c. 8.) Non laboravit Deus in operando qui solo verbo fecit, dicendo : « Fiat. » Nec homo dicendo, « Fiat, » laborat. Sed forte dicitur laborasse cogitando quid fieret. A qua cura, perfectis rebus, quievisse dicitur. Sed hoc sapere desipere est. Deum ergo requievisse, est creaturæ rationali in se requiem præstisset; ut illuc scilicet desiderio feramur, quo requiescamus, id est nihil amplius requiramus. Sicut enim facere dicitur, quod ipso in nobis operante facimus, et cognoscere cum cognoscimus, sic requiescere, cum ejus munere requiescimus.

(*Ibid.*, c. 11.) Non est mirum si diem quo Christus erat in sepulcro quieturus hoc modo prænuntians dixit : « Die septimo requievit, » deinceps operatus ordinis sæculorum.

(*Ibid.*, c. 12.) Potest autem intelligi Deum requievisse a faciendis generibus creaturæ, etc., usque ad et gubernare non ccesset.

(*Ibid.*, c. 14.) Deus autem nec creando defessus, nec cessando refectus est : sed per Scripturam suam ad quietis desiderium nos hortatur, dicendo se diem sanctificasse in quo requievit. Cæteros enim dies operis sui non legitur sanctificasse, tanquam apud ipsum plus quies quam operatio valeat.

(*Ibid.*, c. 15.) Vixiū quoque animæ est ita suis operibus delectari, etc., usque ad ea requie a qua nunquam recessit.

(*Ibid.*) Si autem diceretur requievisse a faciendis, etc., usque ad sed ipso benedicti sumus.

(*Ibid.*) In se autem requievit Deus semper : in diebus vero quibus rerum consummatio narratur, in septimo tantum requievit, qui rerum sequitur perfectionem ; a perfectis enim requiescit, qui perfectis non eget ut beatior sit.

(*Ibid.*, c. 17.) Opera ejus videmus bona : quietem vero ejus post bona opera nostra videbimus. Ob quam significandam, unam diem sabbati præcepit observari : quod in tempore gratiæ sublatum est, in qua perpetuum observat sabbatum, qui spe futuri omnia bona operatur, nec in bonis operibus suis, quasi non acceperit, gloriatur.

(*Ibid.*, c. 18.) Apud illum quieti ejus nec mane nec vespera est, quia nec aperitur initio, nec clauditur fine. In perfectis autem operibus mane habet, et non vesperam ; quia perfecta creatura incipit converti ad quietem Creatoris, sed illa non habet finem sue perfectionis, et sic requies Dei non ipsi Deo, sed rerum perfectioni inchoatur, et habet in eo mane quod ab ipso perficitur : sed in suo genere tanquam vespera terminatur, quod in Deo vesperam non habet, quia nihil erit perfectius ipsa perfectione.

A (*Ibid.*) In illis autem diebus, etc., usque ad quæ conditi ante luminaria memorantur.

(*Ibid.*, c. 20.) Quæritur quomodo dicatur in septimo, etc., usque ad nisi illa quæ prius condita et dies vocata.

(*Ibid.*, c. 21.) Sed quomodo circumire poterat lux, etc., usque ad et reliqua.

(*Ibid.*) Sed facilius est ut nos ignorare fateamur, etc., usque ad falsumque erit eum sexta die consummasse omnia opera sua.

(*Ibid.*, c. 22.) Sed quoniam lux corporalis, etc., usque ad et illa quæ creatura in seipsa noscitur recte vespera dicitur.

B (*Ibid.*, c. 25.) Quia vero angeli creaturam in seipsa sic sciunt, etc., usque ad Ideo septima die nulla vespera accessit.

(*Ibid.*, c. 28.) Nec potest quis, etc., usque ad et verius mane ?

(*Ibid.*, c. 35.) Dies ergo ille primus, etc., usque ad et sanctificationem ob hoc meruit.

(BEP., in *Hexaem.*, tom. II, col. 43.) *Allegorice.* Unde dicitur Exod. xx : « Memento ut diem sabbati sanctifices. » Hæc autem benedictio et sanctificationis majorem benedictionem et sanctificationem significat, etc., usque ad Ideo hæc dies vesperam habere non scribitur.

VERS. 4. — « Istæ sunt generationes. » (RAB.) Eos tangit qui mundum sine initio dicunt semper fuisse, vel qui à Deo factum putant, sed ex materia quam non fecerit, sed coæterna ei.

C « In die quo fecit, » etc. Diem ponit pro omni tempore, quo primordialis creatura formata est, etc., usque ad sine pluvia et opere humano.

« Istæ sunt generationes coeli, » etc. (ISID., in *Gen.*, t. V.) Numerati sunt sex dies quibus universitas sæculi a capite usque ad finem, etc., usque ad si non peccasset.

D « Antequam oriretur in terra, » Id est, priusquam peccaret, id est terrenis cupiditatibus se subderet. Unde sequitur : « Non enim pluerat Deus super terram, » hoc est, nondum propheticis vel evangelicis nubibus, imbre verbi emisso, anjinam vivere fecerat, et « homo non erat qui operaretur terram, » quia post peccatum homo laborare ceperit in terra, necessarias habuit nubes illas, unde virgultum, id est anima virebat. Irrigabat eam sors vita, id est, inundatio veritatis, loquens in intellectu ejus, ut pluvia de nubibus non egeret antequam peccaret. Hic erat status hominis ante peccatum.

(AUG., l. v, *de Genes. ad lit.*, c. 1, tom. III.) Alia translatio habet : « Hic est liber creaturæ coeli et terra, » etc., usque ad magnos veritate, parvulos nutrit affabilitate.

(AUG., *ibid.*, l. vi, c. 10.) In prima mundi conditione, etc., usque ad semen ex herba.

VERS. 5. — « Et omne virgultum, » etc. (AUG., *ibid.*, l. v, c. 4.) Intelligitur terra causaliter produxisse herbam et lignum, id est producendi virtutem accepisse. In ea enim tanquam in radicibus fa-

cta erant quæ per tempora futura erant. Fecit ergo A (*Ibid.*, l. vi, c. 7.) Sed forte animæ sexta die factæ, ubi antequam essent super terram secundum formabilitatem materiæ, quæ formanda erant verbo ejus, præcedens formationem non tempore sed origine.

« Non enim pluerat Dominus, » etc. (*AUG.*, *ibid.*, c. 5.) Quasi non fecit Deus sic tunc sicut nunc, etc., usque ad nec creatura moveri posset.

VERS. 6. — « Sed fons, » etc. (*RAB.*) Hujus fontis qualiscunque irrigatione jam terra herbis et lignis vestita supervenit. Fons unus ascensisse dicitur pro aliqua in terræ finibus unitate; vel singularis positus est pro plurali.

« Sed fons, » etc. (*BEDA*, in *Gen.*, c. 2.) Hic int̄mare videtur quæ sicut secundum temporum intervalla, etc., usque ad post per hæc quæ nota sunt utcumque noscenda.

VERS. 7. — « Formavit, » etc. (*AUG.*) *Mystice.* Latior de homine figurata explicatur narratio, etc., usque ad ut nec contemnat quod est, nec arroget quod non est.

« Formavit igitur Dominus Deus hominem, » etc. (*AUG.*, de *Gen.* lib. III, cap. 20 et 25.) Prius de limo terræ formatum est corpus animale, etc., usque ad habet enim necessitatem moriendi.

(*Ibid.* c. 27.) Stola prima aut justitia est, de qua lapsus est: vel si corporalem immortalitatem signat, hanc amisit, cum peccando ad eam pervenire non potuit. Sic ergo Adam corpus animale habuit, non modo ante paradisum, sed et in paradyso (quamvis in interiori homine fuit spirituale) quod amisit peccando, et meruit corporis mortem, qui non peccando mereretur in corpus spirituale mutationem.

« Formavit, » etc. (*AUG.*, l. vi de *Gen. ad litt.*, c. 1, tom. III.) Videndum est utrum recapitulatio sit, ut dicatur quomodo homo factus sit, quem sexta die factum legimus. An tunc cum fecit omnia simul, et hominem in his fecit, ut accessu temporis etiam hoc modo fieret, quo in hac perspicua forma vitam gerit? sicut fenum factum antequam exoriretur, accedente tempore, et fontis irrigatione, exortum est, ut super terram esset.

(*AUG.*, *ibid.* c. 2, 3.) Secundum recapitulationem prius videamus, etc., usque ad tunc autem invisibiliter, potentialiter et causaliter quomodo sicut futura, non facta.

Formavit, » etc. (*BEDA*, in *Hexaem.*) Factura hominis, etc., usque ad in qua viveret, creavit.

(*AUG.*, de *Gen. ad litt.*, l. vi, c. 13 et 17.) Quæritur utrum Deus repente hominem in ætate virili fecerit, etc., usque ad et ideo necessario futurum erat.

Et inspiravit in faciem ejus spiraculum vitæ, et factus est homo in animam viventem. » (*AUG.*, *ibid.*, l. vii, c. 3, 5, 7.) Sinedubitatione, « flavit, vel sufflavit, » dicendum est, etc., usque ad pœnæ si contemneret?

(*Ibid.*, c. 26.) Dicendum est, etc., usque ad dubitare fas non est.

(*Ibid.*, c. 27.) Quæri solet utrum, si nolit incorporari, compellatur, etc., usque ad fecit eos.

A (*Ibid.*, l. vi, c. 7.) Sed forte animæ sexta die factæ, ubi imago Dei relucet, etc., usque ad quæ præponenda est in hujusmodi.

(*JERENÆUS.*) Aliud est habitus vitæ qui animalem efficit hominem, aliud Spiritus vivificans, qui spiritualē hominem operatur. Unde Isaías : Qui dedit flatum populis super terram, et spiritum calcantibus eam; ut Deus flatum quidem omni populo qui est super terram dederit; spiritum vero his tantum qui terrena desideria calcant: ut status ad tempus sit, spiritus vero æternus, ut pote qui proprie Dei donum sit.

VERS. 8. — « Plantaverat autem, » etc. (*BEDA*, in *Hexaem.*, tom. III.) Ab illo principio plantavit paradysum, etc., usque ad et quia de ligno vita et scientiæ boni et mali erat specialiter dicturus.

« Plantavit Dominus paradysum in Eden ad Orientem, » etc. (*AUG.*, de *Gen. ad litt.*, lib. viii, c. 1.) Tres generales sententiæ de paradyso sunt. Una eorum qui corporaliter tantum intelligi volunt, alia eorum qui spiritualiter tantum, tertia vero eorum qui utroque modo paradysum accipiunt. Tertiam mihi placere fateor: ut homo factus ex limo, quod corpus humanum est, in paradyso corporali locatus intelligatur. Adam, etsi aliud significat, quia est forma futuri, in natura propria homo accipitur.

(*Ibid.*) « Plantavit autem Dominus paradysum in Eden. » Id est in deliciis. Deinde hoc recapitulat ut ostendat quomodo paradysum Deus plantavit. « Et ejecit Deus de terra omne lignum, » etc. Jam enim C tunc produxerat terra omne lignum, die scilicet tertio. Sed cum ex his generibus sint ligna instituta in paradyso, produxit in manifesto, et in tempore suo, quæ jam causaliter tertio die terra produxerat.

(*STRAB.*) Quidam codices habent: « Eden ad Orientum. » Ex quo possumus conjicere paradysum in Oriente situm. Ubiunque autem sit, scimus eum terrenum esse, et interjecto Oceano, et montibus oppositis, remotissimum a nostro orbe, in alto situm, pertingentem usque ad lunarem circulum; unde aquæ diluvii illuc minime pervenerunt.

« In quo posuit. » (*AUG.*, ubi supra, cap. 5.) Si quis putat animas corpore exutas locis corporalibus contineri, etc., usque ad cuius una collyride Deus hominem a fame quadraginta diebus liberavit.

VERS. 9. — « Produxitque Dominus lignum etiam vitæ. » (*AUG.*, *Ibid.*, c. 4.) De sapientia dicitur: « Lignum vitæ his est qui apprehenderint eam. » Sed est Hierusalem æterna in cœlis, etc., usque ad quæ res suis temporibus gestas narravit.

« Lignum etiam vitæ, » etc. (*BEDA*, in *Hexaem.*, tom. III, col. 13.) In altero hominis signum obediens quam debebat: in altero sacramentum vitæ æternae, quam obediendo mereretur. Lignum vitæ dictum, quia divinius accepit, ut qui ex eo mandaret, corpus ejus stabili sanitate firmaretur, nec ulla infirmitate vel ætate in deterius vel in occasum laberetur.

(*STRAB.*) *Historice.* Lignum vitæ hanc naturaliter

virtutem habebat, ut qui ex ejus fructu comederet, perpetua soliditate vestiretur, nulla infirmitate, vel anxietate, vel senii lassitudine, vel imbecillitate fatigandus.

« Lignumque scientiae boni et mali. » (AUG. *ubi supra*, c. 6.) Erat corporale sicut aliae arbores, nec cibo noxiū, etc., usque ad quæ transgressionem secuta est.

« Lignum scientiae boni et mali. » (AUG., lib. II de Gen. contra Manich., c. 10.) Animæ medietas et ordinata integritas signatur, quod in medio paradisi plantatum, et scientiae boni et mali dictum: quia anima, quæ debet in Deum extendi, si Deo deserto ad se conversa fuerit, et potentia sua sine Deo frui voluerit, poena sequente experiendo discit quid sit inter bonum quod deseruit, et malum quo cecidit: et hoc erit ei gustasse de ligno scientiae boni et mali.

VERS. 10, 11, 12, 13, 14. — « Et fluvius egrediebatur. » (BED., *ubi supra*.) Ad irrigandum paradi- sum, etc., usque ad et paulo post emergentia solitum agere cursum.

(AUG., *ubi supra*, c. 7.) Alia translatio: « Fons exiit de Eden, qui irrigat paradi- sum, etc., usque ad ligna scilicet pulchra et fructuosa.

(ISID., AUG.) *Mystice*. Fluvius de paradi- so egredientibus, affluentia est æternæ jucunditatis, etc., usque ad adversa tolerando.

(GREG.) *Moraliter*. Quatuor fluminibus de paradi- so egredientibus terra irrigatur. Solidum rationis nostræ ædificium, prudentia, temperantia, fortitudo, justitia, continent: quia his quatuor virtutibus tota boni operis structura consurgit. Quatuor flumina paradi- sum irrigant, quia dum his quatuor virtutibus cor infunditur, ab omni desideriorum carnalium æstu temperatur.

« Evilath. » Regio Indiæ quæ post diluvium pos- sessa est ab Evilâ filio Jectan, filii Heber, patriarchæ Hebræorum. Evilath interpretatur *parturiens*, quia aliquis loquens veritatem, magis parturit quam pariat. Plinius dicit regiones Indiæ præ cæteris, venis aureis abundare.

« Bdellium. » Secundum Plinium arbor est aromaticæ magnitudine oleagina, cuius lacryma lucida, gustu amara, boni odoris, sed odoratior infusione vini.

« Onyx. » Est lapis pretiosus, sic dictus quia per- mistum habet candorem ad humani similitudinem unguis, quia unguis Græce dicitur ὄνυξ. Antiqua translatio habet « carbunculum et prasium. » Carbunculus est ignei coloris, et dicitur illustrare tenebras noctis. Prasius est viridis, unde Græce a porro, quod πράσινος dicitur, nomen accepit.

VERS. 15. — « Tulit ergo Dominus Deus, » etc. (AUG., *ubi supra*, c. 8.) Hominem in paradi- sum jam dixit. Nunc recapitulat ad quid positus est, ut operaretur, etc. Non est enim credibile quod Deus cum ante peccatum ad laborem damnaverit,

A etc., usque ad unde Eccli. x: « Initium enim superbiæ hominis est apostatare a Deo. »

« Tulit ergo Dominus Deus hominem, » etc. (GREG., lib. xix *Moral.*, cap. 17, tom. I.) Pensandum est quia bona prodesse nequeunt, si mala non cavitur quæ subrepunt, etc., usque ad sed sub ipsis superbiendo succumbunt.

« Et sumpsit Dominus Deus, » etc. (HIERON. *Quæst. Hebr. in Gen.*, tom. III.) Pro « voluptate » in Hebræo habetur « Eden. » Ipsi ergo LXX nunc « Eden » interpretati sunt, nunc « voluptatem. » Symmachus vero, qui « paradisum florentem ante transtulerat, hic « amoenitatem, » vel « delicias » posuit.

« Et posuit eum, » etc. (ISID.) *Mystice*. Ex eo quod additum est, « Et custodiret, » innuitur qualis operatio esset: quia in tranquillitate beatæ vitæ, ubi mors non est, omnis operatio est custodire quod tenes. Datum est enim præceptum, ut de omni ligno paradisi sumerent, sed non de ligno scientiae boni et mali: id est non sic eo fruerentur, ut integratatem naturæ suæ usurpando vetitum violarent.

VERS. 16. — « Præcipitque ei, » etc. (AUG., *ubi supra*, c. 15.) A ligno prohibitus est, etc., usque ad quid sit inter bonum obedientiæ et malum inobedientiæ.

(AUG., *ubi supra*, c. 17.) Quæritur si viro soli, vel etiam feminæ, etc., usque ad « domi viros suos interrogent. »

(PROCOPIUS. *In Gen.*) Dicunt aliqui: Si immortalitate nos amicire voluit, quid opus erat præcepto, propter quod peccaturi eramus et deinde judicij ejus sentire severos aculeos? Respondeo: Cum sit benignus et mansuetus, et vellet in incorruptibilem et immortalis conditionem asserere humanum genus: ne suæ vel propriæ virtuti beneficium id accepto ferrent, in hunc modum egit, voluit ut gratias ei haberent, his etiam destinavit præsentem vitam, ut palæstram et quasi doctrinam futuræ vitæ. Deinde inferens mortem ob peccatum, voluit ut agnosceremus nostram infirmitatem, et deinde nos ipsi magis appeteremus futurum donum.

« Præcepitque ei dicens: Ex omni, etc. (AUG., *de Gen. ad litt.*, L VIII, 28, tom. III.) Si quæritur quomodo ista locutus sit, non proprie a nobis potest comprehendiri. Certum est enim aut per suam substantiam loqui, etc., usque ad sed per subditam sibi creaturam.

Quæritur quomodo loqui potuerunt, vel loquentem intelligere, qui non didicerant inter loquentes crescendo, vel magisterio? Sed eos Deus tales fecerat qui possent loqui, et discere ab aliis si essent.

(AUG., *ubi supra*, c. 14.) De Christo dicitur, Isa. vii: « Priusquam sciat puer bonum aut malum, contemnet malitiam, ut eligat bonum. » Quomodo quod nescit aut contemnit, aut eligit? etc., usque ad quod amittere non debebat.

VERS. 17. — « De ligno autem, » etc. (AUG., *ubi supra*, c. 15.) Lignum ex eo, etc., usque ad id est, quod amabant non amissi.

(SEVERIANUS.) Tres arborum differentiæ erant in

paradiso. Una quidem data illi erat ut viveret, altera ut bene viveret, tertia ut semper viveret.

« In quoque enim die, » etc. Non ait, Si comedieris, mortalis eris, sed « morte morieris. » Mortuus est eniq; homo in anima cum peccavit, quia recessit ab illo Deus, qui est vita animæ : quam secula est mors corporis, discedente ab illo anima, quæ est vita corporis ; quæ Adæ evenit, cum præsentem vitam finivit. Potest ita intelligi quod quando peccaverunt, statim morte illa puniti sunt, de qua dicitur Rom. septimo : « Infelix ego homo ! quis me liberabit de corpore mortis hujus ? » et ibidem octavo : « Corpus mortuum est propter peccatum ; » non ait mortale, sed « mortuum, » quamvis mortale, quia moriturum. Non credendum est ante peccatum ita fuisse illa corpora, sed animalia nondum spiritualia, non tamen mortua, quæ scilicet necesse esset mori, quod in die prævaricationis factum est.

« Morte morieris. » Duplex mors significatur : animæ, Domino discedente, qui est ejus vita ; vel corporis, quam in fine vitæ accepit. Sed statim necessitatem moriendi incurrit.

VERS. 18. — « Dixit quoque Dominus, » etc. (AUG., l. ix de Gen., c. 8.) Qui sentiunt ad gignendos filios in paradiso miseri non licere, etc., usque ad anima ex anima, sive alio modo fiat anima.

VERS. 19. — « Adduxit ea, » etc. (AUG., l. ix de Gen. ad litt., c. 14, tom. III.) Non sicut venatores, vel aucupes; nec jussionis vox de nube facta est, quan rationales animæ intelligere solent; hanc enim naturaliter non intelligunt bestiæ, vel aves, etc., usque ad terra esse creatæ intelliguntur.

(HIERON.) Videtur primam linguam humano generi fuisse Hebreæam, quia nomina quæ usque ad divisionem linguarum in Genesi legimus, constat esse illius.

VERS. 20. — « Appellavitque, » etc. (AUG.) *Mystice.* Significans gentes quæ salvæ fierent in Ecclesia per Christum, nomen Christi accepturas, quod prius non habebant; unde, Isa. lxv : « Vocabo servos meos nomine alio. »

« Adæ vero non inveniebatur, » etc. (AUG., lib. ix de Gen. ad litt., cap. 15 et seq.) Videndum est quomodo facta sit mulieris formatio, quæ mystice dicitur ædificatione, etc., usque ad ut intelligamus per illam extasim Adam divinitus hæc dixisse.

« Adæ vero non inveniebatur adjutor. » Nullus fidelis justus Christo æquari potest. Psalm. XLIV : « Speciosus enim forma præ filii hominum. » Nemo enim poterat genus humanum liberare nisi ipse. Unde Apocalypsis v : « Nemo inventus est dignus aperire librum et solvere signacula ejus, » etc.

« Adæ vero non inveniebatur, » etc. (AUG., de Gen. contra Manich., l. II, c. 13.) Facta est mulier in adjutorium viri, etc., usque ad et dominio rationis cooperante gratia subjugare.

VERS. 21. — « Immisit ergo Dominus, » etc. (ISID. ex Aug., ut supra, c. 13, 14.) *Mystice.* Non possunt hæc corporeis oculis videri. Sed quanto quis a visilibus ad secreta intelligentiæ quasi ob-

A dormiendo secesserit, melius et sincerius videt. etc., usque ad et Ecclesiæ referenda.

(AUG., lib. x de Gen. ad litt., c. I.) Qui putant animam ex anima, etc., usque ad quam de viro fuerat dictum.

(AUG., ibid., c. 19, 20.) Si queratur unde accepit animam Christus, mallem audire meliores et doctiores ; etc., usque ad quibus quid responderi possit, nondum mihi occurrit.

« Immisit ergo Dominus soporem, » etc. (GREG., Moral., l. xxx, tom. II.) Culmen contemplationis non attingimus, si non ab exterioris curæ oppressione cessemus : nec nos ipsos intuemur, ut sciamus in nobis aliud esse rationale quod regit, aliud animale quod regitur, nisi ad secretum silentii recurrentes, ab exteriori perturbatione sopiamur. Quod bene Adam dormiens figuravit, de cuius mox latere mulier processit. Qui enim ad interiora intelligenda rapitur, a rebus visibilibus oculos claudit, et tunc intelligit in seipso aliud esse quod regere debeat, tanquam vir ; aliud quod regatur, tanquam femina.

VERS. 22, 24. — « Et ædificavit. . . . Quamobrem relinquet, » etc. (ISID., in Gen., t. V.) Quod per historiam completum est in Adam, etc., usque ad Serpens enim hæreticorum venena presignat.

VERS. 25. — « Erat autem uterque nudus. » (AUG.) Si Dei verbis vel cuiuslibet prophetæ aliquid dicitur, quod ad litteram absurdum videtur et ideo figurate dictum, ob significationem tamen dictum esse non est dubitandum. Corpora vero duorum hominum in paradiso nuda erant, nec erubescabant, quia nullam legem in membris senserant legi mentis repugnantem, quæ inobedientiam secuta est. Nihil putabant velandum, quia nihil senserant refrenandum.

• (AUG., de Civ. Dei, l. XIV, c. 17, tom. VII, col. 425.) Merito libidinis maxime pudet, etc., usque ad reddiditque confusos.

(RUPERT.) Non erat hoc ignominiae, sed honoris, quod nudi erant : non erat insipientiæ, sed securitatis, quod nuditatem suam non erubescabant. Quid enim ? nunquid hoc a factore suo accepit, quod confusibilis et verenda est factura Dei ? Aut nunquid confusionem hujusmodi pati, et non potius conscientia facit ? Est quidem quasi in naturam versus in hoc tormentum confusionis : verumtamen non ex conditione primæva, sed ex juniore culpa origo ejus pullulavit. Etenim idcirco nuditatem nostram erubescimus, quia consciæ nobis sumus quantum infirmitatem, imo quantam adversum nos rebellionem carnis nostræ portamus. At vero tunc sana erat cordis conscientia, quippe quam nulla sollicitabat oculorum concupiscentia ; siquidem concupiscentia carnis poena est peccati, qua præcedens punitur superbia mentis. Deus, inquit Scriptura, fecit hominem rectum. Rectitudine autem hominis in eo est ut carni spiritus, ut pote inferiori superior, præsit et imperet : medius namque inter Deum et carnem suam rationalis spiritus hominis positus est, ut Deo pare

ret et carni imperaret. Quem ordinem quia prior A illie turbavit et rupit, abiciendo præceptum Dei : subditus est, qui erat superior, spiritus infusus carni, ut iusta pax inferiori subjaceat, qui superiori recte subesse contempsit. Hinc illa confusio faciei de conscientia secretis ad publicos oculos pro-rumpens, et sub misera velamentorum solatio posualem ignominiam ire compellens. Haec, inquam, infirmitas vel rebellio carnis bondum erat : bene igitur nudus erat eterque et non erubescerant, quia quod erubescerent non habebant. Illa nuditatris securitate perdiit, nos ingemiscimus, eo quod gloria et honore spoliati et panniculis obvoluti sumus. Nam ita vestiti vere incedimus nudi, etiamsi, quod impossibile est, sic vestiampur sicut vestiuntur lilia agri. Etenim nec Salomon in omni gloria sua vestitus est sicut unum ex his. Si, inquam, vestiri possimus sicut haec vestiuntur, sic quoque spoliati et nudii sumus. Unde Salvatorem exspectamus Dominum nostrum Jesum Christum, qui reformabit corpus humilitatis nostrae, configuratum corpori claritatis sue. Nunquid enim quando fulgebunt justi sicut sol in regno Patris sui, tuncis operientur et palliis? Non utique, sed ad gloriam factoris sui, quæcumque illis fuerint vase misericordiae, mutuis cum gloriæ aspectibus patebunt, foris fulgidi, et intus jucundi; corpore integrum, et animo laeti; corpore, inquam, simul et anima beati.

C « Erat autem eterque nudus, » etc. (Isid., in Gen., ex Aug. de Gen. contra Manich., lib. II, c. 15.) Quod nudi erant et erubescerant, etc., usque ad quia in consensu reæ penititæ conscientia.

CARTA III.

VERS. 1-4. — « Sed et serpens erat callidior cupiens animantibus, » etc. (Aug., lib. II de Gen. ad litt. c. 2, 3, tom. III.) Alii, « prudentissimus, » translatiæ dictum. Quidam codices habent « sapientissimus, » non proprie, sicut in bono solet accipi sapientia Dei, vel angelorum, vel animæ rationalis, etc., usque ad sed potestas a Deo.

« Sed serpens, » etc. (STRAB.) Sic diabolus loquebatur per serpentem ignorantem, sicut per energumenos vel fanaticos : quemcunque enim arripit, intellectum et rationem tollit. Spiritus vero bonus quoscunque gratia repleverit, videntes et intelligentes facit, unde spiritus prophetarum subjectus est prophetis.

« Qui dixit ad mulierem. » (Aug., lib. II de Gen. ad litt., c. 30, et ex capp. 7, 8, 6, 10, passim.) Inexcusabilis est prævaricatio mulieris, quia memor erat præcepti Dei. Oblivio tamen, etc., usque ad haec c. 10 : Providet bonos et malos futuros, et creat : seipsum ad fruendum præstans bonis, multa etiam largiens malis.

« Cur præcepit, » etc. (STRAB.) Ideo callidus hostis interrogat hoc, et mandatum Dei memorat, ne cum peccaverit, excusationem habeat quasi oblita.

« Cur præcepit, » etc. (GREG., Moral., l. xxiii, tom. II.) Idem quotidie agit hostis humani generis : verba

A Dei de cordibus hominum molitur evellere, et minas levare, et ad credendum quod falso promittit, invitat enim ad temporalia, ut leveat quod Deus minetur æterna supplicia. Spondens siquidem gloriam presentis vitae, dicit : « Gustate, et eritis sicut dii, » ej tempore concupiscentiam tangite, et in hoc mundo sublimes apparete ; et cum timorem divinæ sententiae conatur amovere, quodammodo dicit : « Cur præcepit vobis Deus? »

(Aug., lib. II de Gen. ad litt., c. 4, tom. III.) Quæritur cur Deus hominem tentari permiserit, etc., usque ad sive terrenum, ut hominis anima.

(Ibid., c. 5.) Nec putandum quod homo dejiceretur, nisi præcessisset in eo quædam elatio comprimenda, ut per humilitatem peccati sciret quod falso de se præsumperit, et quod non bene se habet facta natura, si a faciente recesserit. Commendatur enim quale bonum Deus sit, quando nulli bene est ab ipso recedere.

B (Ibid., c. 18.) Haec quæstiæ de beata vita, etc., usque ad minus quam in vita sanctorum angelorum.

(Ibid., c. 16.) Non frustra putari potest ab initio temporis diabolum cecidiisse, etc., usque ad quibus non dedit Deus præscentiam de seipso?

(Ibid., c. 14.) Quomodo autem beati esse possint, quibus est incerta sua beatitudine? etc., usque ad mihi autem unde asserant, non occurrit.

(Ibid., c. 21.) Sed non frustra putandum est ab ipso creaturæ exordio, etc., usque ad prævidens quanta de illo sua honestate esset facturus.

(Ibid., c. 22.) « Initium autem figuranti » dicitur, etc., usque ad ut homines malos.

(Ibid., c. 23.) Quod ergo putatur diabolus nunquam in veritate stetisse, etc., usque ad plura in corpus ejus conveniunt.

(GREG., hom. 16, in Evang., tom. II.) Primum parentem diabolus tribus modis tentavit, etc., usque ad delectatione vincimur, consensu ligamur.

VERS. 5. — « Eritis sicut dii, » etc. (STRAB.) Mystice. Artificiali dolo verba componit, ut si per inobedientiæ contemptum subvertere nequerit, saltem in hoc quod fidem corrumperit, et idolatriam suaserit, victorem se glorietur : si autem per inobedientiæ contemptum seduxerit, in utroque vitor existat.

(Aug., de Gen. contra Manich., l. II, c. 15, tom. III.) Interrogata mulier respondit, etc., usque ad nullo enim regente per suam potestatem solus Deus beatus est.

VERS. 6, 7. — « Vedit igitur, » etc. (Isip. ex Aug. ubi supra.) Quomodo videbant si clausi arant oculi? Sed dictum est ut intelligamus eos oculos apertos fuisse, postquam de fructu comedenterunt, quibus se nudos videbant, et displicebant : id est, oculos astutæ, quibus simplicitas displicet. Cum quis enim ceciderit ab intima luce veritatis, nihil est unde superbia placere velit, nisi fraudulentis simulationibus. Hinc enim hypocrisis nascitur, in qua multum

videntur cordati, qui decipere potuerunt quem volebant ignorare. **A** rit, insinuat quia peccatores jure damnatos ignorat.

Vers. 12. — « Dixitque Adam : Mulier quam dedisti, » etc. (AUG., lib. xxii *Moral.*, cap. 2.) Ne in lubrica cogitatione versemur, non debemus intueri quod non licet concupisci, etc., usque ad exteriorum quoque sensuum disciplina servanda est.

« Deditque viro suo, qui comebat. Et aperti sunt oculi amborum, » etc. (ISID., ex Aug. *ubi supra*, c. 16, 17.) De quibus dictum est : « Tunc viderunt quod nudi essent, » oculis scilicet perversis, quibus nuditas, scilicet simplicitas, erubescenda videbatur. etc., usque ad « Ad me ipsum turbata est anima mea. » (PSAL. XL.)

« Qui comedit, » etc. (AUG., *de Gen.*, lib. xi, c. 3, tom. III, col. 429.) Ad concupiscendum scilicet invicem, etc., usque ad quae convinceret peccatum factio, et doceret scripto lectorem.

« Consueverunt folia fucus. » (ALCUNI., *in Gen.* t. I.) Quia gloriam simplicis castitatis amiserunt, ad duplice libidine pruritum confugerunt; unde IOAN. i : « Cum essem sub fucus vidi te, et descendisti, » subaudiui liberare te. »

Vers. 8. — « Et cum audissent, » etc. (AUG., I. II *de Gen. ad litt.*, c. 33.) Ea enim hora tales conveniebat visitari, quia defecerant a luce veritatis, etc., usque ad corporalibus sensibus locali et temporali motu apparuisse credatur.

« Abscondit se, » etc. (AUG., *ibid.*) Cum Deus avertit intrinsecus faciem et homo turbatur, sunt similia amentiae, nimio timore ac pudore, occulto quoque instinctu non quiescente : ut nescientes facerent quae C aliquid posteris significarent, propter quos haec scripta sunt.

« Ad auram post meridiem. » Unde hora nona Christus spiritum emisit (MATTH. XXVII). Qui sexta hora fuit crucifixus, ut eadem hora restitueretur homo qua de paradiiso est ejectus.

« In medio ligni paradisi. » Abscondit se, qui aversus a precepto Creatoris, erroris sui et arbitrii voluntate vivit.

Vers. 9. — « Vocavitque Dominus Deus Adam. » (AUG., *ubi supra*, c. 34.) Incredendo, scilicet non ignorando, etc., usque ad nunc autem non significata reserimus, sed gesta defendimus.

Vers. 10-11. — « Qui ait : Vocem tuam audivi, » etc. (AUG., *ubi supra*, c. 34.) *Historice.* Probabile est per congiuam creaturam solere humanam formam hominibus primis apparere, etc., usque ad et secutum est quod pudaret.

« Vocem tuam, » etc. (ISID., *in Gen.* tom. V.) *Mystice.* Respondet, voce ejus auditâ se occultasse, etc., usque ad ei precepto Dei non obediens.

« Vocavitque Deus Adam, » etc. (GREG.) Quia vidit in culpa lapsum jam sub peccato, velut a veritatis oculis absconditum, quia tenebras erroris ejus non approbat, quasi ubi sit peccator ignorat, cumque vocat ac requirit dicens : « Adam, ubi es? » Dum vocat, significat quia ad poenitentiam revocat; dum requiri-

at, insinuat quia peccatores jure damnatos ignorat. **Vers. 12.** — « Dixitque Adam : Mulier quam dedisti, » etc. (AUG.) Non dicit, Peccavi : superbia enim habet confusionis deformitatem, non confessionis humilitatem. Ad hoc autem scriptum est, et interrogations ad hoc factae, ut veraciter et utiliter scriberentur, ut sciamus quanto morbo superbiae laborebant hodie conantes malum in Creatorem referre, et si quid boni faciunt, sibi tribuere.

« Mulier quam dedisti, » etc. Quasi ad hoc data sit, ut non ipsa obediret viro, et ambo Deo.

« Mulier quam dedisti, » etc. (GREG., lib. iv *Mor.*, c. 27, tom. I, col. 661.) Quatuor modis peccatum perpetratur in corde, etc., usque ad ad extremum falsae spei seductione, vel obstinatione misera desperationis nutritur.

Vers. 13. — « Et dixit Dominus Deus ad mulierem, » etc. (AUG.) Nec ista constet peccatum, sed refert in alterum, in impari sexu, pari fastu. Ex his tamen natus David dicit usque in finem saeculi : « Ego dixi : Domine, miserere mei, sana animam meam, quia peccavi tibi (PSAL. XL). » Hoc ab ipsis dicendum fuit : sed nondum peccatorum cervices considerat Deus : restabant labores et dolores mortis, et contrito saeculi, et gratia Dei, quae in tempore subvenit, docens afflitos non de se presumere.

« Serpens decepit, » etc. Quasi cujuslibet persuasio pravaleat Dei precepto.

« Serpens decepit me, » etc. (AUG., *ibid.*, lib. II, c. 30.) Quomodo his verbis, etc., usque ad cum eo cibis non videret eam mortuam esse.

(AUG., *ibid.*, c. 28.) Notandum quod non diabolus est permisus feminam tentare, etc., usque ad sed ex hac homini invidisse ratio ostendit.

(ALC.) Peccatum angeli tacitum, hominis patetatum : quia illud incurabile, hoc curatum.

« Vedit igitur, » etc. (STRAB.) Aperie inexcusabilis ostenditur, cui licuit sub tali deliberatione dolos inimici advertere.

Vers. 14. — « Et ait Dominus Deus, » etc. (AUG., *ubi supra*, c. 36.) Tota huc sententia figurata est. Ubi credendum tamen omnia dicta esse. Serpens non interrogatus quare fecerit, quia non ipse propria voluntate et natura fecit, sed de illo diabolus, et per illum, et in illo : qui jam pro impietate et superbia aeterno igni destinatus fuerat. Ad ipsum ergo referuntur quod serpenti dicitur, et qualis humano generi futurus sit ostenditur.

Mystice. « Et ait Dominus Deus ad serpentem, » etc. (AUG., *de Gen. cont. Manich.*, lib. II, c. 17.) Serpens non interrogatus prior excipit preconam, etc., usque ad ut ipsum initium suggestionis malae excludat.

« Super pectus tuum, » etc. (HEBRON.) « Ventrem, LXX addiderunt, sed in Hebreo habetur « pectus », tantum, ut calliditatem et versutiam cogitationum ejus aperiret, id est quod omnis gressus ejus nequitiae est et fraudis.

* In Hebreo est *gahon*, quod *ventrem* et *pectus* significat.

« Pectore et ventre repes. » (GREG., lib. xxi *Mor.*, c. 2.) Malum luxuriae aut cogitatione perpetratur aut opere. Hostis enim cum ab effectu operis expellitur, secreta cogitationis polluere molitur. Ventre repit, dum lubricus per membra humana sibi subdita, luxuriam exercet in opere. Serpit pectore, dum pollut in cogitatione. Sed quia per cogitationem ad opera venitur, prius pectore et post ventre describitur reperire.

VERS. 15. — « Inimicitias ponam inter te et mulierem... Ipsa conteret caput tuum, » etc. (GREG. l. i *Mor.*, c. 38.) Caput serpentis conterere, est initia suggestionis manu sollicitate considerationis a cordis aditu extirpare; qui cum ab initio deprehenditur, percutere calcaneo molitur, quia quem prima tentatione non percutit, decipere in fine tendit. Si autem cor in tentatione corruptitur, sequentis actionis medietas et terminus ab hoste possidetur, quia totam sibi arborem fructus ferre conspicit, quam venenidenter in radice vitiavit.

(HIERON.) « Ipsa servabit calcaneum tuum, et tu conteres ejus calcaneum. » Melius in Hebraeo habetur: « Ipsa conteret caput tuum, et tu conteres calcaneum ejus, » quia et nostri gressus praepediuntur a colubro, et Dominus conteret Satan sub pedibus ejus.

VERS. 16. — « Mulieri quoque, » etc. (AUG., *ubi supra*, c. 37.) Haec figurare et propheticē melius intelliguntur, etc., usque ad depravabitur natura, et augebitur culpa.

« Multiplicabo ærumnas, » etc. (AUG., *de Gen. contra Manich.*, l. ii, c. 19.) Manifestum est multiplicatos esse dolores mulieris, etc., usque ad sed prius relatum est cum dolore consuetudini male.

VERS. 17-18. — ... « Maledicta terra, » etc. (AUG. *ibid.*, c. 38.) Hos esse labores humani generis in terra nemo ignorat, et quod non esset, si felicitas quæ erat in paradiſo teneretur indubitanter constat.

(STRAB.) Terra maledicitur, non Adam, ut cuncti propter quos haec scripta sunt terrarentur, ne similia facientes, simili poena plecterentur. Ipse vero Cain, quia primæ prævaricationi fratricidium addidit, maledicitur cum dicitur: « Maledictus eris super terram, » etc.

(AUG.) Terræ maledixit, non aquis, quia homo de fructu terræ contra vetitum manducavit, non de aquis biberet, et in aquis erat peccatum abluendum de fructu terræ contractum. Animalia quoque terrestria plus maledictionis habent quam aquatilia, quia plus vivunt de maledicta terra. Inde Christus post resurrectionem de pisce manducavit, non de terrestri animali.

« Maledicta terra in opere tuo. » (GREG., *Moral.* lib. iv, c. 5, 6.) Deus maledicit homini peccanti, etc., usque ad et duos quinquagenarios flamma combussit.

« In laboribus, » etc. (RAB.) Spinæ antea erant, sed non ut laborem homini inferrent: cui post pec-

A catum fuerunt ad laborem et afflictionem, sicut serpentes et quæcumque noxia, ante innoxia. Et notandum quod Adæ extrinseca poena imponitur: « Maledicta terra in opere tuo; » mulieri vero intrinseca, cum dicitur: « Multiplicabo ærumnas tuas, » etc., quia seducta seduxit virum.

VERS. 19. — « Pulvis es, » etc. (GREG., *ubi supra*.) Homo ita conditus fuit, etc., usque ad senectus transit ad mortem.

VERS. 20. — « Et vocavit Adam nomen uxoris sue Eva, » etc. (AUG., *ubi supra*.) Verba primi hominis haec fuerunt, quoniam haec est mater omnium viventium, tanquam reddat causam nominis a se impositi, cur scilicet Evam vocaverit.

B *Mystice.* (AUG., *de Gen. contra Manich.*, l. ii, c. 21.) Post peccatum et judicis sententiam vocavit Adam uxorem suam Evam, etc., usque ad in pellibus ex-primitur quæ mortuis corporibus detrahuntur.

VERS. 21. — « Fecit quoque, » etc. (AUG., *de Gen.* lib. xi, c. 39.) Hoc quoque significationis causa factum est, et in factis queritur quid factum sit, et quid significet, et in dictis quid dictum sit, quidve significet.

(STRAB.) Ipsi fecerunt sibi perizomata, ut peccatum suum absconderent: Deus vero tunicas pelliceas, quibus totum eorum corpus induit, quia et in corpore et in anima eos juste damnavit. Stulta vero quæstio est qualiter vel quo operante pelles ab animalibus deductæ sint, querere: qui enim de nihilo omnia condidit, quomodo et qualiter voluit, haec fecit.

C VERS. 22. — « Et ait: Ecce Adam quasi unus ex nobis, » etc. (AUG., *ibid.*, c. 41.) Propter trinitatem pluralis numerus ponitur, etc., usque ad sicut in Ecclesia solent homines a sacramentis visibilibus Ecclesiæ disciplina removeri.

(AUG., *ubi supra*, c. 42.) Mirum est si Adam spiritualis erat mente, etc., usque ad quæ falsum verum esse putavit.

« Quasi unus ex nobis. » (AUG., *de Gen. contra Manich.*, lib. ii, c. 21.) Dupliciter intelligi potest, « quasi unus ex nobis, » id est Deus, etc., usque ad donec Dei misericordia reviviscat qui mortuus fuerat.

(RUPERT.) Ne comedat de ligno vitæ, et hoc facto talis, tam miser factus Adam, vivat in æternum. Quid enim si cum talis factus sit vivat in æternum? utique nil nisi malum æternum. Jam enim miser factus, si æternus quoque sit, quid nisi miseriam æternam habebit? Parcamus illi, ne hoc modo male sit « quasi unus ex nobis; » ne sicut quisque nostrum æternus est (æternus enim Pater, æternus Filius, æternus Spiritus sanctus), sic et ille æternus sit, et ob hoc veracem se esse rideat oculus nequam diaboli, qui Dei similitudinem ei repromisit. Etenim malum quidem illi est temporalem esse, sed pessimum esset æternum esse. Mala nimis et falsa est haec similitudo Dei. Multo melius illi est esse omnino dissimilem Dei. Quomodo? Videlicet, ut, quia miser est, sit etiam temporalis, hoc est esse omnino dissimilem Dei.

Deus enim et æternus est, et felix, et est ejus æterna felicitas, felix æternitas. Horum alterum, id est felicitatem, perdidit diabolus, æternitatem vero non amisit; et est ejus æterna infelicitas, infelix æternitas. Parcamus, inquām, homini; et quia felicitatem perdidit, æternitatem quoque præcipiamus infelici, ut in neutro sit « quasi unus ex nobis; » nobis est æterna felicitas, felix æternitas; sit illi temporalis miseria, vel misera temporalitas; ut tunc illi commodus reforinetur æternitas, cum fuerit recuperata felicitas. In magna ergo ira, magnæ misericordiæ Dominus recordatus est, hoc ipso quod lignum vitæ non concessit misero homini: quippe quem voluit sic esse dissimilem sibi, ut non esset utrobiique similis diabolo, id est ne viveret homo, æque ut diabolus, usque ad ultimum judicium, et æque ut ille, absque temporali morte, transiret ad æternum incendium.

VERS. 23. — « Et emisit eum, » etc. (Aug., *de Gen. contra Manich.*, l. II, c. 22.) In locum sibi congruum; sicut plerumque malus, cum inter bonos vivere cooperit, si in melius mutari noluerit, de bonorum congregatione pellitur pondere pravæ consuetudinis suæ.

VERS. 24. — « Ejecitque Adam. » (HIERON. *Quæst. Hebr.*, tom. III.) LXX: « Et ejecit, et habitare fecit contra paradisum voluptatis, et statuit cherubin, et flammeam rhompheam, quæ vertitur ad custodiendam ligni vitæ viam. » Alius sensus est in Hebræo; ait enim, « et ejecit Dominus, » Adam scilicet, « et habitare fecit ante paradisum voluptatis cherubin, et flammeum gladium. » Non quod Adam habitare fecerit contra paradisum voluptatis, sed, illo ejecto, ante fores paradii cherubin et flammeum posuit gladium, ne quis posset intrare.

« Et collocavit, » etc. (Aug., *ut supra*.) Hoc per cœlestes potestates etiam in paradiso visibili factum esse credendum est, ut per angelicum ministerium ibi esset quædam ignea custodia, non tamen frustra, sed quia aliquid de paradiso significat spirituali.

« Collocavit, » etc. (STRAB.) Hoc est per ministerium angelorum igneam custodiam constituit. Flammus gladius tribulationes, dolores et labores hujus vitæ, quibus nos exercemur; vel sententia justæ damnationis, quæ homini est data, qui ita damnatus est ut Christi passione redimi posset. Unde gladius versatilis dicitur, quia potest removeri. Remotus est enim Enoch et Eliæ, et quotidie removetur fidelibus, de hac vita ad supernam beatitudinem transeuntibus. Nec dicit flamمام et gladium, sed « flammeum gladium : » qui enim ad paradiſum redeunt, necesse est ut igne Spiritus sancti omnes concupiscentias hujus vitæ exurant, et gladio verbi Dei omnia noxia præcidant.

« Et collocavit, » etc. (Isid., *in Gen.*, tom. V.) Cherubin plenitudo scientiæ, hæc est charitas quæ plenitudo legis est divinæ. Gladius flammeus, poenæ temporales, quæ versatiles sunt, quoniam tempora volubilia sunt. Ad arborem igitur vitæ non redditur,

A nisi per cherubin, id est plenitudinem scientiæ, id est charitatem: et per gladium versatilem, id est tolerantiam temporalem.

CAPUT IV.

VERS. 1. — « Adam vero, » etc. (Aug., lib. ix *de Gen. ad litt.*, c. 4). In paradiſo virginitas, extra nutrix, etc., usque ad sed post in exilio generata.

« Concepit et peperit, » etc. Cain et Abel de una matre geniti, figura sunt omnium hominum qui de radice peccati in hanc vitam propagantur; et alii terrenam civitatem et mortiferas delicias sunt amaturi, et quantum in se est ambitione possessuri; quos significat Cain, qui interpretatur *possessio*. Alii futuram civitatem quæsitudi, et de hujus habitationis miseriis lugentes, ad futuram gloriam toto desiderio transituri, quos significat Abel, qui interpretatur *luctus*, et est posterior: quia non prius est quod spirituale est, sed quod animale. Hinc Cain dicitur « agricola, » id est, terrenis operibus incumbens; Abel vero « pastor ovium, » simplicitatem scilicet et innocentiam diligens.

Allegorice. (Isid., *in Gen.*) Duo filii Adæ duos populos exprimunt, Judaicum scilicet natu majorem, etc., usque ad quasi non permittat ratio motum pravum ad effectum venire, sed studeat subjungare.

VERS. 2. — « Fuit autem Abel, » etc. In quo significatur qui de terrena inhabitatione lugent. Abel namque *luctus* interpretatur, vel *vapor*, quia luctus fuit parentibus vel tanquam vapor cito disparuit.

C VERS. 3, 4. — « Factum est autem, » etc. « Abel quoque obtulit, » etc. Quia justus in omnibus quæ agit per fidem et charitatem (de quibus cæteræ virtutes oriuntur, et sine quibus nihil prosunt) Deo placere contendit, quod significatur in adipibus oblati; unde psal. LXII: « Sicut adipe et pinguedine repleatur anima mea. » Sine charitate macilenta est anima et languida, et in nullo Deo placitura.

« Et respexit Dominus ad Abel, » etc. (HIER., *Quæst. Hebr.* in *Gen.*, tom. III.) Unde hoc potuit scire Cain, nisi vera esset interpretatio Theodotionis: « Et inflammavit Dominus super Abel, et super sacrificium ejus, super Cain, et sacrificium suum non inflammavit? » Ignem autem de cœlo venire solitum ad sacrificium devorandum, ut in dedicatione templi sub Salomone, legimus, et quando Elias in monte Carmeli construxit altare.

(Isid., *ut supra*.) Si recte offeras, et non recte dividas, peccasti: quia etsi antea Judæi recte illa offerebant, in eo rei sunt quia Novum Testamentum a veteri non distinxerunt.

VERS. 5, 6, 7. — « In foribus. » (ALC.) Id est, intrantem te et exeuntem peccatum comitabitur, nec Dominus custodiet introitum tuum et exitum tuum.

VERS. 8. — « Dixitque Cain, » etc. (Isid., *Quæst. in Gen.*, tom. V.) Non acquiescit Domino dicenti, Quiesce, etc., usque ad occiditur ergo Christus junioris populi caput, a majore natu.

VERS. 9. — « Et ait Dominus ad Cain, » (Isid., *ubi*

supra.) Interrogat Dominus Cain, non ignarus ut dicat, sed judex ut puniat. Usque hodie Judæi, cum per Scripturas eos interrogamus de Christo, respondent se nescire quæ dicimus. Mendax Cain ignoratio, Judæorum est falsa negatio : essent vero Christi custodes, si corde crederent et ore faterentur.

Vers. 10. — « Vox sanguinis, » etc. Magna virtus justitiae, quæ vindictam expetit pro sanguine innocentis.

Vers. 11. — « Nunc igitur maledictus eris, » etc. (RAB.) Notandum quod in peccato Adæ terra maledicitur. Cain vero maledicitur, quia sciens damnationem primæ prævaricationis, fratricidium addidit.

Vers. 11. — « Nunc igitur maledictus eris, » etc. Per locum quæ in loco suit significantur ; quasi maledictus eris ab his qui sunt super terram, qui appetuerunt os suum in confessione peccatorum, accipere sanguinem, qui effusus in remissionem eorum de manu persecutoris, qui noluit esse sub gratia, sed sub lege; ut esset maledictus ab Ecclesia : quæ intelligit et ostendit esse maledictum : qui enim ex operibus legis sunt, sub maledicto sunt.

Vers. 12. — « Cum operatus, » etc. Ad vocem, non ad intellectum fit relatio, quia aliter hic terra, aliter supra accipitur : ibi pro Ecclesia, hic pro operatione terrena quam adhuc Judæus exercet ; id est carnalis circumcisio, pascha, sabbatum, et similia quæ habent occultam virtutem intelligendæ gratiarum Dei, sed non dant Judæis fructum noletibus transire ad Christum. Potest in terra caro Christi intelligi, in qua salutem nostram Judæi crucifigendo sunt operati. « Mortuus est enim propter dilicta nostra, et resurrexit propter justificationem nostram : » quem quia negaverunt, justificati non sunt.

« Vagus et profuges, » etc. (ISID.) Dispersus in gentibus, profugus a Hierusalem. LXX : « gemens et tremens. » Gemens, dolore amissi regni ; tremens, multitudine Christiani populi, ne occidaris. « Major est iniquitas mea, » etc. Culpam exaggerat, sed superbe confitetur, nec veniam flagitat.

Vers. 13. — « Major est iniquitas mea. » (ISID.) Peccata peccatis adjiciens desperat, nec credit se veniam posse adipisci, quod est blasphemia in Spiritum sanctum, quæ non remittitur in hoc seculo nec in futuro : quia putat Deum aut nolle dimittere, aut non posse, tanquam aut omnia non possit, aut invideat saluti. Non Deum sibi iratum grave putat, sed timet ne inveniatur et occidatur.

Vers. 14. — « Omnis igitur qui invenierit me, » etc. (STRAB.) Quia ex tremore corporis et agitatione furiosæ mentis, quicunque invenierit me, cognoscat me reum mortis.

Vers. 15. — « Nequaquam ita flet. » Id est, non morieris cito sicut tu vis, pro remedio tui cruciatus, sed punietur impersonaliter : id est, punitio flet de te septuplum, quia vives in cruciatu usque ad septimam generationem, in qua a Lamech occideris ; ergo omnis qui occiderit, subaudi, liberabit te ab illo cruciatu male conscientiæ. Hic sensus eviden-

A tius patet. Secundum LXX. « Omnis qui occiderit Cain septem vindictas exsolvet, » id est, quicunque te in septima generatione occiderit, exsolvet te a cruciatu per mortem, qui usque ad tempus illud reservandus es in vita, tantum ad poenam, quæ poena cito finiretur, si cito interfectus es. Ita qui Judæos visibili morte puniret, septem vindictas ab eis auferret, quibus obligati sunt propter reatum occisi Christi, quia miserias et dispersiones eorum levaret quas patiuntur.

« Omnis qui occiderit Cain, » etc. LXX : « Septem vindictas exsolvet. » Aquila, « septempliciter ; » Symmachus, « septuplum ; » Theodotion, « per hebdomadem » interpretantur, in quo significatur quia diu et perfecte punietur, ne quis homicidium audeat iterare.

« Qui occiderit Cain, » etc. (HIERON., epist. ad Damas.) Si quis te interficerit « septuplum punietur, » id est, gravissima ultione punietur : non debuit homo occidere eum cui Deus reservavit vitam, vel ad poenam ipsius, vel ad correctionem aliorum.

« Sed omnis qui occiderit Cain. » (ISID., ubi supra.) Per eclipsim legendum, etc., usque ad et impletur illud : « Disperge illos in virtute tua (Psal. lxxii). »

(HIER., ubi supra.) Quod Aquila posuit « septempliciter, » etc., usque ad et absolviri mereretur.

« Posuitque Dominus Cain signum, » etc. (ISID., Quest. in Gen., tom. V.) Cum omnes gentes a Romanis subjugatae transierunt in ritus eorum, gens Judæa, sive sub gentibus sive sub Christianis regibus, non reliquit signum circumcisionis, et carnalis observantiae, etc., usque ad ubi plantatus est paradiis.

« Habitavit in terra ad orientalem plagam Eden. » (HIER., ubi supra.) LXX : « Habitavit in terra Næd Næd, in Hebræo Τεῦ (nod) dicitur, id est, instabilis et fluctuans, et incertæ sedis. Non est terra Næd, ut vulgus nostrum putat, sed expletur sententia Domini, dum hic atque illuc profugus aberrat.

D **Vers. 17.** — « Cognovit autem Cain uxorem suam. » (ISID., ibid.) Figurate progenies impiorum, in ipsa mundi origine fundamentum querens, in hac vita civitatem extruxit quam vocavit Henoch, quod interpretatur *dedicatio*, quia in primordiis dedicant, dum in hac vita quæ ante est, radicem cordis plantant, ut hic ad votum florent, et a futura gloria arescent. Abraham vero in casulis habitabat, quia sancti hospites et peregrinos se esse cognoscunt, exspectantes civitatem habentem fundamentum cuius artifex Deus est.

« Et edificavit civitatem, » etc. (AUG., lib. xv de Civitate, cap. 8, tom. VII.) Quæritur quibus adjutoribus eam edificeaverit, si plures homines non tuerint quam Scriptura dicit. Sed sciendum est multo plures fuisse tunc, quia diu vivendo plures poterant generare. Nec mirum, cum filii Israel per quadragesitos annos sic multiplicati leguntur, ut non possit numerari exercitus.

Vers. 18. — « Porro Enoch, » etc. (HIERON.) Not.

de omnibus his certa mysteria excuslpuntur, nec invenirentur, nisi prius quædam radices historiæ jacerentur; nec de ratis arborum fructus legeres, nisi truncos antea plantasses.

Vers. 19. — « Qui accepit duas uxores, » etc. (Hier., ut supra.) Notandum quod generationes ab Adam per Cain undenarii terminantur, in quo transgressio signatur. Lamech namque septimus est, cui tres filii et una filia adduntur, ut undenarius impleatur, per quem peccatum significatur: Nam et a semina clauditor generatio, quæ initium peccati fuit, per quod voluptas carnis, quæ resistit spiritui. Unde Noema vocatur, id est, voluptas. In hac progenie Lamech primus contra morem, contra naturam, per bigamiam adulterium commisit.

Vers. 20. — « Genuitque Ada Jabel, » etc. (Hier. in quest. Hebr.) De bigamia nascitur Jabel habitans in tenteriis, quæ mutabilitia instabilitatem eorum figurant, qui circumferuntur omni vento doctrinæ. Nascitur et Tubal, qui inventor musicæ, etc., usque ad sicut Jabel, Tubal et Tubalcain.

Vers. 21. — « Et nomen fratris ejus Jubal. » (Rab.) Hunc scribit Josephus musicam scrispsisse in duabus columnis, una lapidea, altera latericia, quarum altera non dissolveretur diluvio, altera quæ non solverelet incendio: quæ duo iudicia Adam ventura prædixerat.

Vers. 22. — ... « Tabalcain. (Rab.) Qui secundum Josephum res bellicas exercuit, et decenter artem ferrariam docuit; quædam etiam quæ ad oculorum pertinent concepientiam, invenit.

Vers. 23. — « Dixitque Lamech, » etc. (Rab.) Ajunt Hebrei Lamech diu vivendo caliginem oculorum incurrisse, et adolescentem ducem et rectorem itineris habuisse. Exercens ergo venationem, sagittam direxit quo adolescens indicavit, easique Cain inter frustæ latenter interfecit; et hoc est quod dicit: « Occidi virum in vultus meum, » id est vulnere quo infixi non bestiam sed hominem occidi; unde et furore accessus occidit adolescentem.

Vers. 25. — ... « Occidi virum, » etc. (STRAB.) Id est Cain: « in vultus meum, » quia pro illo vulnerabor, id est, occidat; « et adolescentulum in lumen meum, » quia pro illo quoque damnabatur.

Vers. 24. — « Septuplum ultio dabitur, » etc. (ALC.) **Allegorice.** Peccatum Lamech (qui interpretatur humiliatus) significat dejectionem humani generis quod prævaricante Adam corruit, nec per legem, vel per circumcisionem, nec per suam justitiam surgere potuit, donec post septuaginta septem generationes secundum Lucam Christus in mundum veniens, effusione sanguinis peccatum delevit; unde Matth. xviii:

« Non dico tibi septies, sed usque septuages septies, » hoc est, Iudaum recipiendum esse post septuaginta septem vindictas, si resipuerit, et Christi indulgentiam quæsierit. Septenarius universitatem significat: per quem ducto undenario sit septuagenarius septimus, in quo omnimoda transgressio si-

gnatur; quæ tamen in Evangelio poenitenti dimitti præcipitur.

(HIERON., epist. ad Damas.) Ajunt ab Adam usque ad Christum generationes esse septuaginta septem secundum Lucam. Sicut ergo septima generatione peccatum Cain solutum est: « Non enim judicabit Deus bis in idipsum, » et qui semel recepit in vita sua, non eosdem cruciatu patietur in morte quos passus est in vita sua: ita et Lamech, id est, totius mundi peccatum, Christi solvetur adventu. Referebat mihi quidam Hebreus septuaginta septem animas exisse de Lamech, quæ omnes interiere diluvio.

Vers. 25. — « Cognovit quoque adhuc, » etc. Per Seth, qui interpretatur resurrectio, signatur vita Christi ex mortuis: quod in verbis matris significatur: « Posuit mihi Dominus semen aliud, » quasi dicat Ecclesia: Quæ luctum pertuli de mortuo, gaudeo de resuscitato.

Vers. 26. — « Quem vocavit Enos, » etc. Enos interpretatur homo: qui « cœpit invocare nomen Domini, » quia per mortem Christi, quam significavit Abel, et per resurrectionem, quam significat Seth, fit homo confitens Dominum conditorem, et vitæ perdite reparatorem.

(HIERON.) « Quem vocavit Enos. » Enos interpretatur homo, qui « cœpit invocare nomen Domini: » sicut Adam homo interpretatur, ita etiam Enos juxta Hebraicam veritatem homo, vel vir; et pulchre, quia hoc vocabulum habuit, dictum est quia initium fuit tunc invocandi nomen Domini: licet plerique Hebreorum arbitrantur quod tunc primum in nomine Domini et in similitudine ejus fabricata sunt idola.

CAPUT V.

Vers. 1, 2. — « Hic est liber generationis Adam. » Ad similitudinem Dei factus est. Alii, ad similitudinem Adæ. Est quasi conclusio a superioribus cum recapitulatione. « In die qua creavit Deus hominem. » In die etenim creatus est, tunc in claritate divina contemplationis constitutus: « Ad similitudinem Dei. » Quia rationem ei dedit, qua intelligendo bona et mala discerneret, intellectu diligenter, et dilecta oblivioni non traderet, et in hoc Dei similitudinem retineret. Sed posquam per inobedientiam hanc similitudinem delevit, factus terrenus terrenos generavit. Unde qualis terrenos, tales et terreni.

(CHYRSOST., hom. 21 in Gen., tom. IV.) Considera quomodo iisdem verbis usus fuerit quibus et initio, ut doceret nos quod generationes illas, quasi reprobas factas, neque memoria post hac dignetur; sed ex Seth, qui nunc illis natus est, genealogiam orditur, ut ex hoc discas quantum Deus humani generis rationem habeat, et quomodo illos aversetur quibus sanguinaria mens est.

Vers. 3-23. — « Vixit autem Adam, » etc. (HIERON., in Quest. Hebr.). Sciendum quod usque ad diluvium, ubi in nostris codicibus « ducentorum » et quod exurrit annorum genuisse quis dicitur, in He-

brae habeat « centum annos » et reliquos qui se- quuntur.

« Et genuit, » etc. Quasi et iste portavit imaginem terreni qui pro Abel justo repositus est, et interpretatione nominis *Christum* significat. Sed omnes prius portant imaginem terreni hominis quam coelestis, licet multi ad adventum Christi per fidem eamdem gratiam habuerunt qua salvantur Christiani.

(STRAB.) Ferunt post mortem Abel vovisse Adam se uxorem non ultra cognitum nec filium generatum. Sed Deo jubente fregit votum, ut Dei Filius de eo nasceretur, et homo redimeretur; stirpe enim Cain nasci non debuit. Unde ante Seth nullum legitur genuisse, post eum vero dicitur, quia « genuit filios et filias. » Hæc computatio genealogiarum, quasi ramos spargit historiarum, de quibus suis locis colliguntur fructus mysteriorum. Et notandum quia in generatione Seth nulla semina ponitur nominativum, sicut in generatione Cain: justorum enim est omnia viriliter agere, nihil femineum, nihil fragile usurpare. Procedit etiam hæc generatio per denarium usque ad Noe, in quo præceptorum signatur impletio, sicut per undenarium in generatione Cain transgressio. In generatione injustorum primus Enoch ponitur, qui *dedicatio* interpretatur, quia reprobri in presenti vita spei sue radicem figunt, et ab amore immarcescibilis hæreditatis arescent. De quibus dicitur Joan. v: « Vedit stultum firma radice, et maledixit pulchritudini ejus statim. » In generatione justorum Enoch ab Adam septimus ponitur, quia hic manentem civitatem non querunt, sed exspectationem usque in finem temporis extendunt, quod septenaria revolutione terminatur, cum æternitas octava successerit. Unde iste Enoch qui ponitur septimus, et translatus est quia Deo placuit, septimam requiem significat, ad quam post hanc vitam, qui Deo perseveranter adhæret, sine dilatione transfertur. Interpretatio quoque nominum hujus generationis idem signat: Adam interpretatur *homo* vel *rabra terra*; Seth, *positio* vel *resurrectio*; Enos, *homo*; Cainan, *lamentatio*; Malalehel, *laudans Deum*; Jared, *roboratus*; Enoch, *dedicatio*; Mathusalam, *moris emissio*; Lamech, *humiliatus*; Noe, *requies*. Procedens ergo homo de terra, resurgens a peccatis, erit homo invocans Deum et defens peccata pristina: sive laudans Deum, roboratus Spiritu Dei, dedicatur in vitam æternam. Atque victor mortis Deo subjectus, requiem possidet sempiternam, quam significat Noe qui *requies* interpretatur, et decimo loco numeratur, quia per impletionem mandatorum possidetur regnum cœlorum.

VERS. 24. — « Ambulavitque cum Deo, » etc. (ISID., in Gen.) Enoch septimus ab Adam placens Deo, etc., usque ad nam ter quaterni ipsum faciunt.

(ALCUIN.) Enoch tanto tempore servatur a morte, in quo ostenditur quia homo semper viveret si non peccasset.

VERS. 25-30. — « Vixit quoque Mathusala, » etc. (AUG.) Quæritur quomodo Mathusala secundum an-

A norum computationem post diluvium vivere potuerit, cum omnes, præter eos qui in arcum ingressi sunt, perierunt. Sed hanc quæstionem codicum mendacitas peperit: non solum enim in Hebreis aliter inventur, verum etiam in LXX interpretatione, paucis codicibus septem annis ante diluvium Mathusala defunctus reperitur. Quod Mathusala juxta LXX ultra diluvium numerantur anni, inde est quia significat Christum, cuius vita nullam sentit ætatem, ut in majoribus quoque non sensisse diluvium videretur.

VERS. 31. — « Et facti sunt omnes dies, » etc. (HIERON., in Quæst. Hebr., tom. III.) « Et fuerunt omnes dies Mathusalæ quos vixit anni nongenti sexaginta novem, et mortuus est. » Juxta diligentem supputationem quatuordecim annis post diluvium vixis B se refertur, etc., usque ad eo anno scilicet quo cœpit esse diluvium.

« Noe vero cum quingentorum esset annorum, » etc. (Ibid.)

Noe interpretatur *requies*, quia sub illo omnia retro opera per diluvium quieverunt.

CAPUT VI.

VERS. 1. — « Cumque cœpissent homines multiplicari super terram. » (HIER., in Quæst. Hebr.) Verbum Hebraicum אֱלֹהִים (Elohim) utriusque numeri est: *Deum* enim et *deos* significat: ideo Aquila « filios deorum » dicere ausus est, deos sanctos vel angelos intelligens, quem sequens Symmachus ait: « Videntes filii potentum filias hominum. »

VERS. 2. — « Videntes filii Dei, » etc. (STRAB.) Filii Seth religiosi intelliguntur per filios Dei, qui vici concupiscentia, ex filiabus hominum, id est ex stirpe Cain, uxores acceperunt, et viros potentes genuerunt, immensos scilicet corporibus, superbos viribus, inconditos moribus, qui gigantes appellantur. Non est incredibile ab hominibus, non ab angelis, vel quibusdam dæmonibus qui mulieribus sunt improbi, ejusmodi homines esse procreatos, quia et post diluvium corpora non solum virorum, sed et mulierum incredibili magnitudine exstiterunt.

VERS. 3, 4. — « Dixitque Deus: Non permanebit spiritus meus, » etc. (HIER., ibid.) Hebr. Ιοιάδων (Ioiadon). « Non judicabit spiritus meus homines in sempiternum, quoniam caro sunt. » Hoc est, quia D fragilis est hominum conditio, etc., usque ad sed eorum quos erat diluvio deleturus.

« Eruntque dies illius, » etc. (STRAB.) Ante diluvium, scilicet ad agendum poenitentiam. Sed quia in malitia perseveraverunt ante præfixum terminum, centesimo anno deleti sunt.

VERS. 5. — « Videns autem Dominus, » etc. Non in Deum poenitentia cadit, aut dolor cordis, cui est de omnibus tam fixa sententia quam certa præscientia: sed utitur Scriptura usitatis verbis, coaptans se nostræ parvitati, ut ex cognitis incognita cognoscamus. Nam ira Dei non est perturbatio animi, sed iudicium quod irrogatur peccatori: cogitatio vero cordis ejus, mutandarum rerum immutabilis ratio.

VERS. 6-8. — « Poenituit eum quia, » etc. (GREG., Moral. lib. v.) Pierumque in sacro eloquio sapientes Dei consilium trahunt a sapientibus seculi. Sic nunc, pro utilitate hominis, vocem in se passionis humanæ ipse conditor hominum sumit, cum constet quia qui cuncta, priusquam venerint, conspicit, nihil fecerit quod poenitendo resipiscat. Ut ergo mirum non est, si spirituales plerumque utantur verbis carnalium, sic neque mirandum si ipse creator omnium, ut carnem pertrahat ad intellectum suum, in seipso carnis sermonem servet vel sumat.

VERS. 9-12. — « Noe vir justus. » Hic per actus suos significat Christum, qui ait Matth. xi : « Discite a me quia misericordia sum et humilis corde. » Solus justus invenitur, cui propter justitiam suam septem homines donantur. Justus quoque Christus et perfectus, cui septem Ecclesiæ septiformi Spiritu illuminatae in unam Ecclesia condonantur. Noe per aquam et lignum liberatur, et familia ejus; sic familia Christi per baptismum et crucem.

« In generationibus suis. » Quasi non consummatæ justitiae, sed juxta generationem suam.

VERS. 13. — « Disperdam eos cum, » etc. Tradunt doctores terræ viorem et secunditatem longe esse inferiorem post diluvium; et ideo hominibus esum carnium concessum, cum antea tantum terræ fructibus viciitarent.

VERS. 14. — « Fac tibi arcam de lignis. » Scilicet fortibus et insolubilibus, et bene coarctatis; quæ alia translatio dicit « quadrata, » ut nec vi ventorum nec inundatione solvetur.

« Mansiunculas, » etc. (STRAB.) LXX : « Bicamerata et tricamerata in arca facies : bicamerata in inferioribus, tricamerata in superioribus. » Quinque ergo mansionibus distincta sunt : prima, id est inferior, fuit stercoraria, quo stercora defuebant, ne qui erant in arca fetore laderentur; secunda, apothecaria; tertia, immittium animalium et serpentium; quarta, mansuetorum; quinta, id est suprema, hominum et avium. Ostium, ubi bicamerata et tricamerata jungebantur, id est, inter apothecariam et bestiarum habitationem. (AUG.) In prima habitatione in inferioribus semel camerata erat arca, in secunda super inferiorem habitationem bicamerata. In tertia vero super secundam tricamerata. Dicunt alii in inferioribus duas fuisse mansiunculas, et sic arcam fuisse bicameratam. Harum inferior stercora suscipiebat, secunda escas, quæ apothecaria dicebatur; in superioribus tricamerata erat, ubi homines et animalia congrua distinctione continebantur.

(ISID. in Gen., tom. V.) Arcam construxit Noe de lignis imputribilibus, etc., usque ad in quinque prophetizatus, in sexta evangelizatus.

VERS. 15. — « Trecentorum cubitorum, » etc. (ISID., ibid.) Potest in trecentis cubitis lignum crucis ostendi, etc., usque ad quia unus Deus ex quo omnia, et una fides, et unum baptisma.

(GREG. hom. xvi in Ezech.) Arca quæ trecentis cubitis fieri in longitudine jussa est, quinquaginta

A in latitudine, triginta in altitudine, etc., usque ad et per quem omnes proficiunt qui se peccatores uoverunt.

VERS. 16-18. — « In cubito consummabis summi latem ejus. » Sic Ecclesia in unitate collecta sublimatur atque perficitur; unde Matth. xi : « Qui non colligit mecum, dispergit. »

Ostium autem arcæ, » etc. Nemo enim intrat in Ecclesiam, nisi per sacramentum remissionis peccatorum, quod de latere aperto emanavit.

« Cœnacula et tristega, » etc. LXX : « Bicamerata et tricamerata. » Ex omnibus enim gentibus vel bipartitam multitudinem congregat Ecclesia, ex circumcisione et præceptio; vel tripartitam, ex tribus filiis Noe, quorum progenie repletur orbis. Inferiora B autem arcæ distincta sunt, quia in hac vita terrena est diversitas gentium : in summo autem omnes consummantur in unum, quia omnia et in omnibus Christus.

(ALCUIN.) Congruë arca in summo, velut tecto quodam angusto, cacuminata est, ut imbrum minas disfundenter, et ima in aquis stabilitate quadrata consistens, nec impulsu ventorum, nec impetu fluctuum, nec inquietudine animalium quæ intus erant inclinari posset aut mergi.

(GREG. in Moral.) Arca in inferioribus ampla, in superioribus angusta, etc., usque ad grandes acervi palearum, quæ ignibus comburuntur.

(GREG.) Moraliter autem, qui se ab amore mundi convertit, in corde ædificat arcam salutis, habens in C se longitudinem, id est, Trinitatis fidem, ac longitudinem vitæ et immortalitatis; latitudinem in charitate, qua potest bene facere etiam inimicis; altitudinem in spe, qua se erigat ad cœlestia et summam actuum suorum ad unum referat.

VERS. 19-20. — « Et ex cunctis, » etc. (AUG. l. xv de Civit. Dei, c. ult., t. VII.) Quæritur de minutissimis, sic in Ecclesiæ sacramentis versantur boni et mali.

D **VERS. 21, 22.** — « Tolles igitur, » etc. Solet quæri de animalibus quæ tantum putantur vesci carnibus, utrum præter numerum ibi fuerint sine transgressione mandati, quæ aliorum alendorum necessitas coegisset includi; vel, quod magis credendum est, præter carnes alimenta esse potuerunt quæ omnibus convenient. Multa enim animalia, quibus caro cibis, fructibus pomisque vescuntur, maxime fico et castaneis. Potuit ergo vir justus et sapiens, et divinitus admonitus, quæ cuique congrueret, alimoniam præter carnes reperire et condere. Et omnibus vesci cogit fames, et nihil est quod Deus suave et salubre facere non possit, qui etiam ut sine cibo viverent divina facultate donaret.

CAPUT VII.

VERS. 1-3. — « Dixitque Dominus, » etc. « Ex omnibus animantibus mundis tolles septena et secunda, » etc. (RAB.) Non geminatum septenarium, id est quatuordecim, sed tantum septem debenius

accipere. Similiter duo et duo, non quatuor, sed A tantum duo, masculum et feminam. Et notandum quod munda animalia impari numero, id est septenario introducuntur, immunda vero pari; quia impar numeros virtutis speciem portendit, par vero infirmitatem. Plura sunt munda, ut egressus Noe de arca haberet quid immolaret et manducaret.

(Isid. in Gen.) « Ex omnibus animantibus, » etc. Non quod plures sint boni quam mali, etc., usque ad qui dies a passione tertius in numero dierum qui per omne tempus volvuntur, et primus, et octavus.

(Aug. in Gen.) Quæritur utrum tam magna arca centum annis potuit fabricari a quatuor hominibus, id est, Noe et filiis ejus tribus? Sed si non potuit, non erat magna alios fabros adhibere, quoniamvis, operis sui mercede adepta, non curaverunt utrum Noe sapienter an inaniter ficeret, et in eam non intraverunt, quia non crediderunt quod ille credidit.

VERS. 4. — « Ego pluam, » etc. (Isid. Quæst. in Gen., c. 7.) Quia oannis reatus contra decalogum committitur per universum orbem, qui partibus quatuor dividitur: quater vero decem quadraginta sunt; sive reatus contrahatur ex prosperitate, quod pertinet ad dies; sive ex adversitate, quod ad noctes, in baptismo abluitur.

VERS. 5-6. — « Fecit ergo Noe omnia, » etc. « Eratque sexcentorum annorum, » etc. (Isid., Ibid.). Quingentorum annorum erat Noe cum præcepit ei Dominus ut arcum ficeret, etc., usque ad qui est ternarius quadratus.

VERS. 7-9. — « Ingressus est Noe et filii ejus, uxori, » etc. (RAB.) Notandum quod seorsum ingreditur in arcum Noe cum filiis suis, et uxores eorum seorsum. Ideo distincte dicitur: « Ingressus est Noe et filii ejus, » et distincte additur, « uxori ejus et uxores filiorum ejus. » Mixtim autem viri cum mulieribus egressi sunt, sic enim scriptum est: « Egressus est Noe et uxor ejus. Tempus enim amplectendi et tempus abstinendi (Eccli. iii). »

VERS. 10. — « Cumque transissent, » etc. (Isid.) Quia in spe futuræ quietis, quam significat septimus dies, baptizamur, omnis caro extra arcum diluvio consumpta est; quia extra Ecclesium aqua baptismi, quoniam eadem sit, non valet ad salutem, sed ad perniciem.

VERS. 11-14. — « Anno sexcentesimo, » etc. **A**llgorice. Notandum quod sexcentesimo anno inundaverunt aquæ diluvii, quia sexta ætate mundi primo commendatum est sacramentum baptismi, et hoc septima decima die secundi mensis, quia denarius decalogum significat. Septenarius propter Sabbatum septimum requiem significat, et quia in decalogo renuntiatio vitiorum videtur, quicunque in baptismo initiatur, propter æternam requiem, omnibus vitiis se abrenuntiare profitetur.

« Cataractæ. » Fenestrae, nubes scilicet, que sunt aperte, ut inde insolite et majores pluviae funderentur. Cataractæ vero proprie sunt ostia Nili, sed abusive pro omnibus fenestris ponuntur.

(RAB.) De arca solet quæri utrum tanta capacitate, quanta describitur, animalia omnia quæ ingressa dicuntur, et escas eorum ferre potuerit? Quod cubito geometrico solvit Origenes, asserens non frustra dictum esse Mosen in omni sapientia Ægyptiorum suis eruditum, qui geometriam dilexerunt, et cubitum geometricum quantum sex nostros continere.

VERS. 15, 16. — « Bina et bina, » etc. (Aug. ubi supra.) Præcepit superius septena et septena de mundis, duo et duo tolli de immundis. Quomodo ergo nunc dicit duo et duo intrasse, sive de mundis, sive de immundis? Sed hoc refertur non ad numerum mundorum et immundorum, sed ad masculum et feminam. In omnibus enim duo sunt, masculus et femina.

B Notandum vero quod dicitur: « In qua erat spiritus vitae, » non solum de hominibus, sed et de peccatis dictum: quia quidam de Spiritu sancto volunt intelligi quod scriptum est, « insufflavit in faciem ejus spiritum vitae; » sed quidam codices habent melius, « flatum vitae. »

VERS. 17-19. — « Quadraginta diebus, » etc. (ALC.) Quadragenario numero pluvia inundavit, qui tribulationem poenitentiae ostendit. Post quadraginta dies Noe fenestram aperuit, significans jejunibus coelum aperiri. Unde Moyses, Elias, et ipse Salvator, quadragenario numero jejunia consecravit, tanquam tribus temporibus necessaria, ante legem, sub lege, sub gratia.

VERS. 20-22. — « Quindecim cubitis altior, » etc. (AUG. in Gen.) Si terra Olympi montis (ut tradit historia) potuit iuvadere spatium tranquilli aeris, etc., usque ad ad tenendam quietem et fidem resurrectionis.

« Quindecim. » Sunt qui putant nec terræ qualitatem, nec altitudinem montium tantam ante diluvium fuisse qualis et quanta est hodie.

VERS. 23, 24. — « Deleta sunt de terra. » (ALC.) Ideo magis terrena animalia quam aquatilia perirent, quia de maledicta terra vivunt.

CAPUT VIII.

VERS. 1-3. — « Recordatus est autem Deus de Noe, » etc. « Adduxit spiritum super terram, » etc. (ALCUIN., quæst. in Gen.) De illo spiritu intelligi potest de quo dictum est, « Spiritus Dei ferebatur super aquas: » tunc ferebatur, ut, congregatis in suum [Al., unum] locum, terra appareat: nunc adducitur, ut, ablatis aquis diluvii, faciem terræ revelaret. Potest per spiritum ventus intelligi, juxta illud psalmi cvi: « Et stetit spiritus procellæ, » cujus scilicet flatibus aqua recederet.

VERS. 4. — « Requievitque arca mense septimo, » etc. (Isid.) Septenarium requiem significat, et quia perfecti requiescant ibi, supradictæ quoque quadraturæ numerus iteratur. Nam vigesima septima die secundi mensis commendatur sacramentum, et rursus vigesima septima die septimi mensis confirmatur, cum arca requievit: quod enim promittitur in spe, exhibetur in re.

(Auc.) Quæritur utrum post centum quinquaginta dies hæc facta sunt, an per recapitulationem omnia rememorata quæ post quadraginta dies pluviae cœperunt fieri, ut hoc solum centum quinquaginta dies pertineat, quod usque ad ipsos montes aqua est exaltata, aut de fontibus abyssi jam cessante pluvia, aut quia mansit in altitudine nullo spiritu siccante. Cetera vero quæ dicta sunt non post centum quinquaginta dies omnia facta sunt, sed commemorata: quæ ex fine quadraginta dierum fieri cœperunt.

VERS. 5, 6. — « Decimo enim mense: » Notandum quod decimo mense apparuerunt cacumina montium, quæ quindecim cubitis excesserant aquæ diluvii, quia sacramenta æternæ quietis et gloriam resurrectionis (quam nescivit sapientia superborum) intellexit eminentia sanctorum per impletionem præceptorum; unde Psalmi cxviii: « A mandatis tuis intellexi. » Et alibi, Luc x: « Abscondisti hæc a sapientibus et prudentibus, et revelasti ea parvulis. »

VERS. 7. — « Qui egrediebatur, » etc. (Isid.) Quod post quadraginta dies corvus non rediit, aut aquis interceptus, aut cadavere natante illectus, figurat immunditia cupiditatis teterrimos: et ideo his quæ foris sunt in mundo nimis intentos, aut rebaptizari, aut ab his quos præter arcam, id est Ecclesiam, baptismus occidit, seduci et teneri.

(Auc.) Quæritur utrum corvus mortuus sit, an aliquo modo vivere potuerit? Si enim sicut terra ubi requiesceret, similiter columba requiem invenisset. Uade conjicitor quod cadaveri potuit corvus insidere, quod naturaliter refugit columba.

VERS. 8. — « Emisit quoque. » (Isid.) Emissa columba, nec inventa requie reversa, significat per novum Testamentum requiem sanctis in hoc mundo non esse promissam: post quadraginta enim dies emissa est, quo numero vita quæ in mundo agitur designator.

(STRAB.) Arca continet eorum et columbam, et Ecclesia bonos et malos. Corvus emissus non revertitur, quia reprobi illecebros sacerdotes perirent. Columba rediit, portans ramum olivæ virentibus foliis in ore suo, quia sancti, simplicitate gaudentes, munus pacis in ore portant, dicentes: (Psalm. xix) « Cum his qui oderunt pacem eram pacificus: cum loquebar illis, » etc.

VERS. 9. — « Reversa est. » (Auc.) Quæstio est quomodo columba non invenerit ubi resideret, cum jam munda essent cacumina montium, secundum narrationis ordinem? Quod recapitulatione potest solvi, ut posteriori narrata intelligentur quæ facta sunt prius, aut potius nondum siccata fuerunt.

VERS. 10. — « Exspectatis, » etc. Post septem dies alios, dimissa columba propter septenariam operationem spiritualem, olivæ fructuosum surcum retulit, signans multos extra Ecclesiam baptizatos, si pinguedo charitatis non defuerit, posteriore tempore in ore columbae, tanquam in osculo pacis, ad unitatis societatem reduci.

VERS. 11. — « Portans ramum. » (Auc.) Columba ramum olivæ, expulso tetrico alite, ad Noe post diluvium portat, quia columba Spiritus sancti, ad Christum post baptismum veniens, ramo refectionis et luminis pacem annuntiat.

VERS. 12. — « Exspectavitque nihilominus septem alios dies, » etc. (Isid. in Gen.) Post alios septem dies dimissa columba, nec reversa, significat finem sæculi, quando requies sanctorum erit, non in sacramento spei, quo nunc Ecclesia consociatur, quādiū bibitur quod de latere Christi manavit, sed in perfectione salutis, cum tradetur regnum Deo et Patri, ut in illa conspicua contemplatione veritatis nullis egeamus mysteriis.

VERS. 13. — « Sexcentesimo primo anno, » etc. (Ibid.) Vita Noe, id est, peractis sexcentis annis aperitur arce tectum, etc., usque ad uno addito, propter unitatis vinculum.

VERS. 14. — « Mense secundo. » (STRAB.) Historice. Id est, Maio, Noe annum fecit in arca, et ipsa die qua ingressus fuerat, egressus est. Ingressus es enim vicesima septima die mensis secundi; nun dicit quia egressus est septima et vicesima die ejusdem mensis. Sed sciendum est quia si presenti diei addantur undecim, qualis luna hodie est, talis erit post annum ipsa die. Quando ergo Noe ingressus est, decima septima luna, vel septima decima dies mensis secundi fuit. Ideo post annum undecim additis, fuit vicesima septima dies et decima septima luna.

C « Mense secundo, » etc. Mystice. Sicut supra dictum est, decima septima die sexagesimi anni aquis diluvii terra mafacta est, sed vigesima septima die secundi mensis arefacta est, quando præceptum est ut de arca egredierentur, et pactum acciperent, ne ultra aquis diluvii perirent. In quo intelligi potest quia per decem et septem (sicut supra) status inchoantium significari potest, quando vitiis abrenuntiatur; per viginti septem promotio perfectorum in consummatione virtutum. Si enim decem et septem decem addas, flunt viginti septem. Si enim decem præceptis quibus peccatis renuntiatur, evangelicam perfectionem adjicias qua præcipitur non solum non irasci, sed etiam inimicos diligere, et similia, ad illam statem perfectionis pervenisti, in qua nec sacramentis prædictis egeas; et de arca exiens, id est, de spe ad speciem perveniens, requiem in sacramentis promissam invenies.

D VERS. 15-19. — « Egredere de arca, » etc. (Isid.) Juncti exēunt, qui disjuncti intraverunt, quia, « nunc caro concupiscit adversus spiritum, et spiritus adversus carnem. » Sed in resurrectione justorum perfecta pace spiritui corpus adhæredit, nulla mutabilitatis indigentia vel concupiscentia resistente.

VERS. 20. — « Et tollens, » etc. (Auc.) Ingressa sunt in arcam munda et iuncta animalia, sed post egressum non offeruntur Deo nisi munda. Quod vero ait: « Non percitat omnem animam viventem sicut feci, » et addidit quæ largitate bonitas donat indignis, forte Novi Testamenti indulgentia

figurata est, ut præterita ultio ad legis pertineat se- A veritatem, hoc ad gratiæ bonitatem.

VERS. 21, 22. — « Sensus enim, » etc. (GREG., *Moral. libr. xxxviii.*) Nemo sibi attribuat, si cogitationes vicerit : quia corruptionis malum, quod quisque ab ortu carnarium desideriorum sumpsit, exercet in proiectu ætatis : et nisi hoc citius divinæ fortitudinis reprimat manus, omne bonum naturæ culpa vorat in profundum ; « Neque qui plantat est aliquid, neque qui rigat, sed qui incrementum dat Deus (*I Cor. iii.*). »

CAPUT IX.

VERS. 1. — « Benedixitque Deus Noe et filiis ; » etc. « Crescite et multiplicamini. » Homo in terrorem ceteris animalibus præponitur, in solarium transactæ vindictæ, et ne pauci homines a pluribus bestiis opprimantur, et sciant se irrationalibus, sed non rationalibus dominari.

VERS. 2, 3. — « Et terror vester, » etc. (GREG. *libr. II Moral. c. 11.*) Potentibus viris magna est virtus humilitatis, etc., usque ad quo non suam gloriam, sed subditorum querunt utilitatem.

VERS. 4-8. — « Carnem cum sanguine. » (ISID.) Dantur eis cuncta animalia in escam, quia in vocatione gentium ad fidem nulla distantia est, quod in disco Petri figuratur. Sanguinem manducare prohibentur, ne vita pristina quasi suffocata in conscientia teneatur, sed effundatur per confessionem. Eius carnium concessus videtur post diluvium, propter infecunditatem terræ et hominis fragilitatem.

VERS. 9-12. — « Ecce ego statuam pactum, » etc. Testamentum posuit Deus inter se et homines et omnem animam vivam, ne perdat eam diluvio, arcum scilicet, qui apparet in nubibus, qui nunquam nisi de sole resplendet. Illi enim non pereunt diluvio separati ab Ecclesia, qui in prophetis et in omnibus sanctis Scripturis, tanquam in Dei nubibus, agnoscunt gloriam Christi, non suam querunt. Sed ne adoratores hujus solis intumescent, sciant ita Christum significari per solem sicut per leonem, per agnum, per lapidem, similitudinis causa, non proprietatis substantia.

VERS. 13-17. — « Arcum meum ponam, » etc. (ALC. *in Gen.*) Arcum dedit Deus in signum securitatis, ne homines formidolosi timerent altero diluvio deleri, pluviarum inundationes sæpe cernentes. Hic in cœlo positus est, ut ab omnibus videri possit, et pro quaenam tribulatione ad eum attollamus oculos cordis, qui habitat in cœlis. Quia vero arcus non est nisi ex radiis solis et humida nube, videtur quod ante diluvium non fuissent pluviae. Poterat autem ex rore et fontium inundatione terra secundari.

(STRAB.) Arcus duos habet colores, cœruleum et igneum, qui duo iudicia exprimunt : unum aque quod præterit; aliud ignis, quod venturum creditur in fine sæculi : unde cœruleus color extrinsecus, igneus vero intrinsecus.

VERS. 18-20. — « Erant igitur filii Noe, » etc. (HIER. *in Q. Hebr.*) Sæpe LXX non valentes *heth* litteram, quia duplēm aspirationem sonat, in Græcum vertere, χ chi Græcam addiderunt, docentes in hujusmodi vocabulis esse aspirandum. Unde *Chani* transtulerunt pro eo quod est *Ham*, a quo Ægyptus usque hodie lingua Ægyptiorum dicitur *Ham*.

VERS. 21. — « Bibensque vinum, » etc. Christus quoque inebriatus, dum passus, nudatus, dum crucifixus. « In tabernaculo suo, » id est, inter domesticos sanguinis sui, tunc nudata est mortalitas carnis. « Judæis scandalum, gentibus stultitiam, ipsis autem vocatis Judæis et gentibus, » quasi Sem et Japheth, « Dei virtus, et Dei sapientia : quia quod stultum est Dei, sapientius est hominibus. »

(ALCUIN.) Post diluvium Noe inebriatus est, quia forte nesciebat vino posse inebriari. Nec enim ante diluvium leguntur homines vino usi. Ideo de Noe specialiter dicitur quod plantaverit vineam. Nudatio semoris sequitur ebrietatem sicut libido satiætem.

VERS. 22. — « Quod cum vidisset, » etc. (PROCOPIUS *in Gen.*) Ex his circumstantiis Chami peccatum amplificatur. Despectui habet parentem, effutit quam turpiter jacuerit pater, nec uni ex fratribus nuntiat, sed utrisque : si plures præsto fuissent, facinus detexisset omnibus : ridiculum ei visum est facinus cui minime debebat ; dignum erat id factum pudore et cautela, ne ad ceteros ejus infamia dimanaret : nec his qui domestici erant id annuntiat, sed externis.

C (ISID.) Judæi, Christi mortem videntes, subsannaverunt. Sem vero et Japheth, duo populi ex præputio et circumcisione credentes, aversi operuerunt, etc., usque ad « tanquam in pacem anguli concorrentes. »

VERS. 23. — « At vero Sem, » etc. (GREG. *in Moral.*) Aversari dicimus quod reprobamus. Quid est ergo quod filii verenda patris superjectis dorso palliis aversi veniendo operuerunt, nisi quia bonis subditis sic præpositorum suorum mala displicant, ut ab aliis nota occultent : operimentum aversi deserunt, quia dijudicantes factum, et venerantes magistrum, nolunt videre quod tegunt.

VERS. 24, 25. — « Maledictus Chanaan puer, » etc. (IBID.) Non prætermittit Deus inulta peccata, sed ita judicium in nostra correctione incipit, ut in reproborum damnatione quiescat. Incipit enim judicium a domo Dei. Quis ergo finis eorum qui non crediderunt, qui temporalia flagella non sentiunt ? Quia in æternum peribunt ; quorum nequitia Cham peccante figurata est. Cui dicitur : « Maledictus Chanaan puer, » etc. Patre peccante, filius sententiam accepit, quia reproborum nequitia hic diu proficit, sed perit in posterum.

VERS. 26. — « Benedictus Dominus Deus Sem. » Cum sit Deus omnium gentium, quasi proprio vocabulo etiam in ipsis gentibus dicitur Deus Israel, quod est ex benedictione Japheth, quia in populo gentium orbem terræ occupavit Ecclesia, quod præ-

nuntiabatur cum diceretur : « Dilatet Deus Japheth. » Chanaan. (STRAB.) A quo Chananæi, qui hac male-dictione prophetantur, expelliendi de loco habitationis.

VERS. 27-29. — « Dilatet Deus Japheth, » etc. (HIERON.) De Sem Hebrei, de Japheth gentiles. Quia igitur lata est multitudo credentium, a latitudine, quæ Japheth dicitur, latitudo nominatur. Quod autem ait : « Et habitet in tabernaculis Sem, » de nobis prophetatur qui in eruditione et scientia Scripturarum, ejecto Israel, versamur.

« Dilatet Deus Japheth, » etc. (ISID.) Sem major natu, ipse est Judaicus populus, ex quo patriarchæ, et prophetæ, et apostoli, etc., usque ad id est opus eorum.

CAPUT X.

VERS. 1. — « Hæ sunt generationes, » etc. Benedictus duobus filiis Noe, et medio maledicto, generationes eorum texuntur, ex quibus septuaginta duæ generationes sunt ortæ : quindecim de Japheth, trigesinta de Cham, viginti septem de Sem. Ad quas misit Dominus septuaginta duos discipulos.

« Sem, » (ALC.) Sem, ut æstimant, Asiam; Cham Africam, Japheth Europam sortitus est.

« Japheth. » Minoris filii, de quo nati sunt septem filii, qui tenuerunt septentrionalem regionem a Tauro et Amano, montibus Cilicie et Syriæ, usque ad fluvium Tanaim, in Europa vero usque ad Gadira. Nomina vero locis et gentibus relinquentes, ex quibus plurima mutata, cætera permanent.

VERS. 2-6. — « Gomer. » Hi sunt Galatæ, secundum Josephum, qui Latine Gallograeci dicuntur.

« Thubal. » Iberes qui et Hispani, a quibus Celtiberia, licet quidam Italicos suspicentur.

« Chanaan. » Hic obtinuit terram quam Judæi postea possederunt, ejectis Chananæis.

VERS. 8. — « Regma et Saba, » etc. (HIERON.) Paulatim antiqua nomina perdiderunt, et quæ nunc pro veteribus habeant, ignoratur.

« Saba. » Alia quam superior, et differunt in scriptura : illa enim per *samech*, hæc per *schin* scribitur ; ubi enim dicimus : Reges Arabum et Saba dona adducent, » in Hebræo habetur *奴* et *奴* *scheba et seba*.

VERS. 8. — « Nemrod. » Qui ultra naturam cœlum penetrare voluit. Significat diabolum, qui ait : « Ascendam super astra cœli. » Nemrod, secundum Josephum, nova regni cupiditate tyrannidem arripuit, et fuit auctor ædificandæ turris quæ tangeret cœlum. « Ipse cœpit esse potens, » vel « gigas, » secundum alios. Sed antea gigantes natos Scriptura commemorat. Sed forte post diluvium novitas generis humani reparandi memoratur, « quia ipse cœpit esse gigas super terram. »

VERS. 9. — « Robustus venator. » (ALC.) Id est, hominum oppressor et extinctor, quos allexit ut turrem contra Deum construerent.

VERS. 10, 12. — « Babylon. » Est confusio, quia ibi facta est linguarum divisio.

VERS. 11. — « Assur. » Imperium Assyriorum,

A quod primum fuit sub Nino, qui ædificavit Ninivem, quæ propter pœnitentiam *pulchra* appellatur.

VERS. 13-20. — « At vero Mesraim, » etc. (HIERON.) Exceptis Laabin, a quibus Libyes postea nominati sunt, qui prius Phutæi vocabantur ; et Chasluim, qui postea Philistium dicti sunt, quos nos corrupte *Palæstinos* dicimus, cæteræ sex gentes nobis ignotæ sunt, quia bello Æthiopico subversæ. Possederunt autem terram a Gaza usque ad extremos fines Ægypti.

« Ludim et Anamim. » Laabim, Nephetuim, » etc. Hæc omnia ignorantur, vel quia deletæ sunt gentes bello Æthiopico, vel quia ignoratur quæ nomina nunc habeant.

VERS. 21. — « De Sem. » De hoc novissime loquuntur, quia ejus generationem, et generationis lineam prosequitur.

« Heber. » Qui tamen quintus a filio Noe Sem. Utrum quia Hebrei dicuntur ex illo appellati, vel quia per illum generatio ad Abraham transit ? Quid ergo probabilius sit Hebreos dici tanquam Heberæos, vel tanquam Abraæos, merito queratur.

VERS. 22-24. — « Assur. » Qui ædificavit Ninivem.

VERS. 25-30. — « Nati sunt Heber filii, » etc. Heber, *transitor*, a quo Hebrei, id est, *transitores*. Veri Hebrei sunt, qui de præsentibus ad futura, de caducis ad mansura transeunt. Hæc gentes a fluvio Cono possederunt omnem regionem quæ vocatur Geria.

CAPUT XI.

C VERS. 1. — « Erat autem terra labii unius, » etc. (AUG., in Gen.) Dictum est superius quod filii Noe, vel filiorum ejus, distributi sunt per terras secundum linguas suas. Sed hoc per recapitulationem postea commemorat quod prius erat. Sed obscuritatem facit, quod eo genere locutionis ita contextit, quasi de his narratio quæ postea facta sunt consequatur.

D VERS. 2. — « Cumque proficiserentur. » (CHRYSOST., in Gen.) Vide quomodo humanum genus non potest subsistere intra suos limites, sed amplius concupiscens, majora semper appetit. Atque hoc est quod humanum genus perdit, quia non vult naturæ suæ mensuram agnosceré, sed semper majora desiderat. Quoniam « viderunt, inquit, campum in terra Seunaar, » migrantes, et relicto priori loco illie habitaverunt.

VERS. 3. — « Venite. » Timebant iterum diluvium ; ideo auctore Nemrod voluerunt sibi constituere turrem, in qua diluvium non timerent. Stulta et impia audacia, unde secuta vindicta est et linguarum divisio.

(ISID. in Gen.) Turris, mundi superbia, vel hereticorum dogmata, etc., usque ad unitas confessionis et fidei.

VERS. 7. — « Venite igitur, » etc. Ad angelos dixisse intelligitur ; vel secundum illud : « Faciamus hominem ad imaginem et similitudinem nostram. » Nam singulari numero subjunctum est : « et divisit

eos, » etc., sicut ibi : « Fecit Deus hominem ad A imaginem et similitudinem suam. »

(GREG. *Moral.* lib. II, c. 5.) « Venite, » etc. Dicitur his qui Deo adhaerent, « Venite, » quia a divina contemplatione nunquam decrescere, sed semper accrescere, et nunquam corde recedere, stabili motu est semper venire. Ascendunt angeli Creatorem conspicio, descendunt creaturam illicite se erigentem examine distinctionis premendo. Dicere ergo, « Descendamus, et confundamus linguam eorum, » est in semetipso quod recte agatur ostendere, et per vim internae visionis eorum mentibus exhibenda judicia occultis motibus inspirare.

VERS. 8, 9. — « Divisit eos. » (ALC.) In hac divisione linguarum nihil novum fecit Deus, sed dicendi modos et formas loquularum diversis gentibus divisit. Unde easdem syllabas et ejusdem potestatis litteras aliter conjunctas in diversis linguis invenimus, et saepe eadem nomina vel verba aliud significantia; unde ubi dicitur psalmo II : « In virga ferrea, » in Graeco habetur, ἡ ράβδος σιδηρά, in rando sidera. Igitur in Latino sidera non ferrea significat, sicut in Graeco, sed astra.

(AUG. lib. XVI de Civit. c. 4.) Merito malus punitur affectus, etiam cui non succedit effectus. Genus vero penae quale fuit? Quoniam euim dominatio imperantis in lingua est, ibi damnata est superbia, ut non intelligeretur jubens homini, qui noluit intelligere ut obediret jubenti Deo.

VERS. 10-25. — « Sem centum erat annorum. » (BEDA, *Hexaem.*, lib. III, t. II, col. 131.) Magna quæstio nobis nascitur secundum litteram, quomodo Sem biennio post diluvium centum esse annorum dicatur, cum supra quingentesimo anno Noe natus asseratur, et sexentesimo anno ejusdem Noe diluvium venisse legatur, etc., usque ad « quia tulit eum Deus. »

VERS. 26-30. — « Thare genuit Abram et Na-chor. » (AUG. *Quæst. 25 in Gen.*) Non simul, sed suis temporibus, ex quo gignere coepit. Nec attendendus est in his ordo nativitatis, sed significatio futuræ dignitatis, in qua excellit Abram.

VERS. 31-32. — « In Ur Chaldaeorum. » (HIERON.) In Hebreo in *Ur Chedim* (וְעַרְכָּדִים), id est, in igne Chaldaeorum. Hic fabulantur Hebrei quod Abram in ignem sit missus, quia ignem noluit adorare, quem Chaldaei colunt, et Dei auxilio liberatus, de idolatriæ igne effugerit. Unde ad eum dicitur : « Ego sum qui eduxi te de Ur Chaldaeorum. »

« Aram patris Melchæ. » (IBID.) Idem pater utriusque. Aram filius Thare, frater Abræ et Nachor, duas filias genuit, Melcham et Sarai, cognomento Jescham. Melcham duxit Nachor, et Sarai Abram. Nondum enim inter patruos et neptes nuptiae fuerant prohibite, quæ in principio etiam inter fratres et sorores sunt celebratae.

« Tulit itaque Thare Abram, » etc., usque, « facti sunt dies Thare ducentorum quinque annorum, et mortuus est in Haran. » (AUG.) Prius dicitur, « quod

A cum esset Thare septuaginta annorum genuit Abram, et postea cum omnibus suis mansit in Charan, et mortuus est. » Et dictum est Abræ ut exiret de Charan, et exivit cum esset septuaginta quinque annorum. Sed per recapitulationem ostenditur vivo patre Dominum præcepisse, etc., usque ad a quo Judæi dicti propter regiam tribum.

CAPUT XII.

VERS. 1. — « Egredere de terra, » etc. (AUG. *ibid supra.*) Consideranda est narratio Stephani de bac re, etc., usque ad sic igitur locatus est in terra illa Abram, quando ibi vixit usque ad nativitatem Jacob.

(STRAB.) Notandum quod jam egressus fuerat de terra sua, sed tunc egressus fuerat corpore, non mente et voluntate; habebat enim animum forsitan revertendi, quando dictum est ei : « Egredere, » etc.

(ISID.) Reliquit terram Christus et cognationem Judæorum, et magnificatus est in populis gentium. Nobis quoque exeundum est de terra nostra, id est, de facultatibus et opibus terrenis, et cognitione, id est conversatione viatorum, quæ, nobis a nativitate cohærentia, quasi affinitates consanguinitatis sunt conjuncta; et « de domo patris, » id est de memoria mundi, ut ei renuntiantes possimus cum populo Dei dilatari, et in terram promissionis cœlestis, cum tempus venerit, introduci.

VERS. 2-3. — Faciamque te in gentem magnam, » etc. (ISID.) Duo promittuntur Abræ, quod scilicet terram Chanaan semen ejus possidebit, cum dicitur : « Et veni in terram quam monstrabo tibi. » Aliud autem longe præstantius, non de carnali, sed de spirituali semine, quo pater futurus est, non tantum gentis Judaicæ, sed omnium gentium fidem suam sequentium; quod ita promittitur : « Et benedicatur in te omnes gentes terræ. »

VERS. 4. — « Septuaginta quinque annorum. » (HIERON. in Q. *Hebr.*) Si Thare pater Abræ in regione Chaldaea, etc., usque ad et ibi diutius moratus sit.

VERS. 8-12. — « Bethel. » (RAB.) Interpretatur domus Dei, quæ post Bethaven vocata est. id est domus idioli.

« Hai. » *Mystice.* Hai oculus vel fons interpretatur. Patriarcha ergo tendens ad terram promissionis, tetendit tabernaculum inter Bethel et Hai, quia sancti fonte baptismi regenerati, in cursu hujus vitæ circumspecti, ad Dei tabernaculum, id est, cœlestem properant civitatem.

VERS. 13-14. — « Dic ergo, obsecro, » etc. (AUG. lib. XVI de Civ., c. 19.) Quæritur cur patriarcha vult mentiri, etc., usque ad et vitam suam et uxoris pudicitiam.

VERS. 15-20. — « Sublata est mulier. » (RAB.) Excusatur Sarai, quæ in domum Pharsonis transfertur invita, non solum in hoc quod non inquinatur corpus nec anima nisi mentis consensu, sed etiam in hoc quod convenienter et permittente viro suo factum est.

(AUG. *Quæst. in Gen.*) Apud Pharaonem tardi

potuit esse intacta, quia in Esther legitur quod pueri non statim ad reges introducebantur, sed uno anno custodiebantur, et sex mensibus oleum myrrhino ungebantur, et aliis sex mensibus in diversis odoramentis erant. Potuit ergo per has industrias temporis intacta manere. Et interim bene usi sunt Abram Ægyptii, donec Pharaon a Deo flagellatus, et cognoscens quod esset uxor ejus, redderet intactam.

CAPUT XIII

VERS. 1, 2. — « Ascendit ergo Abram, » etc. (HIERON. in Q. Hebr.) De Ægypto liberatus bene ascensisse legitur, sed quomodo potuit dives esse valde? Sed in Hebraica veritate habetur **T**otum gravis vehementer: Ægypti enim pondere gravabatur. Et licet videantur esse divitiae auri et argenti, si autem Ægyptia sunt, sancto viro graves sunt; nec, ut in LXX legitur, « Abiit unde venerat in desertum usque Bethel, » sed, secundum Hebreum, « Abiit in itinere suo per austrum usque Bethel. » De Ægypto enim profectus est, non ut desertum peteret, quod in Ægypto reliquerat, sed ut per austrum, qui aquiloni contrarius est, veniret ad domum Dei, ubi erat tabernaculum ejus inter Bethel et Hai.

VERS. 3-5. — « In Bethel, » etc. Est autem Bethel civitata in duodecimo lapide ab Helia ad dexteram euntibus Neapolim: quæ prius Luza, id est Amygdalus, vocabatur, in tribu Benjamin: Hai vero in tribu Juda separata sacerdotibus; Bethel, *domus Dei*; Hai, *oculus vel fons*: bene ergo tabernaculum inter Bethel et Hai figens, altare Domino aedificavit, quia sancti a mundi principe et sæculi voluptatibus recedentes, abluti sancto fonte baptismi, cursum præsentis vitæ considerate ducentes, et hostiam laudis et boni operis super altare fidei Deo exhibentes, ad dominum Dei, id est ad cœlestem Hierusalem, feliciter tendunt.

VERS. 6-9. — « Erat quippe substantia eorum multa, » etc. « Ne queso sit, » etc. Nos quoque nihil concordiae et charitatis præponamus, sed per dextram prosperitatis, vel sinistram adversitatis, in pace et dilectione perseveremus. Rixa inter pastores Lot et pastores Abræ controversiam significat inter pastores catholicos et subversores hæreticos. Unde et Lot hæresiarchas significat, qui *declinans* interpretatur; et circa Jordanem, id est *descensum*, regionem sibi elegit. Pastores ejus, hæreticos et schismaticos, qui pulchra et declivia petunt, nec in montem cum Mose ascendunt ad Dominum, pacem et unitatem continentem; et optionem quo volunt eundi accipiunt; et gratiam fugientes, libero arbitrio se committunt. Pastores vero Abræ catholicos doctores significant, qui hæreticos etiam localiter fugiunt, secundum illud ad Titum iii: « Hæreticum hominem post primam et secundam correctionem devita: » et hoc inter gentes Chananæi et Pheressæi, in terra scilicet promissionis, quia inter catholicos et hæreticos, quorum sit regnum celorum, solet esse contentio.

A « Fratres enim suus. » Tribus modis dicuntur fratres in sancta Scriptura: natura, ut Jacob et Esau; cognatione, ut Abram et Lot; gente, sicut omnes Iudei. Unde si attenuatus fuerit frater tuus et vendiderit se tibi, etc.

VERS. 10-12. — « Sicut paradisus, » etc. Hinc discimus esse paradisum terrenum, cui comparatur terrena irrigatio. Hæc enim regio plana erat et campestris, et irrigata Jordane fluente, sicut Ægyptus Nilo.

VERS. 13. — « Coram Domino. » Cui crimen puniendum committitur: nam et hominibus manifestum crimen, sed non puniendum.

B VERS. 14. — « Leva oculos, » etc. Quasi aspice per quatuor climata orbis; possessio Palestinae promittitur ei et semini ejus. Quod in quibusdam codicibus, *mare pro occidente* ponitur, ideo fit quia Palæstina mare habet ab occidente.

VERS. 15-17. — « Omnem terram, » etc. Non hoc solum promissum est. Non enim dictum est, Tantum terre tibi dabo quantum vides; sed, Tibi dabo terram quam vides. Cum enim et ulterior undique dabatur, haec præcipue dabatur quæ videbatur. Unde et addidit: « Surge et perambula terram, » etc., ut perambulando scilicet perveniat ad eam quam in uno loco stans videre non poterat. Significatur autem ea terra quam acceperat Israel semen Abræ secundum carnem, non secundum filium: quod futurum erat sicut arena maris, quia numerari non possit.

C « Tibi dabo. » Christo promittitur hæreditas omnium gentium, qui Ecclesiam suam per totum mundum diffudit, cui Pater dicit: « Postula a me, et dabo tibi geptes hæreditatem tuam (Psal. ii). » Et psalmo LXXI: « Et dominabitur a mari usque ad mare. »

VERS. 18. — « In Hebron. » Civitas est in tribu Juda, quæ et Cariatharbe dicitur, id est, civitas quatuor; **G**ַרְיָה Charlah enim Hebraice civitas, עֲרָבָה arba quatuor. Ibi enim situs est Adam maximus et Abram, Isaæ et Jacob.

CAPUT XIV.

D VERS. 1. — « Amraphel. » Interpretatur *dixit ut caderet*, et est rex Seonaar, quæ *excusio dentium* vel *fetus eorum* interpretatur. Hic significat hæreticos, qui ad casum tendunt, et verbis dolosis fetidum sensum evomunt.

E Arioch. » *Ebris vel ebrietas* interpretatur: stultitiam gentilium significat, qui iniquitate ebrii creaturam pro Creatore colunt, et sæculi illecebri volvuntur. « Chedorlahomor. » *Decorus manus* interpretatur, qui est rex Elam, id est, *hujus sæculi*: hypocrisim significat, quæ licet vana sit et perniciosa, tamen decora in superficie videtur, sed in futuro quid fuerit apparebit.

F Thadal. » *Sciens jugum vel explorator*, qui est rex gentium; avaritiam significat, quæ sagax et versuta multos sibi subjugat.

« Amraphel, » etc. Hi quatuor reges figurant A quatuor principalia vitia, quatuor virtutibus principalibus contraria; quæ quinque sensus per quinque reges significatos subjugare nituntur, per concupiscentiam carnis, per concupiscentiam oculorum, per ambitionem sæculi.

VERS. 2-13. — « Balæ. » (HIERON.) Hebraice *devotio* dicitur. Tradunt Hebræi hanc alibi *Salissam* dici, et *ritulam consternantem*, quod tertio terræ motu absorpta sit. Et ex eo tempore quo Sodoma et Gomorrha, Adame et Seboim divino igne sunt subversæ, illa *parvula* nuncupetur. Segor enim transfertur in parvam, quæ Syra lingua *Zoara* dicitur. Vallis autem Salinarum, in qua fuerunt putei bituminis, post Dei iram et sulphuris pluviam, in mare Mortuum versa est. quod a Græcis stagnum Asphalti, id est bituminis, dicitur.

Mystice. Quatuor reges quinque superant, dum contrarie potestates quinque sensibus corporis abutentes vitiis illaqueant et captivant.

Allegorice. Tales reges superant primum Bara, qui interpretatur *malitia vel creatura*, et est rex Sodomorum, id est *cæcitatibus*, vel *pecudis silentis*, cum eis qui in vetusta malitia perseverant, more pecudum cæcitatem libidinis sequi persuadent. Vincunt et Bersa, id est in *angustia constitutum*, regem Gomorrhæ, id est populi tumentis et seditiosi, cum eos qui curis sæculi angustiantur ac nefas rapina agere non formidant, obrount et prosterunt. Vincunt quoque Sennaab regem Adamæ, id est *terrene*, cum eos qui terrena tantum sapiunt in luxuria permanere hortantur, ut dicant : « *Comedamus et bibamus, cras enim moriemur* (I Cor. xv). » Vincunt Semeber, qui interpretatur *ibi perditio*, et est rex Seboim, id est *cinguli mæroris*, cum per iracundiam et invidiam incautos decipiunt; unde Job v : « *Stultum interficit iracundia, parvulum occidit invidia*. » Regem quoque Bale vincunt, cum pusillanimes in desperationem mittunt; Bale namque interpretatur *præcipitatio vel absorbitio*: ad hoc maxime diabolus certat ut post lapsum peccati in desperationem mittat.

VERS. 4-6. — « Duodecim, » etc. Duodenarius superfluous est numerus. In qua superfluitate serviunt quinque sensus nostri vanæ superstitioni, quam significat Chodorahomor, et quatuor vitiis sibi adjacentibus; et recedere volentes gravem persecutionem patiuntur, et saepe superantur.

VERS. 7-12. — « Percusseruntque. » (HIERON.) Alia editio habet, etc., usque ad quia ibi populum Deus judicavit.

« Raphaim in Astaroch, » etc. Nomina locorum et gentium significant carnaliter viventes, quos facile vicia vincunt.

VERS. 13. — « Hebræo. » LXX, *transfluviali*; quia scilicet de Mesopotamia veniens transitu fluvio Eu-phrato, sedem posuit in terra Chanaan. Unde Jesus Nave : « *Quid vultis servire diis patrum vestrorum qui sunt trans flumen?* »

VERS. 14-17. — « Quod cum audisset Abram, » etc. (ISID.) *Mystice*. Similiter fides nostra cum firmata est Spiritu principalis, quinque sensus corporis quasi quinque reges subjicit, verbo Dei triumphans de homine exteriori. Ille in trecentis decem et octo adversarios debellavit, quia nos in sacramento crucis, quam *tau* littera significat, quæ trecenta significat, quinque sensus carnales, nos antea variis vitiis captivantes, superamus. Decem et octo, ex ternario et senario multiplicatus, fidem Trinitatis et perfectionem significat operis quibus virtutum contra vitia plena victoria perficitur.

(STRAB.) *Allegorice*. Bellum Abræ cum quatuor regibus significat bellum virtutum et vitorum. Pater ergo fidei, et prima via credendi, pro fratre suo B Lot dimicavit et vicit, non in multitudine exercitus, sed in trecentis decem et octo expeditis vernaculis. Sic quisque pro anima sua contra spirituales nequitias bellum gerat cum trecentis decem et octo vernaculis, id est, cum auxilio sanctæ crucis : *tau* enim littera, quæ habet figuram crucis, trecenta ex-primit.

Dan autem unus est de fontibus Jordanis; alter enim Jor vocatur, quod interpretatur *rivus*; duobus ergo fontibus, qui non procul a se distant, in unum rivulum foderatis, Jordanis appellatur.

VERS. 18, 19. — « At vero Melchisedech, » etc. (HIER.) Nunc aiunt Hebræi esse Sem filium Noe, et computatione annorum ostendunt eum usque ad Isaac vixisse : et omnes primogenitos a Noe usque ad Aaron pontifices fuisse. Salem vero postea dicta est Hierusalem; Apostolus memorans Melchisedech, « sine patre et matre, » refert ad Christum, et per eum ad Ecclesiam gentium, quia gloria capitis ad membra refertur. Quoniam benedixit Abræ circumcisio, et in eo Levi, et sic Aaron, de quo postea sacerdotium. Ex quo vult colligere sacerdotium Ecclesia habentis præputium benedixisse circumcisio sacerdotio Synagogæ. Quia autem ait : « *Tu es sacerdos in æternum secundum ordinem Melchisedech*, » ministerium nostrum veri ordinis signatur, non per Aaron irrationalibus victimis immolandis, sed oblatio pane et vino, id est, corpore Domini et sanguine consecrari.

(STRAB.) Melchisedech, qui interpretatur *rex iustitiae*, et dicitur *rex pacis*, Christum significat, per quem reconciliati sumus, et qui in fine sæculi justæ judicaturus est.

VERS. 20-23. — « Dedit ei decimas. » (ISID.) Sciens ergo patriarcha, etc., usque ad partim stipendia legitime pugnantibus debita non abnegans.

VERS. 24. — « Qui venerunt, » etc. Utitur enim aliquando fides testimoniis infidelium; unde Apostolus ad Titum : « *Male bestiæ, pigri ventres;* » sed ad utilitatem fidelium.

CAPUT XV.

VERS. 1. — « His itaque transactis, » etc., « *Noli timere*. » Triumphata multitudine vitorum, confor-

tatur spes cuiusque fidelis a Domino ne titubet, sed mercedem exspectet.

VERS. 2. — « Dixitque Abram. (HIERON. in Q. Hebr.) » Ego vado sine liberis, » etc. usque ad ab hoc aiunt Damascum et nominatam, et conditam.

VERS. 5-8. — « Suspice cœlum, » etc. Superius dixit : « Erit semen tuum sicut arena maris, » quia in illa plebe quidam erant carnales et terreni, qui arenæ comparantur, quia aridi, et a bonis operibus infecundi; alii quasi stellæ fulgentes.

(RAB.) Duplex significatio promissi seminis datur. Ostensis stellis dicitur ei : « Sic faciam semen tuum, » id est, gentem Christianam, cuius tu pater futurus es, in fide, scilicet resurrectionis lumine coruscare. Ostensa vero arena dicitur : « Sic erit semen tuum, » etc., id est, copiosa erit gens Judæorum, sed arida et infecunda.

VERS. 9-10. — « Sume, inquit, mihi, » etc. (ISID. in Gen., tom. V.) Vacca triennis, plebs Judaica posita sub jugo legis, etc., usque ad quando per ignem separabuntur boni a malis.

« Vaccam triennem, et capram trimam, » etc. Quia ab Adam usque ad Noe, et inde usque ad Abram, deinde usque ad David, populus adolevit.

VERS. 11. — « Descenderuntque volucres, » etc. (GREG., lib. xvi Moral., c. 20.) *Tropologice*. In ipso orationis sacrificio ingerunt se importunæ cogitationes, rapere vel violare cupientes : sed manu sanctæ discretionis debemus custodire quod foris offerimus, ne maligni spiritus et perverse cogitationes rapiant.

VERS. 12. — « Pavor irruit, » etc. (AUG. in Quest. Hebr.) Tractanda est ista questio propter eos qui contendunt istas perturbationes non cadere in animum sapientis, etc., usque ad non dicendam perturbationem.

VERS. 13-15. — « Scito prænoscens, » etc. (ISID.) Populus Israel in Aegypto servitus prophetatur : non quod Aegyptiis annis quadringentis servierit, sed quia hic numerus in illa afflictione completus est, quia ab illo tempore computatur quod ista Abrahæ promittuntur.

« Scito prænoscens, » etc. (AUG. de Civ. lib. xvi, c. 24.) Non sic accipendum est, tanquam in illa durissima servitute quadringentos annos populus Dei fuerit, etc., usque ad populus Dei in Aegypto dura servitute afflicitus est.

VERS. 16-21. — « Generatione autem, » etc. (HIERON. epist. ad Damas.) Moses vero alibi dicit, etc., usque ad et ad Salomon pervenient.

CAPUT XVI.

VERS. 1. — « Igitur Sarai uxor Abram, » etc. (RAB.) Non est adulter Abram si, vivente uxore, ancillæ jungitur, quia nondum promulgata erat lex Evangelii unius uxoris : et genus suum multiplicandum audierat, sed per quam mulierem nesciebat, quia Sarum sterilem noverat. Non fuit in coitu libidinosa voluptas, sed prolixi habendæ pia charitas :

A uxor quoque hoc voluit et coagit, quæ filios habere non poterat; ideo ex alia suscipere cupiebat quem in locum proprii adoptaret.

VERS. 2-11. — « Ingredere ad ancillam, » etc. (HIERON.) Nota diligenter quod procreatio filiorum in Hebreo *adficatio* dicta est, etc., usque ad tanquam per angelum lata in gratiam redeat et se subjiciat.

(RAB.) Haec duas mulieres sunt duo Testamenta : Agar, Vetus, quod in Synagoga Judaicum populum servituti nutriebat obnoxium; Sara, Novum, quod populum Christianum in libertatem fidei generavit. Multiplicati sunt ancillæ filii, ut non nunnerarentur præ multitudine, qui supra arenæ comparantur. Ipse ergo populus ferocitate sua æmulus, et omnibus bonis contrarius, et maxime cum Christianum populum B toto orbe invidia stimulante persecutur, et longe lateque dispersus, vagando et negotiando omnibus est onerosus.

VERS. 12. — « Hic erit ferus homo, » Vel rusticus, secundum alios. (HIERON.) In Hebreo habetur phara (פָּרָה) quod interpretatur onager. Significat semen ejus habitaturum in deserto, id est, Saracenos vagos, incertisque sedibus, qui omnes gentes quibus desertum ex latere jungitur incursantes, impugnantur ab omnibus.

VERS. 13. — « Vocavit autem Agar, » Recte nomen ejus ita vocavit, quia gratuito consulti miseris et humiles consolatur. Unde : « Tu labore et dolorem consideras, et tibi derelictus es pauper, » etc. « Profecto hic vidi posteriora videntis me. » Tale est illud : « Videbis posteriora mea, nam facies non apparetibit tibi. » « Non enim homo videbit faciem meam et vivet (Exod. xxxiii). » Illam enim manifestationem sapientiae Dei nemo potest videre et vivere. Ipsa est species ad quam suspirat qui Deum diligit toto corde, tota anima, tota mente : ad quam contemplandam, etiam proximum diligendo sicut seipsum, quantum potest, ædificat. Posteriora vero ejus, id est, incarnationem ejus, quam assumpsit postremis temporibus, nunc per fidem et dilectionem desiderando contemplamur, et in futuro æterna contemplatione fruemur.

VERS. 14-16. — « Propterea appellavit puteum illum, » etc. (HIERON.) Usque hodie puteus Agar demonstratur in deserto Arabiæ, inter Cades et Barad, quod significat veteris legis et novæ Scripturam, quam conditor noster, vita viventium, spes morientium, intuitu pite miserationis mortalibus dedit, ut edocti et a vitiis correcti, Dei visione perpetuo digni esse mereantur.

CAPUT XVII.

VERS. 1-4. — « Ponamque fœdus, » etc. In Hebreo *berith* (בְּרִית), quod non testamentum, sed fœdus, sive pactum significat.

VERS. 5-7. — « Nec ultra vocabitur nomen tuum Abram. » (HIERON.) Dicunt Hebrei quod Deus ex nomine suo, quod apud illos tetragrammaton est, h litteram Abrahæ, et Saræ addiderit. Dicebatur

autem Abram, quod est *pater excelsus*; postea dictus est Abraham, quod est *pater multarum*, nam *gentium* in nomine non habetur, sed subauditur. Nec mirandum quod cum apud Græcos et nos a littera videatur addita, h littera addita dicatur: idioma enim Hebrææ linguae h consuevit scribere et a legere: sicut econtrario, h pronuntiare et a scribere.

Vers. 8, 9. — « Daboque tibi et semini tuo. . . . et e omnem terram Chanaan. » Chanaan interpretatur *motus eorum*: cuius terra a fidelibus in possessionem accipitur, cum mens prius diversis circumacta motibus, in melius mutata, postmodum irreflexis oculis in anteriora extenditur

« In possessionem æternam. » (Aug.) Scriptura vocat æternum cuius finis non constituitur, aut quod non ita sit ut deinceps non sit faciendum, quantum pertinet ad curam vel potestatem facientis; unde:

Serviet æternum qui parvo nesciet uti.

Vers. 10. — « Circumcidetur ex vobis masculinum, » etc. (STRAB.) Tribus de causis hoc præcipitur Abrahæ. Primo ut per obedientiam mandati placet, per cuius prævaricationem Adam displicuerat; secundo, ut hoc signo a cæteris nationibus disceretur; tertio, ut in eo membro circumcisus quo libido solet dominari, castitatem sibi servandam et impudicitiam rescindendam cognosceret.

Vers. 11-13. — « Carnem præputii. » (RAB. STRAB.) Circumcisio facta in uno membro significat circumcisionem spiritualem, que in corde et in omnibus sensibus exhibenda est. Circumcidendum est cor, ne noxia cogitemus; oculi, ne vanitatem videamus; aures circumcidendæ sunt, id est obtundendæ, ne audiant sanguinem: et sic in omnibus sensibus celebranda est circumcisio.

(ALCUIN. in Gen., tom. I.) Ideo autem Abrahæ circumcisione commendata est, etc., usque ad unde olim prævaricatores generaverunt ad mortem.

Allegorice. Jam tunc propter futuram peregrinationem, ne misceretur semen ejus gentibus, circumcisionis pactum datur in signum: quia significat naturam renovatam per baptismum, post spoliationem veteris hominis per Christum, qui resurrexit post baptismum. Servos vero vernaculos, emptitos etiam, circumcidi præcepit, ut doceret ad omnes pertinere redēptionis gratiam. Ibi et parentum mutantur nomina, ut omnia resonent novitatem. Abram, *pater excelsus*; Abraham, *vater multarum gentium*.

Vers. 14. — « Masculus cuius præputii caro, » etc. (Isid.) Quæritur quomodo pueri circumcisi (qui pactum Dei irritum non fecerunt, sed qui eos circumcidere neglexerunt) perire debeant? Sed pactum Dei non secundum opus, sed secundum originem in primo homine irritum fecerunt, in quo omnes peccaverunt. Nascuntur enim omnes, non proprie sed originanter, peccatores. Ideo pereunt omnes qui per regenerationem non liberantur.

Vers. 15, 16. — « Sarai uxorem tuam, » etc.

A (Isid.) Declaratur promissio de vocatione gentium in Isaac filio promissionis, id est gratiæ, non naturæ, quia de sene patre et sterili matre: et quia hoc non per generationem, sicut Ismael, sed per regenerationem futurum erat, imperata est circumcisio, quando Saræ filius promittitur in typo Ecclesiæ, non quando Ismael, qui typus Judeorum.

(HIERON. - Isid.) Errant qui putant primum Saram per unum r scriptum fuisse, et postea additum esse alterum r. Et quia r apud Græcos centrum significat, multis super hoc nomine suspicantur ineptias, cum et utsim velint vocabulum commutatum, non Græcam, sed Hebraicam debet habere rationem. Hebreum est enim. Nemo enim altera lingua quilibet vocans, etymologiam vocabuli sumit ex altera. Sarai ergo primum vocata est (שָׂרָה) per scin, res, iod. Sublata ergo iod addita est he littera, quæ pro a legitur, et vocata est Sara (שָׁרָה). Antea enim dicebatur *princeps mea*, quia quasi unius familiæ mater: postea absolute *princeps*, omnium scilicet gentium princeps futura. Quidam pessime suspicantur eam prius *lepram* fuisse vocatam, et postea *principem*, cum lepra *sarai* dicatur (שָׁרָה), quod in nostra lingua videtur habere aliquam similitudinem, sed Hebræo penitus est diversa. Scribitur enim per zadich et ain et res et tau; quod a tribus superioribus, id est, schin, res et he, quibus scribitur Sara, manifeste distat.

Vers. 17, 18. — « Cecidit Abraham in faciem suam, et risit in corde suo. » (HIERON.) Post paullum sequitur: « Et vocabis nomen ejus Isaac: » qui risus interpretatur de risu Abrahæ, non de risu Saræ. Postquam enim ex risu Abrahæ vocatus est filius ejus Isaac, legitur Saram risisse.

« Nonen ejus Isaac. » Scendum quod quatuor in Veteri Testamento nominibus suis aperte, antequam nascerentur, vocati sunt: Ismael, Isaac, Samson et Josias. Lege Scripturas.

Vers. 19. — « Constituam pactum meum, » etc. Pactum vero Domini cum Isaac, populo scilicet fidei, quem mater Ecclesia per fidem et baptismum generavit. « Et fœdus sempiternum, » quia æternæ vitæ possessio ei soli promittitur, qui cum capite suo Christo regnum cœli semper possidebit.

Vers. 20. — « Super Ismael, » etc. *Historice.* Ismael populum Judeorum significat, qui multiplicatus est valde; duodecim duces generavit, cum multitudo carnalium Judeorum ex duodecim patriarchis genita, in duodecim tribus est divisa.

Vers. 21. — « In anno altero. » Annus alter, quo Sara genuit Isaac, tempora sunt regenerationis, quibus fusus est sanguis Christi et genus humanum ad vitam restauratum.

Vers. 22. — « Ascendit Deus ad Abraham, » etc. (Glossa Græca.) Ergo, ut ita dicam, descendebat, et humilem se, circumcisionis legem statuens, præbuerat.

Vers. 23-27. — « Tulit autem Abraham, » etc. Non intendebat Deus ut tantum præputium carnis

Abrahæ et sobolis ejus circumcideretur, sed ei, quem a cunctis elegerat, æterni Testamenti munera conferebat; unde Paulus Phil. iii: « Nos sumus enim circumcisio, qui spiritu Deo servimus. » Et alibi, Rom. n: « Non enim qui in manifesto Iudeus est, neque quæ in manifesto, in carne, est circumcisio. » Circumcidamus ergo Dei verbo aures, labia, cor, præputium et omnia membra carnis. De circumcisione aurium dicitur Luc. viii: « Qui habet aures audiendi, audiat; » incircumcisus auri- bus verba sapientiae et veritatis non possumus audire. Circumcidamus labia, ne aliquid turpe, vel malum, vel otiosum loquamur. Circumcidit carnem præputii, qui sola causa posteritatis, certis et legitimis temporibus, conjugio utitur: qui aliter agit, non circumcidit. Ecclesia vero, gratia Christi pro se crucifixi roborata, non solum se ab illicitis temperat, sed etiam a concessis, et tanquam virgo sponsa Christi padicis virginibus floret, in quibus vera circumcisione præputii servatur in carne. Qui autem non obscenis desideriis, vel sensibus haereticis, et blasphemis assertionibus, moechatur, sed fidei puritatem in conscientia custodit, corde circumcisus est: et de eo dici potest: « Beati mundo corde (Matth. v), » etc. Circumcidantur manus, ne mala faciant, pedes, ne in malum currant: visus, ne illicita concupiscat; gustus, ut ad gloriam Dei manducet et bibat; odoratus, ut Christi odorem capiat, et operibus misericordiae odorem suavitatis spargat. Singula quoque membra, si in officiis Deo serviant, circumcisæ sunt. Si ultra præscriptam legem luxuriant, incircumcisæ.

(HIERON.-STRAB.) Quæri solet quomodo feminæ salvabantur, quæ non circumcidabantur? Fide scilicet et hostiarum oblatione, sicut ante circumcisionem viri sancti mundabantur: unde: « Fide purificans corda eorum. »

CAPUT XVIII.

Vers. 1. — « Apparuit autem ei Dominus in convalle Mambre. » (Isid. in Gen.) Abraham triplicem figuram gerit: primam, Salvatoris, qui relicta cognitione venit in mundum; alteram, Patris, quia Filium unicum immolavit; tertiam (quæ in hoc loco apparet), sanctorum qui adventum Christi cum gaudio suscepunt. Tabernaculum Abrahæ Hierusalem significat, ubi pro tempore prophetæ et apostoli habitaverunt, et Christus adveniens a credentibus exceptus, ab incredulis in ligno suspensus est.

Vers. 2, 3. — « Tres viri. » Tres viri Christi praouantiant adventum, quem duo angeli comitantur, Moses secundum quosdam, et Elias; unus legislator, qui in lege adventum Domini indicavit: alter, qui in fine venturus est, secundum adventum Christi nuntiaturus, et Evangelium ejus prædicatus. Unde transfigurato Domino in monte cum eo evidenter. « Tres vidit, et unum adoravit, » Salvatorem scilicet ostendens, cuius adventum præstolabatur. Unde: « Abraham vidit diem meum et ga-

A visus est (Joan. viii). » Prævidit enim mysterium futuri sacramenti. Unde pedes eorum lavit, ut in fine mundi purificationem lavaci futuram monstraret; pedes enim novissima significant.

« Quos cum vidisset. » (GREG., lib. ix *Moral.*, c. 51.) *Moraliter.* Abraham tribus angelis occurrit, quia vir et dominus domus, scilicet spiritualis intellectus, debet in cognitione Trinitatis claustra carnis excedere, et quasi habitationis insimæ januam exire. Cura carnis, quam Sara significat, foris ad jactantiam non appareat, sed post tergum viri, id est, sub discretione spiritus, solis necessariis intenta, ne sciat procaciter detegi, sed verecunde moderari.

(Ibid., lib. xxviii, c. 4). Abraham non potuissest angelos videre, hospitio suscipere et cibos adhibere, nisi corpus ex aere assumpsissent: non enim apparerent, non cibos sumerent, nisi solidum corpus ex coelesti elemento haberent. Nec mirum quod modo angeli, modo Dominus vocantur, quia angeli vocantur, qui exterius ministrant, et Dominus ostenditur, qui eis interius imperat.

Vers. 4, 5. — « Sed afferam. » Ad hospitalitatis officia revertitur, quæ etiam angelis exhiberi possunt, cum ex elementis corpoream formam assumunt: quod Abraham intelligens, deitatem in unitate adorabat, et dispensationi angelicæ in forma visibili ministrabat.

Vers. 6. — « Tria sata. » Hæc in typum Ecclesiæ dicuntur, quæ de tribus mundi partibus in unitatem fidei congregata est, et quasi panis sine fermento igne Spiritus sancti decocta est.

(STRAB.) Satum genus est mensuræ. Tria sata tres filios Noe significant, ex quibus omne genus hominum disseminatum est. Significatur ergo Ecclesia, vel evangelica doctrina per totum mundum disseminanda, et in tribus mundi partibus, Asia, Africa et Europa, multiplicanda.

« Tria sata, » de quibus Sara subcinericios panes facit, tres filios significant Noe, ex quibus omne genus hominum natum est: qui divinæ Trinitati credentes aqua baptismatis per Saram, id est Ecclesiam, conspersi sunt, et in unum panem corporis Christi redacti. Hæc sunt tria sata farinæ, quæ mulier in Evangelio fermentavit: azymi sunt panes, quia sine fermento malitiæ, et angore [Al., rancore] nequitæ, et fervore perverse doctrinæ, oportet esse creditum unitatem.

« Subcinericios. » Subcinericii sunt, ut per pœnitentiam delictorum Spiritus sancti vapore decocti, esca Deo acceptabilis efficiantur.

Vers. 7. — « Vitulum tenerimum. » Vitulus tener et saginatus Christi corpus est, quod pro salute mundi ad arborem crucis immolatum est. Hic est vitulus qui prodigo filio occiditur.

Vers. 8. — « Butyrum et lac, » cum carne vitulli apposuit, quia lac veterem legem signat; unde I Cor. iii: « Lac potum dedi vobis, non escam, » etc. Tradidicerat enim illis legis mandatum, quasi lac de duarum tabularum expressum uberibus, hoc est

testamentum fidei, quia nondum poterant evangelice doctrinæ solidam escam sumere. Butyrum uberrimum et pinguissimum evangelicum est testimonium, quod velut oleum fidelibus in signum datur. Vitulum cum lacte et butyro apposuit, quia nec corpus Domini sine lacte legis, nec hoc sine Evangelio esse potest. Sub arbore autem sederunt in Dominicæ passionis signum, cujus prædicatores sunt.

VERS. 9. — « Ecce in tabernaculo est, » etc. (STRAB.) Abraham foris cum angelis, Sara in tabernaculo est : quia fortium et doctorum est aperie prædicare, exemplis instruere : infirmorum et insipientium, discere et subditos esse.

« VERS. 10. — « Et habebit filium, » etc. Promittit Deus Saræ sterili filium, dicens : Circa hoc tempus veniam ; non tempus, sed qualitatem sui adventus significat, quoniam per filium re promissum fidelis populus erat nasciturus. Unde Isa. liv et Gal. iv : « Lætare sterilis, quæ non parturis, » etc.

« Quo auditio, etc. (AVC. *Quæst in Gen.*) Arguitur Sara quia risit, et non Abraham, cum similiter riserit ; quia illius risus admirationis fuit, hujus dubitationis, quod dijudicare potuit qui corda novit. Negat Sara se risisse cum Deum non possit latere, sed forte homines putabat. Abraham vero Deum intelligebat, sed humanitatæ officia præbendo, quæ tantum infirmæ carni necessaria sunt ; mirum est : nisi homines prius arbitratus est, sed in quibus Deum loqui intelligeret, quibusdam signis divinæ majestatis apparentibus : sicut in hominibus Deum apparuisse saepè Scriptura testatur, sed postea angelos fuisse cognoverunt.

VERS. 11. — « Erant autem, » etc. Seniorum ætas minor est quam senum, etsi senes appellantur seniores. Unde, secundum medicos, senior vir de muliere seniore filios facere non potest, etiamsi adhuc muliebria fluant. Secundum hoc Abraham miratur Dei potentiam de promissione filii, et hoc miraculum posuisse Apostolum accipere possumus. Emortuum enim corpus non omnino ad generationem erat, si mulier juvenilis ætatis fuisset : sed de proiecta ætate generare non poterat : de Cethura enim postea generavit, quia juvencula fuit. Tradunt enim medici quia senex de feminæ proiectioris ætatis (etsi muliebria contingat ei) generare non possit, de juvencula autem possit. Rursus mulier proiecta ætatis, etsi adhuc muliebria contingent ei, de seniore parere non potest, de juvencula potest. Miraculum ergo fuit, quia uterque senex et proiectæ ætatis, et desierant muliebria Saræ.

VERS. 12-14. — « Voluptati operam dabo ? » etc. (GREG. lib. ix *Moral.*, c. 51.) Cura carnis, etc., usque ad quid mens nostra aliud quam gaudium patrit?

VERS. 15. — « Non risi, etc. (AMBR.) Vel ideo negavit se risisse, quia ignoravit ; ideo risit, quia prophetavit.

VERS. 17-19. — « Num celare potero Abrahæ quæ cessurus sum. » Bene Dominus Abrahæ secreta sua

A committit, quem voluntatis suæ et secretorum fidei lem executorem cognovit ; de quo ipse carne nasciturus erat « in quo sunt omnes thesauri sapientiae et scientiae absconditi (*II Cor. ii*). » Promittit quoque Abrahæ non solum præmia, sed obedientiæ filiorum ejus justitiam, et circa eos promissa compleri. Rursumque promittitur Isaac, « in gentem magnam futurus, » et quod « in eo benedicentur omnes gentes terræ. » Quibus verbis duo illi promittuntur : gens Iudeorum secundum carnem, et omnes gentes per fidem.

VERS. 20. — « Clamor Sodomorum et Gomorrhæ, » etc. (AUG. *Q. in Gen.*) Si hæc verba non dubitantis, sed irascentis et minantis accipiamus, nulla est quæstio. Humano enim more ad homines loquitur B Deus, et ira ejus sine perturbatione est, quia immutabilis est. Scœpe autem sic minando dicimus : Videamus si non tibi facio, et si non potero tibi facere ; vel sciam, id est experiar utrum non possim. Sed perturbatio non cadit in Deum. Mos autem humanae locutionis est, cui Deus se coaptat, ut humanae infirmitati conveniat.

(GREG. lib. v *Moral.*, cap. 7.) Peccatum vero cum voce, culpa est in actione. Peccatum vero cum clamore, culpa cum libertate.

VERS. 21-23. — « Descendam et videbo, » etc. (GREG., *Moral.*, c. 33.) Mala hominum non ante credamus quam probemus. Et ecce per angelos ad cognoscenda mala descendit, et tanto crimen involutos inveniens, quasi patientiam prætermisit, et eos igne judicii ante judicii diem prævenit : qui cum tranquillitate judicat, ut majora crimina tarde credantur, et veraciter agnita citius puniantur.

(GREG., lib. i *Reg.*, c. 178, tom. I.) Quo descendet Deus, ut quæ essent facta cognosceret ? Aut quod non is, qui ubique est, sciret ? Sed ut nostræ ignorantiae exemplum discretionis daret, quatenus debeamus mala gravia audita non credere, ipse se dicit ad cognoscendum descendere, de quo omnibus liquet quia et non descendens ommnia sciret.

(HILAR., lib. ix, *de Trin.*) Habemus nescientem Deum, quod tamen non nesciat. Nam cum peccata magna valde sciat esse, rursum descendit ut videat an consummati sunt ; et si nondum consummati sunt, ut sciat : intelligimus eum non ea tunc scire, quia prius nesciat ; sed tunc scire, quia tempus ad agendum sit. Nescire ergo Deum, non est ignorantiae diminutio, sed temporis plenitudo.

VERS. 24-26. — « Si fuerint quinquaginta justi, » etc. (ISID.) Quinquagenarius numerus, a quo usque ad decem descendit, poenitentiam significat. Unde et quinquagesimus psalmus poenitentialis est. Si ergo converterentur, salvarentur. Sed cum Deus aspicit delinquentes nolle ad poenitentiam converti, illico ardorem immoderatæ luxurie igne gehennæ compescit. Usque ad decem justos non perire Sodomam dixit, quia si in quolibet per decem præceptorum custodiam Christi nomen inveniatur, non per

ibit. Denarii enim numeri figura et crucem Christi significat.

Vers. 27. — « Loquar ad Dominum, » etc. (GREG. lib. xviii *Moral.*, c. 33.) *Mystice*. Sancti quanto magis divinitatis interna prospiciunt, tanto magis se nihil esse conspiciunt. Nusquam legitur Abraham se cinerem et pulverem professum esse, nisi cum meruit Dei locutionem habere. Et ait : « Loquar ad Dominum meum, cum sim pulvis, » etc. Fortasse enim aliquid se esse crederet, si veram essentiam, quæ super ipsum est, non sensisset. Unde et David exclamat : « Memento, Domine, quoniam pulvis sum (*Psalm. x.*), » etc.

Moraliter. Quosdam per tumorem sensus non elevat, sed per misericordiae opera; quidam dum se terrenis abundare conspiciunt, veras divitias non requirunt, et æternum regnum non amant, quia temporalia sufficere putant. Non est ergo sensus in criminis, sed affectus. Cuncta enim quæ Deus condidit bona sunt. Sed qui bonis male utitur, hic agit ut per edacitatis ingluviem eo, quo vivere debuit, paue moriatur. Pauper ad requiem Lazarus venerat, superbum divitem cruciabant tormenta (*Luc. xvi.*): dives tamen Abraham fuerat, qui Lazarum in sinu tenebat. Ait tamen : « Loquar ad Dominum meum cum sim pulvis et cinis, » etc. Quid divitias suas aestimabat, qui seipsum pulverem cineremque putabat? Aperte cernimus in quo loco se posuerat, qui se pulverem et cinerem, etiam cum Deo loqueretur, aestimabat. Qua ergo poena feriendi sunt, qui ad summa non proficiunt et de minimis se extollunt?

VERS. 28-33. — « Quinque fuerint. » Quinque civitates igneis imbris combustæ. Omnes enim qui quinque corporis sensus libidinose tractaverunt, futuro incendio sunt cremandi.

« Quid si inventi, » etc. (ALC.) Non necesse est hoc de omni loco accipere. De Sodomis autem potuit dici, quia sciebat Deus nec decem esse ibi, et ideo sic respondebatur Abrahæ ad exaggerationem iniquitatis Sodomorum.

« Decem. » Denarius crucem Christi designat quia x littera, qua denarius exprimitur, in figura crucis formatur.

« Dicit. » Sciebat enim nec unum ibi esse praeter Lot; ad exaggerandam iniquitatem hoc dicitur, sicut apud Jeremiam : « Videte si inveniatis hominem facientem justitiam (*Jer. v.*); quasi : Invenite vel unum, et parco eis.

CAPUT XIX.

VERS. 1. — « Veneruntque duo angeli, » etc. Notandum quod tres angeli numero impari Abrahæ apparent, quia numero impari Deus gaudet. Sodomam venerunt pari numero, id est duo, qui numerus primus ab unitate recedit, et princeps est alteritatis, quasi femineam figurans molitatem. Venerunt in « vesperæ, » quia jam Sodomitis occubuerat sol justitiae. « Qui cum vidisset, » etc. Dum occurrit Lot

A et adorat, angelos videtur intelligere; dum ad refectionem corporis invitati, homines videtur putare. Sic de his et de illis qui Abrahæ apparuerunt idem intelligendum est. Ex hoc autem loco Scripturæ et multis aliis commendatur virtus hospitalitatis. Unde Paulus Heb. xiii : « Hospitalitatem nolite obliisci : per hanc enim placuerunt quidam Deo, angelis hospitio receptis. »

(*Glossa Græca.*) Notandum ubi beneficia Dei explicantur, Deum adesse; ubi vero supplicia exercentur, angelos mitti; ut sciamus Deo benefacere, jucundum et placitum Deo proprie esse ulcisci vero Deo ingratum esse.

Vers. 2. — « Lavate. » Quod hospitibus solet fieri, ut affectus terreno pulvere sordidati, et acedia, et pusillanimitate, tanquam pulverulentis squaloribus, emundentur. Unde in monasteriis pro venientibus de via oratio celebratur.

Vers. 3-7. — « Compulit illos. » (ALC.) Angeli quasi coacti domum Lot ingrediuntur, ut charitas ipsius tentata et probata remuneraretur, et ut ostendetur quantum esset hospitalitatis bonum. Hospitaliæ domum ingressi sunt, et hospitem liberaverunt; clausas hospitibus domos ignis ingressus peccatores perdidit.

Vers. 8, 9. — « Habeo duas filias. » (AUG., Q. in Gen.) Utrum admittenda sit compensatio flagitorum, vel quorumlibet peccatorum, ut faciamus mala, ne fiant graviora: an perturbationi Lot, non sit consilio tribendum, merito queritur? et nimis periculosissime hæc compensatio admittitur. Si autem perturbatio mentis fuerit, nullo modo est imitanda.

Vers. 10. — « Et introduxerunt ad se Lot. » (GREG., l. vi *Moral.*, cap. 16.) Malis adversantibus intra domum Lot reducitur et munitur: quia quisque justus pravorum insidias sustinens, ad mentem revertitur, et manet interitus. Sodomite in domo Lot ostium invenire nequeunt: quia corruptores mentium contra vitam justi nullum reprehensionis aditum inveniunt. Percussi cæcitate quasi domum circumeunt, quia invidentes facta et dicta perscrutantur. Sed quia de vita justi, fortis et laudabilis actio ubique obviat, errantes parietem palpant.

Vers. 11-13. — « Percusseruntque cæcitatem. » (AUG. ubi supra.) Græce ἀπασία, id est, ardentia, si possit dici, quæ faciat non videri, non omnia, sed quod non est opus. Quomodo enim deficerent quærendo ostium, si cæcitate percussi essent, ut nihil videarent? sua enim calamitate turbati, nihil ulterius requirent. Hac ἀπασία percussi erant, qui Eliseum quærebant, et qui Christum post resurrectionem cum ipso ambulantes non cognoscebant.

Vers. 14. — « Egressus, » etc. (HIER., in Q. *Hebr.*) In sequentibus filiæ Lot virgines fuisse leguntur; et ipse ad Sodomitas dixit : « Ecce duæ filiæ meæ quæ non cognoverunt virum, » etc. Nunc autem dicitur habuisse generos. Sed quidam arbitrantur eas quæ viros habuerunt in Sodomis perisse, et quæ virginet

erant cum patre exisse. Sed Hebraica veritas habet. A liter peccabant; isti vero contra naturam: ideo gravissimi supplicii exemplo damnati sunt.

VERS. 15, 16. — « Cumque esset mane, » etc. (ISID.) *Mystice.* Lot frater Abraham, justus et hospitalis in Sodomis, significat corpus Christi, quod in omnibus sanctis inter impios gemit, quorum factus non consentit, et a quorum permixtione liberabitur in fine saeculi, illis damnatis supplicio ignis æterni.

VERS. 17-19. — « In monte. » (STRAB.) *Moraliter.* Mons altitudinem virtutum significat, ad quam angelus hortatur, secundum illud Marci xix. « Si vis perfectus esse, vade et vende omnia quæ habes, » etc. Qui vero viderit se non posse descendere, melius est ut in Segor, id est in parvula remaneat, contentus laicali et communi vita, quam montem virtutis arripiat et ad sæcularia redeat. Virginitas altus mons est ad quam angelus hortatur: si quis videt se non posse descendere, maneat in Segor, id est in legitimo conjugio, quia melius est mediocri bono uti, quam per abrupta libidinis præcipitari. Unde I Cor. vii: « Propter fornicationem unusquisque uxorem habeat. » « Nec possum in monte: » scilicet perturbatus non credebat Domino, quem in angelis agno sciebat, sicut perturbatus filias prostituebat.

VERS. 20. — « Est civitas, » etc. (ISID.) *Allegorice.* Sodoma interpretatur *cæcitas*, et exprimit mundana desideria: altitudo montium, speculatio perfectorum. Sed quia multi mundi illecebras fugiunt, tamen in actione positi contemplationis apicem subire nequeunt, exivit Lot a Sodomis, sed ad montana non pervenit. Unde Lot ait: « Est civitas hæc juxta, » etc. « Juxta » dicitur, et tamen ad salutem tutam, quia activa vita nec a mundi curis ex toto discreta, nec a gaudio æternæ salutis est aliena.

« Ad quam possum, » etc. Qui ad contemplativam ascendere non sufficient, ad activam vitam configiunt, in qua salvantur.

(GREG., *Past.* iii, 28.) *Moral.* Ardentem Sodomam fugere, etc., usque ad unde ad Lot dicitur:

VERS. 21-23. — « Ecce etiam in hoc suscepimus prescas tuas, » quia cum Deo oratio funditur, talis vita conjugii non damnatur; unde I Cor. vii: « Nolite fraudare invicem, » etc.

VERS. 24. — « Igitur Dominus pluit super Sodomam, » etc. (GREG.) Sulphur, fator carnis, ignis, ardor carnalis desiderii; cum Dominus carnis scelerata punire decrevisset, qualitate ultiæ innotuit inacula criminis. Sulphur enim fetet, ignis ardet; qui ergo ad perversa desideria carnis fatore arserant, jure sulphure et igne perierunt, ut ex justa pena discerent quod injusto desiderio fecissent.

(STRAB.) Notandum quia primos peccatores aqua diluvii exterminavit, qui similiter offendebant Deum concupiscentia carnis. Sodomitæ vero graviori supplicio, ignis scilicet et sulphuris diluvio, perierunt. Liceat enim illi measuram excederent, quasi natura-

A liter peccabant; isti vero contra naturam: ideo gravissimi supplicii exemplo damnati sunt.

VERS. 25. — « Universos habitatores. » (ALC.) Infantes cum parentibus in Sodomis cremati sunt, ne posset adverti impiissimum facinus Sodomitarum, si de origine eorum aliquid remaneret vestigium. Et provisum est illis, ne diu viventes sequerentur exempla patrum et gravius punirentur. Parentes quoque tam pro se quam pro eis rei sunt. Mors enim filiorum crimen est parentum. Ideo futuri sunt accusatores eorum. Est etiam qualemque beneficium, non reum esse, qui gloriosus non est; prodest enim pauperem non esse, qui rex esse non potest.

VERS. 26-28. — « Respiciensque uxores ejus. » (ISID.) *Mystice.* Uxor, eorum genus figurat qui gratia vocati retro aspiciunt, et ad ea quæ reliquerant redire contendunt; de quibus dicitur Luc. ix: « Nemo ponens manum in aratro, et respiciens retro, aptus est regno Dei. » Ideo prohibetur illis retro aspicere. In quo ostenditur non esse redeundum ad veterem vitam, his qui per gratiam sunt regenerati, si ultimum evadere incendium; uxor retrospiciens in salem versa est, exemplum facta scilicet, et condimentum unde alii saliantur. Unde Christus ait Luc. xvii: « Mementote uxoris Lot, » ut nos scilicet tanquam sale condire, ne negligentes essemus, sed prudenter caveremus.

VERS. 29. — « Cum enim subverteret, » etc. Invinit Scriptura magis meritis Abrahæ Deum liberasse Lot, ut intelligamus justum esse dictum, quodammodo, maxime quia colebat unum verumque Deum, et comparatione Sodomorum, inter quos vivens ad simile scelus electi non potuit. « Recordatus est Abrahæ. » Patet meritis Abrahæ Lot fuisse liberatum, quem Scriptura appellat justum. Et sciendum quia justus erat, non sicut Abraham, sed comparatione Sodomitarum.

VERS. 30. — « Ascenditque, » etc. Sic conjugi de humilitate activæ vitæ aliquando ascendunt ad altitudinem contemplativæ.

« Ascenditque Lot de Segor, » etc. (HIER. in Q. Hebr., tom. III.) Quæritur cur cum primum montis fugæ Segor prætulerit, etc., usque ad ambigere non debuit.

VERS. 31. — « Dixitque major ad minorem, » etc. Quod pro excusatione dicitur filiarum, quia genus humanum defecisse putaverunt, ideoque cum patre accubuerunt. Non autem excusat patrem quod sequitur, « et nescivit quod dormissent cum eo; » appungunt enim desuper Hebrei obelo, quasi superfluum, quasi incredibile sit, quia rerum natura non capiat coire quempiam nescientem.

(STRAB.) Lot inexcusabilis est, primo quia angelo non creditit; deinde quia inebriatus est, et fuit peccatum causa peccati.

(HIERON.) Sic prava suggestio et delectatio, ut incestæ mulieres, insidiantur continentibus, ut accepta occasione, torpentes vino fallacie imbuant, et a statu rectitudinis quasi ignorantibus dejiciant.

VERS. 32. — « Veni, inebriemus, » etc. (ALC.) Dicserant duæ filiæ Lot consummationem mundi futuram per ignem : sed, tanquam pueræ non perfectæ, neque sciebant quod, Sodomitis igne vastatis, multum spatum integrum remaneret; et suspicatae sunt tale aliquid factum, quale in temporibus Noe audierant, et ad reparandum genus humanum superstites se esse cum patre. Et quamvis grande crimen concubitus patris, gravior videbatur impietas, si servata castitate spem posteritatis delerent. Ideo consilium ineunt, et patris mœstiam vel rigorem vino molliunt, et singulis singulæ noctibus suscipiunt ab ignorantia conceptum, nec repetunt.

VERS. 33-35. — « Dederunt, » etc. (ISID.) Lot in hoc loco legem significat, quia quidam ex illa procreati, et sub illa positi, male intelligendo quodammodo se inebriant; eamque non legitime utendo, infidelitatis opera pariunt. **B**Bona est enim lex, si quis ea legitime utatur.

VERS. 36. — « Conceperunt ergo, » etc. (HIER.) Moab (מוֹאָב) interpretatur *ex patre*, et totum nomen etymologiam habet. Ammon vero, cuius quasi causa nominis redditur, *filius generis mei*, sive, ut melius est in Hebræo, *benammi* (בְּנַעֲמִים), id est *filius populi mei*, sic derivatur, ut ex parte sensus nominis, ex parte ipse sit sermo. Ammon enim, a quo Ammonitæ, vocatur *populus meus*.

Vers. 37, 38. — « Vocavit nomen ejus Moab, » etc. (THEOD.) Videtur hæc impudentior, quæ suum incestum ad posteros quoque transmittere voluit. Moab enim *de patre* significat: altera verecundior, quæ filio nomen indidit, Benammi, id est *filius populi mei*.

CAPUT XX.

Vers. 1. — « Profectus inde, » etc. Cades, *sons judicii*; Sur, *angustia*; quibus figuratur patientia.

Vers. 2-6. — « Dixitque de Sara, » etc. (AUG.) Quæsi solet quomodo in illa ætate Abraham pro Saræ pulchritudine periclitari timuerit: sed formæ illius vis miranda est, quæ adhuc amari poterat.

« Dixitque de Sara, » etc. (ISID., in Gen., tom. VI.) Tacuit uxorem, dixit sororem, ne ipse occideretur, et illa captiva ab alienigenis possideretur, certus quod a Deo inviolata servaretur, sicut apud Pharaonem, etc., usque ad « Nolite vocare patrem super terram, unus est enim Pater vester qui in cœli est. »

« Dixitque, » etc. (AUG.) Quod dicitur Abimelech pro Saræ, « Et pepercisti tibi ne peccares in me, » advertendum est Deum fecisse, quando admonuit uxorem esse Abrahæ, quam putabat sororem. Et notandum quod in Deum peccatur, cum talia committuntur quæ putant homines vel non esse peccata, vel levia haberet tanquam in carne peccata.

Vers. 7-11. — « Orabit pro te, » etc. (CHYRSOST., hom. 45 in Gen.) Scias autem quod illius preces tibi vitam præbebunt.

Vers. 12. — « Alias autem, » etc. (HIERON.) Quo-

Aniam in Hebræo habetur *vegam* (וְגָם), id est, etiam vere « soror mea est, filia patris mei, sed non filia matris meæ, » et sonat magis quod soror Abrahæ fuerit. In excusationem dicimus nondum tales nuptias lege prohibitas.

« Filia patris. » Alia translatio, aperius, « a patre, et non ex matre; » erat enim filia Aran fratri Abrahæ, soror Lot.

Vers. 13. — « Postquam autem eduxit me Deus de domo patris mei, dixi ad eam, » etc. Postquam sermo Dei repulsus est a Judæa, omnes fideles sunt Christi fratres et sorores; unde Matth. xii: « Quicunque fecerit voluntatem Patris mei, qui in cœlis est, ipse frater meus, et soror, et mater. »

Vers. 14. — « Tulit igitur. » Allegorice Abraham significat Christum, Sara Ecclesiam. Abraham honoratur propter Saræ pulchritudinem, et Christus propter Ecclesiam; unde psal. LXVII: « Mirabilis Deus in sanctis suis. » Habet Saræ virum, sed latebat; habet Ecclesia Christum qui in sæculo non videtur, in cœlo receptus.

Vers. 15. — « Ubiunque tibi, » etc. Qui aliquando terrore principum credere distulerant, eisdem jubentibus ad Ecclesiam, quæ Christi soror et uxor est, sese contulerunt, et per omnes mundi partes gloriam Christi et Ecclesiæ dilataverunt.

Vers. 16. — « Mille argenteos, » etc. Quasi jocando loquitur: quia illa dixit fratrem suum esse qui maritus erat, et hortatur ut in posterum hoc meminerit, ne deinceps simile impropterum deprehensa incurrat. Mille argentei dantur Christo, cum eloquentes doctores mundi de gentili conversatione ad fidem Christi tenendam et prædicandam assumuntur. Millenarius enim ex denario quadratus, stabilem et solidam designat evangelicæ prædicationis doctrinam.

Vers. 17. — « Orante autem. » Orante Filio Patrem, sanatur infecunditas mundanorum, et principum, et subditorum populorum.

CAPUT XXI.

Vers. 1-3. — « Visitavit autem Deus Saram, » etc. Circumcisionis figura multiformis est. Signaculum enim est secundum Apostolum justitiae fidei, Abrahæ et semini ejus, et judicium castigandi eos qui ad hoc semen et fidem pertinerent; et prophetia nascitur de hoc semine Salvatoris, qui nos in præsenti per baptismum ab omni peccato mundaret, et in futuro post resurrectionem ab omni mortis corruptione liberaret. Octonarius autem resurrectionis gloriae convenit: Dominus enim octavo die, id est post septimam sabbati resurrexit; et nos post sex ætates hujus sæculi, et septimam sabbati, id est, quietem animalium, quæ interim in alia vita geritur, quasi octavo tempore resurgemus, ab omnibus carnalibus concupiscentiæ corruptionibus et vitiis (in quibus luxuria maxime regnat) expoliati.

VERS. 4. — « Circumcidit » etc. (STRAB.) Circumcisio cum ob multas causas præcepta sit, specialiter figuram Christi prætendit, qui nos per baptismum veteri homine exiit, et in futuro post resurrectionem circumcidet omnem mortalitatem et corruptionem. Quod autem octavo die circumcisus est Isaac, designatur octava sæculi ætas, quando generaliter resurrectio sanctorum celebrabitur.

VERS. 8. — « Crevit igitur puer, » etc. Crescit, qui ascensiones in corde disponens, ad solidum doctrinæ cibum pervenit. Unde cresce, et manducabis me.

« Crevit, » etc. (AUG.) Nec in die nativitatis, nec in die circumcisionis filii sui, sed in die ablactationis convivium fecit : quia debet magnum esse gaudium spiritualis ætatis, quando talis factus est homo qui pascatur solido cibo, eis simile quibus dicitur 1 Cor. iii : « Lac vobis potum dedi, non escam. »

VERS. 9. — « Cumque vidisset Sara. » etc. (HIER.) Dupliciter hoc exponitur : vel quod idolis ludos fecerit, juxta illud Exod. xxxii : « Sedit populus manducare et bibere, et surrexerunt ludere. » Vel quod adversum Isaac, quasi majoris ætatis loco, sibi primogenita vindicaverit ; quod Sara audiens non tulit.

VERS. 10. — « Ejice ancillam hanc, » etc. (BED., c. 21; ISID., c. 17, in Gen.) Quæritur cur antea Sara voluit de ancilla filium suscipere, aut cur cum matre eum nunc jubet expelli ? Quod non facit zelo accensa, sed prophetie mysterio compulsa. Agar enim, secundum Apostolum, in servitutem genuit carnalem populum ; Sara vero spiritualem et liberum, qua libertate Christus nos liberavit. Significabatur ergo hoc mysterio, priorem populum in servitute generatum non manere in domo Saræ, id est Ecclesiæ, in æternum, nec esse hæredepm vel consortem Christianorum, nec cum filio nobili, id est populo fidelis, regnum gloriæ possidere.

VERS. 11, 12. — « Dure accepit, » etc. (AUG.) Quæritur quare contristatus sit Abraham, cum hæc propheta fuerit, quam ipse magis quam Sara noscere debuit : sed ex revelatione hoc dixit Sara, quod sibi prius fuerat revelatum. Ille vero paterno affectu commotus est, cui Dominus postea revelavit. Vel forte ambo prius nescierunt quid esset, et per Sarah nescientem prophetizatum est cum mulierbri animo mota est propter ancillæ superbiam.

VERS. 13. — « Quia semen tuum. » (AUG.) Nostandum quod et Ismael a Deo semen Abrahæ dictus est, quod Apostolus ait Rom. ix : « Non filii carnis, sed filii promissionis æstimabuntur in semine. » Sed hoc proprie ad Isaac pertinet, qui non filius carnis, sed promissionis, et semen spirituale ex promissione est, non ex carne.

VERS. 14. — « Tollens panem. » etc. (ALC. EX BEDA, c. 21.) Cum ergo Abraham ejiceret Agar, tollens panem, ideo humeris imposuit, etc. usque ad

A quia quidam de populo sub umbra ligui crucis refugium petituri sunt.

« Sumpsit panem et utrem aquæ. » (AUG. Q. in Gen. tom. III.) Quæritur quomodo imposuit in humeris puerum tam grandem ? Nam qui fuerat antequam esset natus Isaac, tredecim annorum circumcisus, cum esset Abraham nonaginta novem, et natus sit Isaac centenario patre ; ludebat autem Ismael cum Isaac quando Sara commota est, utique cum puero grandiusculo, qui jam fuerat ablactatus ; profecto plus quam sedecim annorum fuit quando cum matre expulsus est. Sed ut hoc quod cum parvulo lusit, per recapitulationem dictum accipiamus, antequam ablactaretur Isaac ; etiam sic amplius quam tredecim annorum puer humeris matris non potuit imponi ; sed subaudiendum est, dedit puerum suum, etc.

« Imposuit scapulæ ejus. » (HIGA. in Q. Hebr.) Quando Isaac natus est, tredecim annorum erat Ismael, et post ablactationem ejus cum matre expellitur. Apud Hebreos varia opinio est, aliis asserentibus quinto anno ablactationis tempus ejus statutum, aliis duodecimo. Nos igitur, ut breviorem eligamus ætatem, post decem et octo annos suppudamus Ismaelem ejectum cum matre, nec convenire jam adolescentem matris sedisse cervicibus. Verum est autem illud Hebreæ linguae idioma, quod omnis filius ad comparationem parentum infans vocetur et parvulus. Romæ quoque usque hodie omnes filii infantes vocantur.

VERS. 15-21. — « Abjecit puerum. » etc. (HIER.) C Quod sequitur : « Et proiecit puerum subter unam abietem, et abiens sedit contra longe quasi iactus sagittæ. » Dixit enim : Non video mortem parvuli mei, et sedit contra eum ; et statim jungitur. Exclamatque puer et flevit ; et audivit Dominus vocem pueri de cœlo, ubi erat, et dixit angelus ad Agar : Nullum moveat. In Hebreo enim prius hoc scriptum est : « Non video mortem pueri mei. » Ita consequenter legitur, quod Agar sederit contra puerum, et levaverit vocem, et fleverit, et exaudierit Deus vocem parvuli. Flente enim matre et mortem filii præstolante, Deus exaudivit puerum, quem pollicitus erat futurum in gentem magnam. Mater enim non suam mortem, sed filii deplorat.

(AUG. Q. in Gen., tom. III.) Quæ tur quomodo mater, etc., usque ad sicut sepe faciunt cujuslibet ætatis ambulantes.

VERS. 17. — « Exaudivit autem. » (BED. et ISID. ubi supra.) Puer exclamat plorans, et Deus exaudivit ; et monstrante angelo, illa fontem aspicit, et pro illis dicitur qui ad Christum convertuntur, et deflentes peccata exaudiuntur, apertis oculis cordis vident fontem aquæ, id est, Christum, qui ait Joan. vii : « Qui sitit, veniat ad me et bibat. » Angelus Eliam significat, per quem populus crediturus est. Unde Malach. iv : « Ecce ego mittam vobis Eliam, qui convertat corda patrum in filios. »

« Angelus Domini. » (ISID.) Quod eum qui loquitur ad Agar, prius angelum, postea Dominum Scriptum

ptura pronuntiat, Filium Dei fuisse credendum est, qui per legem et prophetas locutus est, qui per obedientiam paternæ voluntatis angelus vocatur, secundum naturam Deus.

VERS. 22. — « Eodem tempore. » (AUG. ubi supra.) Quæsi potest quando cum Abimelech pactum fecit Abraham, etc., usque ad quem illa nesciret.

VERS. 23-30. — « Jura ergo, » etc. Sæpe qui foris sunt, fidelium conversatione inducti eisdem desiderant sociari, et eorum exemplis ad melius informari, ut et sibi consulant et proximorum soluti.

VERS. 31, 32. — « Idcirco vocatus est, » etc. Duplex causa est cur appellatus sit in Hebreo Bersabee: vel quia septem agnas accepit Abimelech de manu Abrahæ. Septem enim dicuntur *sabee*, vel quia ibi juraverunt, *sabaa y-w* enim significat *juramentum*. Si autem hanc causam supra hoc nonen legimus, per prolepsim dictum est; sicut Bethel, et Galgala, quæ, antequam haberent hæc vocabula, aliter vocabantur. Notandum ex prioribus et presenti loco quod Isaac non sit natus ad querum Mambre. (Alon Hebraice גָּלְן, Latine *querca*) ut in Hebreo habetur, sed in Geraris, ubi Bersabee usque hodie oppidum est, quæ provincia ante non grande tempus ex divisione præsidum Palæstinæ *Salutoris* dicta est. Unde habitavit Abraham in terra Palæstinorum diebus multis.

VERS. 33, 34. — « Abraham vero, » etc. (AUG.) Abraham (sicut Stephanus dicit) non acceperat hereditatem ibi, nec spatium pedis. Sed intelligenda est hereditas, quam Deus gratis datus erat, non pretio empta. Intelligitur autem spatium circa pteum ad illud emptionis spatium quo fuerant septem agnæ datæ, quando Abimelech et Abraham sibi juraverunt.

CAPUT XXII.

VERS. 1. — « Quæ postquam, » etc. (AUG., Quæst. in Gen., tom. III.) Jacobus dicit quod neminem tentat Deus; sed usualiter, tentare, pro eo quod est probare, dicimus. Jacobus autem dicit de ea tentatione, qua quisque peccato [Al., peccator] implicatur. Unde I Thess. 1: « Ne forte tentaverit vos is qui tentat. » Alibi enim scriptum est Deut. xii: « Tentat vos Deus vester, ut sciat si diligatis eum, id est, vos scire faciat. » Vires enim dilectionis suæ homo ignorat, nisi experimento cognoscat.

VERS. 2. — « Tolle filium, » etc. (ALC. in Gen., tom. I.) Non statim jussus est Abraham filium occidere, sed triduo ad immolandum ducere, ut longitudine temporis tentatio augeretur. Per triduum enim, crescentibus curis, paterna viscera cruciantur, et prolixo spatio pater filium intuetur, cibum cum eo sumit, tot noctibus pendet puer in amplexu patris, cubat in gremio, et per singula momenta in paterno affectu dolor occidendi filii cumulatur.

« Quem diligis, » etc. (BEDA in Gen., c. 22.) De charitatis admonitione et nominis recordatione tentatio-

A cumulatur, et paternus affectus movetur in memoria promissionis, quia dictum est: « In Isaac vocabitur tibi semen, » tanquam si ille occideretur, tota spes promissionis frustraretur.

« Vade in terram. » (HIER. Q. Hebr., tom. III.) Aliut Hebrei huic montem esse in quo postea templum ædificatum est in area ornæ Jebusæ. Unde II, Par. iii: « Cœperunt ædificare templum mense secundo, secunda die mensis, in monte Moria, » qui idcirco illuminans interpretatur et *lucens*, quia ibi est *debir* (דָבֵר), id est oraculum Dei, et spiritus qui homines docet veritatem et prophetias inspirat.

VERS. 3. — « Asinum tuum ducens, » etc. (ISID. in Gen., c. 18.) Asinus insensatam stultitiam Judæorum significat, quæ portabat omnia sacramenta et nesciebat.

VERS. 4. — « Die autem tertio. » (HIER. ubi supra.) Notandum quia de Geraris usque ad montem Moria, id est sedem templi, iter trium dierum sit: et Abraham illuc die tertio pervenisse dicitur. Male ergo putant Abraham illo tempore habitasse apud querum Mambre, cum ad montem Moria vix unius diei plenum iter sit. Triduum quo venerunt ad locum sacrificii, tres tætates significat, ante legem, ab Abraham usque ad Mosen; sub lege, a Mose usque ad Joannem; inde usque ad Dominum; et quidquid restat, tertius dies est gratiæ, in qua tertia tætate sacrificium completum est Christi.

VERS. 5-8. — « Exspectate hic, » etc. (ISID. ubi supra.) Audi Apostolum: « Cæcitas ex parte contingit in Israel, » hoc est « cum asino, » ut « plenitudo gentium intraret, » hoc est, « postquam adoraverimus. » Ubi sacrificium crucis per gentes fuerit prædicatum, hoc est, « ubi plenitudo gentium intraverit, revertetur ad vos, » hoc est, « et sic omnis Israel salvus fiet. » Duo servi dimissi, nec perducti ad locum sacrificii, Judæi sunt qui, serviliter viventes et carnaliter sapientes, non intellexerunt humilitatem et passionem Christi. Duo quidem, quia in duas partes dividendi, quod factum est peccante Salomone, quando divisus est populus loco regni, non errore impietas, quibus dicitur Jer. xi: « adversatrix Israel, et prævaricatrix Juda. »

« Ego et puer, » etc. (ALC.) Indubitanti animo mactare filium volebat. Laudandus in constantia offerendi et in fide suscitandi. Sciebat enim certissime Deum fallere non posse, et licet puer occideretur, promissionem tamen Dei salvam permanere. Unde Apostolus Hebr. xi: « Fide Abraham non habuit, cum unicum offerret, in quo acceperat re-promissionem, credens quia et a mortuis potens est suscitare Deus. »

« Dicit Abraham. » (ISID. ubi supra.) Abraham, unicum filium ducens ad immolandum, Deum Patrem significat. Abraham senex filium suscepit, Deus autem non senescit, sed promissio de Christo quodammodo senuerat, quando natus est. Inchoavit ab Adam, quando dictum est: « Erunt duo in carne unum, » (Gen. iii); et completa est sexta tætate sæculi.

Senectus Saræ in plebe Dei, hoc est, in multitudine prophetarum, hoc idem significat quia in fine temporum ex plebe sanctorum animarum natus est Christus. Sterilitas ejus significat quod in hoc seculo spe salvi facti sumus, et in Christo, tanquam in Isaac, omnes nati sumus, quem partum Ecclesiæ [Al., Ecclesia] in fine temporum non natura, sed gratia procreavit. Abraham ergo Deum Patrem significat, Isaac Christum. Sicut enim Abraham unicum et dilectum filium victimam Deo obtulit, sic Deus Pater unigenitum Filium pro nobis tradidit. Et sicut Isaac ligna portabat, quibus imponendus erat, sic Christus crucem, in qua figendus erat.

Vers. 9-11. — « Cumque alligasset, » etc. (Isid. ubi supra.) Isaac ligatis pedibus altari superponitur, et Christus cruci affigitur. Sed quod figuratum est per Isaac, translatum est ad arietem, quia Christus ovis. Ipse enim filius, quia natus; aries, quia immolatus. In vepribus hæret aries, crux cornua habet. Si enim duo ligna compingantur, crucis species redditur. Unde Habac. iii: « Cornua in manibus ejus. » Cornibus ergo hærens aries, Christus crucifixus est. Vepres autem spinæ: spinæ iniquæ, quæ Dominum suspenderunt. Inter spinas enim peccatorum suspensus est. Unde Jer.: « Spinis peccatorum suorum circumdedit me populus hic (Jer. xxxviii.). » Alii hunc arietem in vepribus ligatum, Christum ante immolationem spinis coronatum intelligunt.

Vers. 12. — « Non pepercis, » etc. (Aug. ubi supra.) Nunquid non pepercit Abraham filio suo propter angelum? Sed in angelo figuratus est Dominus, qui Deus est et magni consili angelus. Erat enim in angelo Deus, et ex ejus persona loquebatur. Hoc magis in sequentibus apparebit, cum dicitur: « Et vocavit angelus Domini Abraham secundo de cœlo, dicens: Per memetipsum juravi, dicit Dominus. » Non enim facile invenitur Christum Patrem dicere tanquam Dominum, præsertim ante incarnationem. Nam secundum carnem hoc congrue dicitur, secundum quam in psalmo 11 dicitur: « Dominus dixit ad me, » etc. Quod autem dictum est ibidem, c. 9: « Dicit Dominus Domino meo, » etc., ad prophetam hoc resertur qui loquitur; sicut illud: « Pluit Dominus a Domino, » id est, Dominus noster, scilicet Filius, a Domino nostro, Patre scilicet.

Vers. 13. — « Arietem. » (ALC.) *Historice.* Aries qui pro Isaac immolatus est, non putavimus, sed verus est. Ideo magis putatur angelum eum aliunde attulisse, quam ibi de terra post sex dierum opera Dominum procreasse.

« Arietem inter vepres, » etc. (HIER. in Quest. Hebr.) Aquila veprem vel spinetum, posuit, etc., usque ad quod ita Hebraice dicitur.

Vers. 14-19. — « Appellavitque nomen, » etc. (HIER. ubi supra.) Pro eo quod hic habetur, etc., usque ad per incarnationem scilicet.

Vers. 20-24. — « Melcha. » (HIER. ubi supra.) De Melcha uxore Nachor, etc., usque ad et in ipso nomine legitur in Isaia.

CAPUT XXIII.

Vers. 4-6. — « Vixit autem Saræ, » etc. « Et mortua est in civitate Arbee, » etc. (HIER. in Quest. Hebr.) Quæ est in valle: hoc in authentico libro habetur, etc., usque ad sicut in libro Josue aperte demonstratur.

Vers. 7-15. — « Surrexit Abraham, » etc. (Aug. in Quest. in Gen.) Quaritur quomodo Abraham adoravit populum terræ, etc., usque ad et id est adorator corrigendus erat.

Vers. 16. — « Quod cum audisset, » etc. (HIER., de locis Hebr.) In Hebræo, sicut posuimus, etc., usque ad cum etiam reprehendatur; qui invitus acciperit.

Vers. 17-20. — « Confirmatusque est ager, » etc. (GREG., lib. vi Moral., c. 25.) Invenit sepulcrum duplex, etc., usque ad vel propter operationis instantiam contemplanda postponit.

Spelunca. « Et circa eam ager atbrosus ad sepeliendam Saram quadringentis scilicet argenti per patriarcham a dominis terræ emitut: quia ad vacandum sapientia et studendum actioni, sub solis mysticorum verborum, tanquam sub fructuosis arboribus, non aliter prædictoribus quietus locus acquiritur, nisi per evangelicam doctrinam, argenti nitore fulgentem, terrenis potestatis ab ipsis æterna beatitudo suadeatur. Quæ bene centenario quater ducto figuratur, quia a lava in dextram transfertur.

C

CAPUT XXIV.

Vers. 1, 2. — « Erat autem Abraham senex.... » Dixitque ad servum seniorem: Pone manum, » etc. (GREG.) Manum sub femore jubet ponere, et per Deum cœli jurare, quia illius caro per illud membrum descensura erat, qui filius Abraham esset ex humanitate, et divinus ex divinitate; quasi dicit: Tange Filium meum, et jura per Deum meum. Verumtamen non super femur, sed sub femore manum ponere jubet, quia inde descensurus erat, qui homo, sed super homines esset; unde dignum non fuit ut manum super femur poneret, quia nulla caro super illam est.

D**V**ers. 3-8. — « Ut non accipias. » (GREG.) *Allegorice.* Isaac de filiabus Chananæorū uxori prohibetur, quia Christo nullæ reproborum animæ conjunguntur. De cognatione uxori duci præcipitur, quia sola electorum Ecclesia Christo copulanda erat, quam ipse Unigenitus ex prædestinatione et præscientia jam extraneam non habebat. Puer qui ad uxorem deducendam mittitur, prophetarum et apostolorum, omniumque doctorum ordo est; qui dum verbum prædicationis faciunt, cujusque animæ quasi conjungendæ unigenito Filio provisores flunt.

Vers. 9. — « Posuit ergo, » etc. (HIER. in Quest. Hebr.) Tradunt Hebrei quia in sanctificatione ejus, etc., usque ad et pondus tribulationis fortiter ferant, quod camelii significant.

Vers. 10. — « Ex omnibus bonis ejus, » etc. (GREG.)

Quia his quæ de Domino loquuntur, in semetipsis virtutum divitias ostendunt, ut tanto citius ad sequendum Deum invitent, quanto suis auditoribus in seipsis monstrant quæ narrant.

VERS. 11-13. — « Juxta pntum. » (GREG.) Juxta fontem stetit, et ex prælia sententia, quæ esset eligenda proposuit, quæ sancti prædicatores verba fluentia considerant. Unde colligunt quæ vel quibus auditoribus fiduciam certitudinis assumant.

VERS. 14-16. — « Igitur puella, » etc. (AVG., Q. in Gen.) Quærendum est quid differant illicite auguraciones a petitione hac, etc., usque ad quo tentare Deum prohibetur.

« Inclina hydriam tuam. » Humilitas sœcularem facundiam ad hauriendum propheticum sermōnem, ut voluntatem tuam persuasioni meæ inclinem.

VERS. 17-21. — « Occurratque ei servus; et ait : « Pauxillūm, » etc. (GREG.) Allegorice. Omnis prædicator animam auditoris sitit; ideo servus petit, Rebecca potum tribuit: quia electorum Ecclesia desiderio prædicatorum ex virtute suæ fidei satisfacit. Quæ enim Deum, quem audit, constet, prædicatori aquam refectionis et refrigerii offert. Et notandum quod hydriam ab humero inclinans posuit, quia illa confessio placida est quæ a bono opere procedit. Vel aquam præbuit, quia in eo quod credidit, vacua non remansit. Mox enim prædicavit quod audivit, et dicendo multos ex se prædicatores protulit. Aqua enim in hydria, scientia prædicationis in mensura. Studet enim non plus sapere quam oportet sapere. Hydria in ulna, thensura prædicationis in operc. Nec solum omnibus comitibus ejus, sed et camelis potum præbet, quia verbum vita non solum prudentibus, sed etiam stultis prædicator. Rom. i: « Sapientibus et insipientibus debitor sum: » Vel aqua etiam jumentis datur, cum cura carnis quomodo sit habenda disponitur, pt ex voluptate non impendatur, et ex necessitate non negetur; unde Rom. xiii: « Carnis curam ne feceritis in desideriis; » et Ephes. v: « Nemo enim unquam carnem statim odio habuit. »

VERS. 22-24. — « Prætolit vir, » etc. (HIER.) Beka (בָּקָה), quod hic pro didrachmate ponitur, seniuncia est: Schekel vero (שְׁקֵל), qui Latine, sed corrupte, sicca dictur, uncia. (GREG.) Quia prædicto: auditum Ecclesiae per obedientiam, et manus per operationem exornat. Inaures duorum siclorum sunt, armilla decem; quia prima virtus obedientiae in charitate est, quæ dilectio Dei et proximi est; et bonus opus decalogi completione perficitur, ut cum bona agi cesperint, mala nulla agantur.

VERS. 25-28. — « Paleatum quoque. » Quia Ecclesia recipiens spiritualia, reddit prædicatoibus terrena stipendia; unde I Cor. ix: « Si vobis spiritualia seminavimus, magna est si nos carnalia vestra metamus. »

« Locus spatiuosus. » A priore populo naturæ legem se Ecclesia novisse monstravit, et prædicationem anuplo charitatis gremio suscepit: doctori enim spa-

tiosa mansio est, in corde auditoris latitudo charitatis; unde secundæ Corinth. sexto: « Non angustiamini in nobis, sed in visceribus vestris; » quasi suscipienda doctrina locum mentis dilata, ad cogitanda carnalia coactate.

VERS. 29-32. — « Habebat, » etc. Quia carnales fidelibus conjuncti, dum spiritualia dona conspiciunt, admiratione suspensi, si non usque ad operæ, tamen usque ad idem suscipiendam prædicationem admittunt: dum enim bonis miraculis fulgere considerant, quæ de æternitate audiunt non recusat, quamvis Ecclesiam moribus non sequentes, in carnali operatione remaneant.

« Habebat autem. » Quia sunt carnales fidelibus conjuncti, quorū familiaritate aliquando ad audiendum verbum prodeunt, et videntes dona Dei collata fidelibus mirantur, et verbum corde percipiunt, quod bonis moribus implere non satagunt.

VERS. 33-36. — « Non comedam. » Quia sunt qui doctores ex temporalibus stipendiis retinere parati sunt: sed illi nisi prius obtineant æterna, recipere nolunt. Si enim in animabus fructum non inveniunt, sumere stipendia corporibus contemnunt; pedes non lavant, quia labors desideria nulla consolatione relevant.

VERS. 37-41. — « Et adjuravit, » etc. (AVG. ubi supra.) Sententia est eadem, verba non omnia, vel ipsa, vel ita dicta sunt; quod propter eos dicendum, qui evangelistas calumniantur quod in aliquibus verbis non omnino convenient, cum res et sententia eadem; hunc enim librum unus scripsit, qui ea quæ supra dixit, cum mandaret Abram; vel reliqua ponere posuit, si ad rem pertinere judicaret: cuius veritas narrationis non exigit, nisi ut rerum sententiarumque veritas sit, qñibas voluntas (propter quam int̄mandam verba sunt) satis appareat.

VERS. 42-52. — « Veni ergo hodie, » etc. (HIERON.) In Hebreæ scriptum est, etc., usque ad ostendant igitur Iudei atque posuit alia, ubi adolescentiam et non virginem sonet.

VERS. 53-58. — « Prolatisque, » etc. (GREG. ubi supra.) Postquam conjugii causam puer obtinuit, etc., usque ad « Dedit ea Rebecca. » Rebecca non ornata auro Bathuelis, quia non sunt digna ornamenta barbari et imperiti. De domo Abrahæ accipit ornamenta, quia patientia de domo sapientiae erat; a pueru Abrahæ suscipit inaures, id est, aurea in auribus verba; et brachilia, id est, aurea in manibus opera, et alia ornamenta; qñibus figurantur diversa virtutum genera.

VERS. 59-60. — « Et nutricem Hlius. » Honestum erat ut ad noptias absque parentibus virgo proficiens, nutricis solatio soveretur.

VERS. 61. — « Igitur Rebecca, » etc. (GREG.) Quia Ecclesia habet secum minoris meriti animas, quæ ipsam moribus sequuntur: sed ad contemplationis thorum non provèhuntur. Pueros quoque quosdam habuit in comitatu, quia cum prophetis fuerunt qui bene viverent, etiæ prophetæ spiritum non haberent:

et cum apostolis et doctoribus, qui vitam eorum tenerent, et tamen non prædicarent.

« Qui festinus, » etc. Festinus puer ad dominum redit, quia prædicatores cum auditorum vitam obtinunt, Deo, de cuius munere hoc habent, non sibi præbent.

VERS. 62. — « Eo tempore Isaac, » etc. (GREG. ubi supra.) Vivens et videns Dominus est, etc., usque ad modo spineam coronam, modo crucem sustinuit.

« Habitabat, » etc. (PATERIUS in Gen. ex dictis Greg.) Isaac, Rebecca veniente, habitabat in terra australi, quia Christus, veniente ad se Ecclesia, in illorum mentibus mansit quos non corporis frigus, sed fervor charitatis tenuit: qualis erat Anna, Simeon, et aliqui de populo Judæorum.

VERS. 63. — « Et egressus fuerat, » etc. (HIER.) Per terram australem, Geraram significat, unde ad immolandum adductus fuerat. Egressus est, ut exerceretur in campo. In Hebreo legitur: « Egressus est Isaac, ut loqueretur in agrum, inclinata jam vespera; » ubi significatur quod Dominus solus orabat in monte, et Isaac, qui typus Domini fuit, ad orationem quasi virum justum a domo egressum nona hora, vel ante solis occasum, spirituales victimas Deo obtulisse.

(GREG. ubi supra.) Ager mundus est, quo Christus egressus est, quia visibiliter apparere dignatus est.

Unde Habac. iii: « Egressus es in salutem populi tui. » Isaac ad meditandum in agro exiit, quia Christus formam humilitatis præbens, exercitium longanimitatis, passionis, et patientiae exempla monstravit, sicut solent juvenes exercitati armorum usu meditari. Armorum meditatio est passionis frequentatio. Qui enim verbera, sputa, lanceam crucemque pertulit, passionem usque ad mortem in se frequentari permisit. Passiones arma dicimus, quia per ipsas ab adversariis liberamur; unde Luc. xxi: « In patientia vestra possidebitis animas vestras. »

« Inclinata, » etc. Quia passionum exercitia iuxta finem mundi suscepit; unde psal. cxl: « Elevatio manuum mearum sacrificium vespertinum. »

VERS. 64. — « Descendit de camelio, » etc. (GREG. lib. 1, Moral., c. 14.) Rebecca ad Isaac in camelio deducitur, etc., usque ad super tortuosa camelorum dora divitias portant.

VERS. 65, 66. — « Quis est ille homo, » etc. (GREG. apud Paterium.) Rebecca viso Isaac, quis sit, requisito puer, cognoscit: quia Ecclesia per prophetarum et apostolorum dicta, quid de Christo credere debeat, intelligit. Quæ sé mox pallio cooperuit, quia quanto Christi mysteria penetrat, tanto de antea vita confunditur. Unde infirmitatem suam pallio operire nititur; et quæ prius in camelio libere gestatur, descendens verecundia tegitur, cui quasi verecundius dicitur: Quem enim fructum habuisti tunc in illis in quibus nunc erubescis?

« At illa, » etc. (HIERON.) Alia editio, « terstrum, » quod etiam nunc genus est Arabici vestimenti quo mulieres provinciae illius velantur.

A VERS. 67. — « Qui introduxit eam, » etc. (GREG. ut supra.) Hanc Isaac in tabernaculo matris sue introduxit, et uxorem accepit, quia in loco Synagoge, de qua natus est Christus, Ecclesiam diligit: ut quæ cognitione, id est prædestinatione, proxima fuerat, amore conjuncta uxor fiat.

« Et intantum dilexit eam, » etc. (GREG. ut supra.) Quia ex lucro Ecclesiæ Christus tristitiam ex perditione Synagogæ detersit, quia dum Ecclesia ex gentilitate veniens usque ad thorum contemplatoris perducitur, Judæa pro nihilo habetur. Isaac quoque risus, Rebecca vero patientia dicitur: risus vero ex lætitia, patientia ex tribulatione. Et quamvis Ecclesia jam sit cœlestis gaudii contemplatione suspensa, habet tamen in se quod de carnis pondere doleat. Isaac vero et Rebecca junguntur, id est, risus et patientia, secundum illud Rom. xii: « Spe gaudentes, in tribulatione patientes, » ut prospera lætificant de contemplatione, adversa de tribulatione perturbent.

CAPUT XXV.

VERS. 1, 2. — « Abraham vero aliam duxit uxorem, » etc. (ISID.) Allegorice. Mortua Sara duxit Abraham Ceturam. Non propter incontinentiam, quia jam grandævus: nec propter filiorum procreationem, quia illi semen quasi stellæ cœli ex Isaac promissum erat. Sed sicut Agar et Ismael figura- verunt carnales Veteris Testamenti, sic Cetura et filii ejus hæreticos, qui se ad Testamentum Novum existimant pertinere. Sed utraque concubina, sola Sara uxor; unde Cant. vi: « Una est columba mea, » etc.

Allegorice. Post assumptionem Ecclesiæ adhæserunt Christo multæ animæ hæretica pravitate deceptæ, quæ non catholicos, sed schismaticos genuerunt, qui unitatem Ecclesiæ divisorunt: quos significant filii Ceturæ, qui inferius numerantur.

(HIER., in Q. Hebr.) Cetura, Hebraice, copulata, etc., usque ad quanto enim quis est carne fessus, tanto spiritu robustus et sapientiæ complexibus aptus.

VERS. 3, 4. — « Filii Dadan fuerunt Assurim, et Lathusim, et Laonim. At vero ex Madian ortus est Ephæ et Opher et Henoc et Abida. » (HIER.) Assurim in negotiatores transferri putant, etc., usque ad et a plerisque filiis Abrahæ ex Cetura occupatas Indiæ regiones.

VERS. 5-7. — « Deditque Abraham, » etc. (ISID.) Quia dantur munera filiis concubinarum, id est carnarium; sed non perveniant ad regnum promissum hæretici, vel Judæi, quia carnalia lucra sequuntur; solus Isaac est hæres, quia non filii carnis existimantur in semine, sed promissionis.

VERS. 8-11. — « Et deficiens mortuus est in se nocte bona, provectæque ætatis, et plenus dierum, congregatusque est ad populum suum. Et sepelie- crunt eum, » etc. (HIERON.) male in LXX additum est: « Deficiens mortuus est Abraham, » quia non convenit Abrahæ deficere vel minui. Illud quoque

quod posuimus « in senectute bona senex » et pleniū in Græcis codicibus ponitur, « plenus dierum; » quod cum sensu videatur exponere, eo quod luce et diei operibus plenus occubuerit, magis tamen ad anagogen facit, si simpliciter ponatur « plenus. »

(*Glossa Græca.*) Ecce Moses vitam venturi seculi novit, nemo enim his qui non sunt, apponi potest.

Vers. 12. — « Hæ sunt generationes, » etc. Hi populi ante filios Isaac computantur, qui cum sint de semine Abrahæ, non tamen computantur in semine, quia prius est quod animale est, deinde quod spirituale. Unde post computationem carnalium, ponitur genealogia Isaac, de quo facta est promissio, et electorum propaganda successio.

Vers. 13-15. — « Et hæc nomina filiorum ejus in vocabulis et generationibus suis. Primogenitus Ismaelis Nabajoth, deinde Cedar, et Abel, » etc. (*HIERON.*) Duodecim filii nascuntur Ismaeli, primogenitus Nabajoth, a quo omnis regio ab Euphrate usque ad mare Rubrum Nabathea dicitur, quæ pars Arabiæ est. Nam familiæ ipsorum oppida, pagi et tribus, horum appellatione celebrantur. Ab uno ex his, Cedar in deserto, et Duma alia regio, et Thema ad austrum, et Chedma, alias Chethma, ad orientalem plagam dicitur. Quod in extremo capituli juxta LXX legimus, « contra faciem omnium fratrum suorum habitabat, » verius est quod posuimus, « coram omnibus fratribus suis occubuit, » id est, in manibus filiorum suorum mortuus est, superstibus adhuc liberis. Fratres enim filii appellantur; unde Jacob: « Ponatur coram fratribus meis, et fratribus tuis, et dijudicent inter nos. » Non enim credendum est quod Jacob, exceptis liberis suis, aliquos fratres secum habuerit.

Vers. 16, 17. — « Duodecim principes tribuum suarum. Et facti sunt anni vite Ismael, » etc. Duodenarius, sicut sacratus est in apostolis et in apostolicis viris, sic execrabilis est in reprobis contra fidem Trinitatis et Evangelium per quatuor mundi partes dilatatis.

Vers. 18, 19. — « Habitavit autem ab Hevila usque Sur, quæ respicit Aegyptum, » etc. Regio quam circumivit Phison ab Hevila, nepote Noe, sic vocata est, et est solitudo contra faciem Aegypti. Sur quoque est solitudo inter Cades et Barad, extendens desertum usque ad mare Rubrum et Aegypti confinia.

Vers. 20. — « De Mesopotamia sororem Laban, » Regio sterilis, quæ sic Græce vocatur quia media inter duo flumina Tigrim et Euphratem. Nam μέσος medius, τοράρος fluvius dicitur; hinc hippopotamus id est, fluvialis equus.

Vers. 21, 22. — « Deprecatusque... sed collidebantur in utero parvuli, » etc. (*HIER.*) Promotione vel collisione LXX posuerunt, « ludebant, » vel « recalcitrabant: » Aquila, « confligebant filii in utero ejus. » Symmachus, « in similitudine navis in superficie ferebantur. » (*GREG., Dial. 1, 8.*) Quæ san-

A cti orando efficiunt, etc., usque ad is enim, in quo Deus multiplicare semen Abrahæ prædestinaverat, oratione obtinuit ut filios haberet.

« Qui exaudiuit eam. » (*CHRYSOST.*) Ne putes esse vestigio et protinus assecutum esse quod optabat: nam viginti annis mansit orans et deprecans Deum. Nam sicut docuit nos quot annos habuit quando duxit Rebecam (nempe quadraginta), ita assignavit nobis quot annorum fuerit Isaac, quando nati sunt ei filii. « Sexagenarius, inquit, erat quando nati sunt parvuli. »

« Perrexitque, » etc., (*AUG., Quest. in Gen.*, tom. III.) Quæritur quo ierit, cum nondum essent prophetae vel sacerdotes tabernaculi aut templi Domini? Forsitan ad locum ubi aram constituit Abraham. Sed quomodo ibi responsa darentur, facit Scriptura; an per aliquem sacerdotem? quem mirum est, si erat, non fuisse nominatum, et nullam sacerdotum factam mentionem esse. Forsitan ibi, cum orando allegassent desideria sua, dormiebant, ut per somnum monerentur: vel adhuc vivebat Melchisedech, cuius tanta fuit excellentia, ut dubitaretur utrum homo an angelus fuerit. Vel forte etiam illo tempore erant homines Dei, in quibus Deus posset interrogari. Quidquid horum, vel forte aliud fuerit, Rebecca tamen secundum Scripturam Domini interrogavit, et responsum ejus meruit.

Vers. 23. — « Qui respondens ait: Duæ gentes, » etc. (*AUG.*) Historica proprietate responsum invenitur completum, cum propter Israel, id est, Jacob, minor filius superavit Idumeos, id est gentem quam propagavit Esau, eosque per David tributarios fecit; quod diu fuerunt usque ad regem Joram (*IV Reg. viii.*). Tunc enim Idumæi rebellaverunt, et jugum de cervice excusserunt, sicut prophetizavit Isaac, quando minorem pro majore benedixit, et hoc idem dixit majori, cum ipsum postea benedixit.

Vers. 24-26. — « Jam tempus, » etc. (*HIER.*) Ubi nos « pilosum » posuimus, in Hebræo habetur seyr (שֵׁר); unde Esau, sicut alibi legimus, seyr, id est pilosus dictus est.

D « Proutius alter, » etc. (*ISID.*) Hoc figuraliter factum etiam Judæis non creditibus notum est: qualiter populus Ecclesiæ populum Synagogæ superavit, et plebs Judæorum, tempore major, servivit minori populo Christianorum.

(*BED. in hoc cap.*, tom. II.) In singulis quoque hoc dici potest. « Duæ gentes et duo populi, » intra nos, sunt, scilicet vitiorum et virtutum; iste minor, ille major: plures enim sunt mali quam boni, et vitia plura virtutibus. Sed tamen populus populum superat, « et major serviet minori, » caro scilicet spiritui, et virtutibus. Præcedit Esau, rufus, et totus ut pellis hispidus: deinde exit Jacob tenens plantam fratris; prior enim populus, prophetarum et Christi sanguine pollutus, peccati et nequitie squalore circumdatus: cuius minor plantam tenuit, quia majorem populum minor superavit.

Vers. 27, 28. — « Factus est Esau, » etc. (*GREG.*)

Eorum vitam significat, qui exterioribus voluptatis bus fusi carnem sequuntur. Agricola quoque dicit, quia amatores saeculi tanto colunt exteriora quanto interiora sua inculta relinquunt.

C « Simplex. » (Greg.) Quia curis exterioribus spargi refugiant simplices, cogitatione et conscientiae habitatione consistunt. Habitat enim in tabernaculis, qui se intra mentis secreta constringit, ne dum ad multa foris inhiat, a seipso cogitatione alienatus recedat.

Vers. 29, 30. — « Coxit autem Jaenob, » etc. (Hieron.) Rubeum vel fulvum : Hebraice Edom dicitur : ab eo autem quod rubeo cibo Esau primogenita vendidit, fulvi, id est Edom nomen accepit.

Vers. 31, 32. — « Cui dixit Jacob, » etc. (Isid.) Quod Esau primogenita propter escam fratri minori vendidit, et postea paterna benedictione sibi promissa privatus est, Judaicum populum significat : qui in Exodo primogenitus Dei filius appellatur, et propter saeculi lucra non solum primatus sui honorem amisit, sed et coelestis regni praemium preparatum adipisci non meruit. Unde per exprobrationem dicitur Matth. xii : « Auteretur a vobis regnum Dei et dabitur gentibus, » etc. Primogenitura autem vestis erat sacerdotialis, qua induit majorum natum cum benedictione patris victimas Deo, velut pontifices, offerebant : hoc dono, terreni amoris desiderio, caruerunt Judaei, cum gloria futuri regni.

Vers. 33, 34. — « Juravit Esau, » etc. (Greg., lib. xxx, Moral., c. 13.) Sciendum autem quod nos quinque modis gulæ vitium tentat, etc., usque ad et non quæ edendi libido suggerit.

CAPUT XXVI,

Vers. 1-7. — « Orta autem fame super terram, » etc. (AUG., Quæst. in Gen., tom. III.) Quæritur quando hoc factum fuerit, quod Isaac abiit in Gerara, etc., usque ad ut intelligamus temporalia nec dari posse, nec prosperari debere, nisi ab uno Deo.

Vers. 8-11. — « Cumque pertransissent, » etc. (Isid.) A tempore Christi usque ad Constantini tempora non in conventu populorum, sed tanquam per latebras prædicabatur fides, in secreto congregabantur Christiani : tandem videntes Christiani principes saeculi per miracula Christi majestatem contemplatam humanæ infirmitati, ut possint sociari, et esse « duo in carne una, » jam in manifesto Christi et Ecclesiæ sacramentum prædicari permiserunt, et diu fuisse absconditum doluerunt.

« Vedit eum jocantem, » etc. (AUG.) Quid sibi velit, in sacramento Christi et Ecclesiæ, etc., usque ad « ut habitaret in nobis. »

Vers. 12, 13. — « Seminavit autem Isaac in terra illa, » etc. (Hieron.) Licet in aliena terra seminaverit Isaac, non puto quod tanta ei bordei fertilitas fuerit. Unde melius arbitror quod habetur in Hebreo, et quod Aquila transtulit : « Invenit in illo anno centuplum estimatum. » Taceas autem Scriptura genus frugum quod centuplicaverit, videtur

A cunctarum in illo ostendisse virtutum multiplicationem.

Vers. 14-16. — « Ob hec invidentes, » etc. (Isid.) Isaac, Christus, qui primum vult fodere puteos, etc., usque ad « ibimus. »

C Puteos et obstruxerunt, » etc. (Greg.) Mortali- ter. Sæpe cum verbis divinis intendimus, dæmonum insidias gravias toleramus; quæ mehi nostræ terrenarum cogitationum pulvarem aspergunt, ut intentionis oculos a luce intimæ visionis obscurant. Nos enim puteos sodimus, cum Scripturæ alta penetramus, quos occulte Allophyli replent : quia terrenas cogitationes ingerunt et divine scientiæ aquam tollunt, unde psal. cxviii : « Declinate a me, maligni, et scrutabor mandata Domini. »

Vers. 17. — « Et ille dissecdens, » etc. (Hieron.) Et abiit inde Isaac, et venit in Geraram vallim, et habitavit ibi. Pro valle, torrentem habent in Hebreo. Nunquam enim Isaac, postquam magnus factus est, habitare potuit in valle, sed in torrente. De quo scriptum est psal. cix : « De torrente in via bibet. » De quo Elias in tempore famis bibit ; sed quia non erat perfectus ut Christus, torrens ei aruit. Christus vero etiam in torrente traditus est, dedicans regenerationem nostram et baptizans sacramentum.

Vers. 18, 19. — « Fodit alio-puteos, » etc. (Isid. ex Greg.) Isaac apud alienigenam gentem puteos fodit : in quo monemur ut in hac peregrinatione cogitationum profunda penetremus, et quoque veræ intelligentiæ aqua redeat, inquisitionis manus ad exhaustiæ cordis terrena non torpescat. Allophyli insidiantes putos replent, quia immundi spiritus, cum nos studiose fodere conspiciunt, molestias tentationum cogitationibus ingerunt.

Vers. 20, 21. — « Adversus pastores, » etc. (Hieron.) Aquila et Symmachus, « adversum et contrarium, » transtulerunt, sed in Hebreo habetur « Satana ; » unde patet Satanam contrarium interpretari.

Vers. 22-25. — « Latitudo. » In Hebreo Rehobot (רְחֹבוֹת), latitudines. Unde probatur illud quod supra cap. x dictum est : « Ipse adiscivit Niniven » et rabooth, id est, plateas ejus.

D « Nunc dilatavit, » etc. Dilatatus est Isaac, et rclevit omnem terram scientia Trinitatis : et in toto orbe latitudinem Ecclesiæ collœavit, prius tamen in Iudea notus, et in Israel nominatus : postea « in omnem terram exiit sonus eorum (Psal. xviii), » id est apostolorum, qui per universum orbem solebant putoeos, et aqua omnibus ostenderunt baptizantes omnes gentes in nomine Patris, et Filii et Spiritus sancti (Matth. xviii). » Putoeos Abraham, quos aperuit, sic vocavit sicut pater ejus : Moses enim et prophetæ apud nos suis nominibus appellantur, nec horum mutantur vocabula putoeorum.

Vers. 26-31. — « Ad quem locum, » etc. (Hieron.) Abimelech non semper pacem habet cum Isaac, etc., usque ad et alia plura sunt in quibus nobiscum philosophi dissident, vel concordant.

Pro « Ochozath, » pronubo, in Hebræo habetur A « collegium amicorum ejus, » ut tam hominem significet quam amicorum turbam, quæ cum rege venerat : in quibus fuit Phicol, princeps exercitus illius.

« Abimelech, et Ochozath, » etc. (Isid. in Gen., tom. V.) Duo cum Abimelech venerunt : Ochozath, gener ejus, etc., usque ad sapientibus et insipientibus debitor est.

VERS. 32-35. — « Ecce autem venerunt. » (HIER.) Nescio quomodo in LXX « et venerunt pueri Isaac nuntiantes ei de puteo quem foderunt, et dixerunt ei : Non invenimus aquam. Et vocavit nomen ejus Juramentum. » Quæ enim etymologia est propterea vocari Juramentum, etc., usque ad non congruit ut Isaac aquam non inveniret.

CAPUT XXVII.

VERS. 1, 2. — « Senuit autem Isaac, » etc. (HIPP. mart., ex Hieron., epist. ad Damasum, tom. I.) *Mystice.* Isaac portat imaginem Dei Patris, Rebeccæ Spiritus sancti, Esau populi prioris et zabuli, Jacob Ecclesiae et Christi. Senectus Isaac, consummationem mundi; oculi caligantes periisse fidem de mundo, et religionis lumen neglectum esse, significant. Quia filius major vocatur, acceptio est legis Judæorum. Quia escas ejus et capturam dilexit pater : homines sunt ab errore salvati, quos per doctrinam justus quisque venatur. Sermo Dei, repromotionis benedictio, et spes regni futuri, in quo cum Christo sunt regnaturi, et verum sabbatum celebraturi. Rebeccæ plena Spiritu sancto, sciens quod audisset antequam pareret, quia « major serviet minori : » haec formam gerit Spiritus sancti, quæ quod futurum esse noverat in Christo, ante meditabatur in Jacob, loquitur ad filium minorem. « Vade ad gregem et affer mihi duos hædos optimos ; » præfigurans carneum Salvatoris adventum, in quo eos liberaret qui peccatis tenebantur obnoxii. Hædi enim ubique peccatores significant. Duo afferri jubentur, ut duorum populorum assumptio significetur. Teneri scilicet et humani, docibiles scilicet et innocentis animæ. Stola Esau est fides, id est Scripturæ Hebræorum quæ illis primo datæ sunt quibus populus gentilium postea induitus; pelles circumdatæ brachiis ejus, peccata utriusque populi, quæ Christus in extensione manuum cruci secum affixit ipse enim in corpore suo, non sua, sed aliena peccata portabat.

VERS. 2. — « Vocavitque Esau. » (Isid. in Gen., tom. V.) Esau venator, et agricola Jacob vero simplex habitabat in tabernaculis. Esau populum Hebraicum, Jacob gentilem populum significat. Isaac vero Deum, qui utrumque populum, illum per legem, istum per fidem, sibi filios fecit. Esau agricola erat, quia Judeus pro terrenis Deo serviebat, cui non est dictum, ut esset pauper spiritu, mitis, pacificus, misericors, persecutionem patiens, ut copiosam mercedem haberet in cœlis; sed : « Si

custodieritis mandata mea, dabo vobis pluvias temporibus suis, » etc., quæ pertinent ad carnis delicias. Fuit etiam venator, quia per effusionem sanguinis arietum et vitulorum, et hircorum, Deum placabat. « Jacob simplex habitabat in tabernaculis, » quia electi de gentibus fide et voluntate Deo placere studierunt. Per tabernacula, diversas per orbem Ecclesiæ vel diversos ordines intelligimus

VERS. 3-5. — « Sume arma, » etc. Isaac diligebat Esau, quia de venatione ejus vescebatur. Rebecca diligebat Jacob, Isaac Deum; Rebecca autem præscientiam Dei figurat, quia diligebat Deus populum Judeorum, eo quod assidue eorum oblationibus placabatur. Sed præsciens populum gentium multo meliorem futurum, per præscientiæ suæ gratiam

B amplius diligebat. Esau in venatione morante, ut de agrestibus animalibus cibos patri exhiberet et benediceretur, mater Jacob ad benedictionem percipiendam patri applicuit : quia adhuc Judæi in legalibus morantur, et ad fidem Christi tarde occurrunt, mater gratia gentiles fidem avide suscipientes ad percipiendam benedictionem Judæis debitam obtulit. Qualiter autem benedictionis donum promeruerint, testantur opera Jacob, quæ pro benedictione suscipienda gessit.

VERS. 6-13. « Dixit filio suo Jacob : Audivi patrem tuum loquentem, » etc. *Allegorice.* Per duos hædos confessionem peccatorum gentilis populi et poenitentiam possumus accipere. Hædi optimi, quia confessio peccatorum et poenitentia valde est Deo acceptabilis.

C Unde Luc. xv : « Gaudium erit in cœlo super uno peccatore poenitentiam agente, » etc. *Historice.* Per unum peccatorem populum gentium, per nonaginta novem justos, Judæos intelligit qui sibi videbantur justi in observandia legis. Unde Luc. xvi : « Ut quid justificatis vos coram hominibus, » etc.; qui imperfæcto numero ponuntur, quia nullum ad perfectum adduxit lex.

VERS. 14. — « Paravit illa cibos, » etc. (Isip.) *Mystice.* Per delectabiles escas quæ de hædis præparantur Isaac, intelligimus poenitentia opera, etc., usque ad peccata præterita ante oculos mentis saepe producit.

D VERS. 15-19. — « Et vestibus Esau, » etc. (HIER.) In hoc loco tradunt Hebrei primogenitos funculos officio sacerdotum, et habuisse vestimentum sacerdotale, quo indui victimas offerebant, antequam Aaron in sacerdotium eligeretur.

VERS. 20-24. — « Quomodo, inquit, tam cito inventire potuisti, fili mi? » (HIPPOLYT.) Quærerit Isaac a Jacob cur tam cito venerit, admiratus scilicet velocem credentium fidem. Cibi delectabiles offeruntur, quia hostia Deo placens, salus peccatorum. Quia post esum sequitur benedictio, et ejus odore perficitur, virtutem resurrectionis et regni aperte pronuntiat. « Ecce odor filii mei sicut odor agri pleni. » Hæc est benedictio. Odore nominis Christi, sicut ager, mundus inpletur. Benedictio est de rore cœli, id est pluvia divini verbi; et de pinguedine terræ,

id est congregatione populorum; multitudine frumenti et vini, haec est multitudo, quam colligit de sacramento corporis et sanguinis sui. Illi servunt populi, id est gentiles conversi. Ipsum adorant tribus populi, per circumisionem conversi credentes. Ipse est Dominus fratrum suorum, id est Judaeorum. Ipsum adorant filii matris ejus, quia secundum carnem natus est ex ea: ipsum qui maledixerit, maledicetur; et qui benedixerit, benedicetur. Christus ex ore populi Patrem ignorantis benedicitur, id est, veraciter dicitur, sed a Judaeis alias benediciuntur, qui ab errantibus exspectatur.

Vers. 25, 26. — « Quos cum oblatis comedisset, » etc. *Mystice.* Postquam Isaac cibum sumpsit, Jacob obtulit ei vinum: sic per cibum activae vitae opera designantur; per vinum, quod mentes alienat, contemplativa accipitur, quae ab amore seculi mentes electorum alienas facit. Post cibum et potum. Jacob benedicitur, quia illi benedictionem coelestem a Deo percipiunt qui eum usque in finem bonis operibus placore student.

Vers. 27. — « Benedicens, ait, » etc. (*Grec., hom. 6 in Ezech.*) Alter ad venandum mittitur, etc., usque ad quem major foras exiens reliquit intus.

(*Grec., ibid.*) Isaac, caligantibus oculis, Jacob filium nesciens benedixit; quem ventura erant praevidebat, et qui praesens assisteret, nescivit. Constat enim quia Judaei, qui plene legem didicerunt, adventum Christi cognoverunt. Unde Matth. II, Herodes a principibus sacerdotum inquiret ubi Christus nasceretur; cui protinus responderunt, « In Bethlehem.» Prius ergo noverant quem passionis tempore cum despicerent, ignorabant; quorum notitia prior, et ignorantia posterior, Isaac caligante signatur; qui dum Jacob benediceret, quid in futuro ei eveniret praevidebat, sed quod praesens assisteret nesciebat. Sic Judaeorum populus prophetiae mysteria accepit, sed caecos oculos in contemplatione tenuit, quia praesentem non vidit, de quo multa in futuro praevidit. Ante se enim positum cernere non valuit, cuius adventus potentiam longe ante nuntiavit.

(*Grec., hom. 10 in Ezech., tom. II.*) Isaac filium nescit, quem benedixit, etc., usque ad et quia per quosdam in contemplationem surgit, per quosdam in activae vitae pinguiscit. Sequitur:

Vers. 28, 29. — « Det tibi Deus de rore coeli, » etc. Ros desuper et subtiliter cadit, et toties de rore coeli accipimus, quoties per infusionem contemplationis intimae de supernis aliquid tenuiter videmus. Cum vero bona opera per corpus agimus, de terrae pinguedine ditamur.

« Abundantiam frumenti, » etc. (*Ibid.*) Haec est multitudo quam colligit de sacramento corporis et sanguinis sui.

Vers. 30-32. — « Venit Esau, » etc. Sero Esau ad patrem revertitur, quia prior populus in fine convertetur. Unde psal. LVIII: « Convertentur ad vesperam, et famem patientur ut canes, et circum-

A ibunt civitatem. » Et alibi: « Aperuerunt ora sua, sicut comedens in abscondito. »

Vers. 33-35. « Expavit Isaac. » Benedictionem repromissam repetente majore filio, expavit Isaac, et aliud pro alio se benedixisse cognovit; nec indignatur cognito sacramento, sed confirmabat benedictionem dicens: « Et benedixi eum, et benedictus est. » Haec est prima benedictio Isaac minori populo Christianorum data. Sed nec major filius omnino despectus, quia, cum intraverit plenitudo gentium, tunc omnis Israel salvus erit. Cujus secundae benedictionis propheta est. « In pinguedine terrae, et in rore coeli desuper erit benedictio tua. » In pinguedine terrae, » id est, in secunditate rerum, et potentia regni, quae in illo populo fuit; « et in rore coeli, » eloquiis Dei. Ipsi enim eloquia Dei credita sunt, et legis testamenta. « Vives in gladio: » quia sanguini populus ille deditus, necem in Christo et prophetis exercuit, « Et servies fratri tuo minori, » id est, populo Christiano. « Tempusque veniet, cum excutias et solvas jugum ejus de cervicibus tuis; » cum scilicet per cognitionem fidei et gratiam Christi conversus, deposueris onus legis; quando jam tunc non servies minori, sed per fidem frater vocaberis.

« Expavit Isaac, » etc. Ut quedam mentis alienatio sequeretur, quae extasis dicitur, quae in magnarum rerum revelationibus fieri solet. Unde intelligendum est spiritualiter admonitum esse Isaac, ut confirmaret benedictionem in Jacob, cui potius irascendum fuit, quia patrem fecerit. In Adam quoque extasis processit, antequam diceret: « Erunt duo in carne una (*Gen. II.*), » quod est « magnum sacramentum in Christo et in Ecclesia. »

« Benedixique ei, » etc. (*Alc.*) Si justi viri voluntas bona est, quid est quod Isaac non Esau quem voluit, sed Jacob quem noluit, benedixit? Justi hominis, quantum ad conscientiam, voluntas bona est: Deus vero solus de futuris judicat. Isaac humano more filium maiorem benedicendum putavit: sed Deus, qui occultorum est cognitor, minorem dignum benedictione ostendit, ut non hominis ostenderet esse benedictionem, sed Dei: ideo in Numeris ad Mosen et Aaron sacerdotes dicitur: « Ponite nomen meum super filios Israel. Ego Dominus benedic eos (*Num. VI.*). » Sacerdotis est benedicare, Dei effectum tribuere. Ut autem intellexit Isaac per spiritum prophetiae benedictionem minori destinatam, ait, « Benedixi, et erit benedictus. »

Vers. 36-39. — « Juste vocatum est nomen ejus » Jacob: Supplantavit enim me, » etc. (*Higr.*) Jacob supplantator interpretatur. Ab eo igitur quod fratrem ante deceperit, allusit ad nomen, qui ideo ante Jacob vocatus est, quod in ortu plantam fratris apprehendit.

Vers. 40. — « Et fratri tuo servies, » etc. Quia Idumaei tributari fuerunt Israel, qui Jacob vocatur.

« Tempusque veniet, cum excutias et solvas jugum ejus, » etc. Hoc impletum est quando rebellaverunt

Idumæi ne essent sub Juda. « Tempusque veniet, » etc. Quasi : Judaicus populus a servitute peccati in fine liberabitur, ut cum « plenitudo gentium intraverit, omnis Israel salvus fiet (*Rom. xi.*). »

Vers. 41. — « Dixitque in corde suo. » Cum Scriptura dicat, Esau in corde suo de morte fratris tractasse, quonodo vel a quo sunt hæc nuntiata Rebecca? Sed datur intelligi quod ei divinitus omnia revelabantur. Propter insanabile odium Judæorum, per spiritum consilii præceptum est apostolis ut, relictæ Judæa, transirent ad gentes.

« Venient dies luctus, » etc. Nolebat enim hoc facere vivente patre, ne incurreret odium ejus, et maledicetur ab eo.

(Diod.) Quod autem scriptum est, « dixit Esau in corde suo, » significat Esau mortem fratris non subita ira, sed perfecto mentis consensu exoptasse.

Vers. 42. — « Nuntiata sunt hæc Rebecca, » etc. Hic consequenter ponitur matris obviatio, cum dicatur, « Nuntiata sunt hæc. » Ex quo patet quod Esau prædictam machinationem non sic celavit in corde suo, quin appareret exterius in signis et verbis.

« Quæ mittens et vocans Jacob, » etc. Ut induceret cum ad dandum locum iræ et recedendum ad tempus. Sequitur :

« Cur utroque orbabor filio? » etc. Ac si diceret : Si invadat te, poterit esse quod ambo eritis interfici; vel si unus remaneat, oportebit quod sit fugitus a me.

« Dixit quoque Rebecca, » etc. Quia Jacob non poterat convenienter recedere sine scitu patris, ideo Rebecca convertit se ad inducendum Isaac ut mitret Jacob filium suum ad Laban, ut ibi acciperet uxorem dicens.

« Tædet me, » etc. Id est propter uxores Esau : non autem dixit ipsi Isaac aliam causam, scilicet de machinatione Esau in mortem Jacob, ne in senectute sua nimis affligeretur.

« Si acceperit Jacob uxorem, » etc. Ac si diceret : Si diligis vitam meam, mitte eum ad domum fratris mei, ut ibi accipiat uxorem.

CAPUT XXVIII.

Vers. 4-9. — « Vocavit itaque Isaac, » etc. (Aug., Q. in Gen.) Quod habent Latini codices : « Vade in Mesopotamiam in domum Bathuel, » etc., Græci habent : « Fuge in Mesopotamiam, » etc., ut intelligatur etiam Isaac intellexisse quod Esau de morte fratris cogitavit.

« Profectus vero. » (Isid.) Jacob fugiens dolos fratris, relictæ domo patriæ, et parentibus, vadit in regionem longinquam, ut accipiat uxorem. Similiter Christus, relictis parentibus secundum carnem, id est Judæis, et patria, id est Hierosolyma, et omnibus Judæa regionibus, abiit in gentes, ut acciperet sibi Ecclesiam, secundum illud Osee 11 : « Vocabo non plebem meam, » etc.

Vers. 10. — « Igitur egressus Jacob, » etc. (Greg.,

A lib. v *Moral.*, c. 41, tom. I.) In itinere dormire, etc., usque ad « quoniam suavis est Dominus. »

Vers. 11. — « Tulit de lapidibus, » etc. (Isid.) Dormitio Jacob in itinere, mors Christi in cruce. Lapis capiti suppositus, Christus est secundum humanitatem, quem Jacob unxit, ut Christus signaretur, χριστος enim Grece, ὥντος Latine. Caput autem Christus Deus. Lapis ergo capiti Jacob suppositus, signat humanitatem Christi conjunctam Deo assumenti. « Caput enim viri Christus, caput Christi Deus (*I Cor. xi.*)

Vers. 12. — « Veditque in somnis, » etc. (Greg., Regist. I. 1, ep. 24.) Jacob prædicatores signat qui non solum caput Ecclesiæ, id est Christum contemplando appetunt, sed ad membra illius miserando

B descendunt : quod angeli ascendentis descendentesque demonstrant. Hinc Moses crebro tabernaculum intrat, et exit; et qui intus ad contemplationem rapitur, foris infirmantium negotiis urgetur; intus arcana considerat, foris onera carnalium portat. Qui de dubiis semper ad tabernaculum recurrit, coram testamento arca Dominum consulit, exemplum rectoribus præbens, ut cum foris ambigunt quid disponant, ad mentem quasi ad tabernaculum redeant, et velut coram testamento arca Dominum consulant, de quibus dubitant, apud se intus sacri eloquii paginas requirentes.

Moraliter. In itinere dormire est in via hujus seculi ab impedimento actionum secularium quietescere. Jacob dormiens angelos vidit : quia illi divina conspiciunt, qui ab appetitu temporalium rerum oculos claudunt : quos bene clausos diabolus aperuit dicens : « In quacunque die comederitis, aperientur oculi vestri (*Gen. iii.*). »

« Vedit in somnis, » etc. (Isid.) Angeli per scalam ascendentis et descendentes, evangelistæ sunt et prædicatores Christi, ascendentis ad intelligentiam Divinitatem; omnem creaturam excedentes, ut inveniant in principio Verbum apud Deum, per quem omnia facta sunt. Descendentis ut inveniant eum, « factum ex muliere, factum sub lege, » etc. In illa etiam scala a terra usque ad cœlum, a carne usque ad spiritum : quia in illa carnales proficiendo, quasi ascendendo spirituales sunt. Ad quos lacte nutridentes spirituales descendunt, quia non possunt eis loqui quasi spiritualibus, sed quasi carnalibus. Ipse est sursum in capite, ipse deorsum in corpore suo, id est Ecclesia; ipse scala, qui ait Joan. xiv : « Ego sum via, » etc. Ad ipsum ascenditur, ut in excelsis intelligatur : et descenditur, ut in membris parvulis nutritur ; per illum se erigunt, ut sublimem expectent : et humiliant, ut eum sublimiter et temperanter annuntient.

Vers. 13-15. — « Ego sum Dominus Deus Abram, » etc. Mystice designat mandatum divinitatis ad humanitatem Christi directum, cui terra, id est, Ecclesia, promittitur ; et semini illius, id est Christiano populo. Unde psalm. ii : « Postula a me,

et dabo tibi gentes hæreditatem tuam, et possessio- nem tuam terminos terræ.

VERS. 16, 17. — « Cumque evigilasset, » etc. Quisquis post torporem inertie evigilaverit, et per exercitium boni operis vere exsurrexit, in Ecclesia supereminentem gratiam Dei et introitum regni coelestis intellegit.

VERS. 18. — « Surgens ergo, » etc. (AUG., Q. in Gen., tom. III.) Quod « erexit » Jacob, « lapidem quem capiti supposuerat » in titulum, et supersudit oleum, nihil fecit idololatriæ simile : quia non vel tunc vel postea frequentavit lapidem adorando aut ei sacrificando; sed signum fuit et prophetia pertinens ad unctionem, unde Christus dicitur.

VERS. 19-21. — « Appellavitque nomen urbis Bethel., » etc. (HIER., de locis Hebraicis.) Ab eo quod dictum est, « quam terribilis est locus iste, » etc., loco nomen imponit Bethel, id est domum Dei, qui ante Luza vocabatur, id est, nux vel amygdalum. Unde ridicule quidam verbum Hebraicum *ulam*, nomen urbis esse putant: cum *ulam* interpretetur prius. Ordo ergo iste est lectionis: Vocavit nomen illius loci Bethel, et prius Luza vocabulum civitatis. Antiquæ vero scripturæ verbo *ulam* vel *olam* עַלְמָה plene sunt, quod nihil significat nisi prius vel ante vestibulum, vel superliminare, vel postea, etc.

VERS. 22. — « Et lapis iste, vocabitur domus Dei, » etc. Prophetia est domus Dei ibi futuræ, ibi et ipse rediens Deo sacrificavit.

CAPUT XXIX.

VERS. 1-10. — « Profectus ergo Jacob, » etc. « Vidi cputeum in agro, » etc. Aqua putei scientia Veteris Testamenti: quam lapis claudebat, quia littera legis spiritualem sensum in eo celabat; sed veniente Christo lapis reinatus est, cum per prædicationem Novi Testamenti umbra legis exclusa et veritas Evangelii patefacta est.

Allegorice. Per puteum baptismus, per agrum mundus exprimitur: per tres greges juxta puteum accusantes, signantur illi qui ad fidem Trinitatis capiendam pertinént, in humilitate expetentes baptismi gratiam.

« Lapidem. » Duritia infidelitatis, qua abjecta, percipitur baptismus vitæ. Pastores autem sunt prælati Ecclesiæ, qui, amoto lapide, per Jacob ad aqua- greges cupiunt: quia Christo anferente infidelitatem ab eorum cordibus quos prædestinavit ad sacramentum baptismi, abluantur unda purificationis.

VERS. 11-16. — « Osculatus est eam. » (AUG.) Con-suetudinis fuit maxime in illa simplicitate antiquorum, ut propinqui propinquos oscularentur, et hodie sit in multis locis. Sed queri potest quomodo illa ab ignoto osculum acceperit, si postea indicavit Jacob propinquitatem? Ergo intelligendum est: aut illum, qui propinquitatem noverat, fidenter in osculum truisse, aut postea Scripturam narrasse per recapitulationem, cum prium Jacob indicaverit quis esset.

VERS. 16-19. — « Nomen majoris Lia, » etc. Vi-

ctorinus martyr Rachel et Liam in similitudinem Ecclesie et Synagogæ interpretatus est. Liam maiorem natu Synagogam significare existinat, quia prior populum Dei genuit: quæ oculis lippa dicitur, quia lex per Mosen data cooperata est et signata. Rachel minor et pulchra, prius sterilis, post secunda, Ecclesiam signat, quæ tempore posterior, sed sancta corpore et spiritu. Oculi ejus decori, quia Evangelium videre meruerunt. Sed diu sterilis dum Synagoga populum generavit. Pro Rachel Jacob servivit, et supponitur ei Lia: quia Christus ut Ecclesiam sibi assumeret, prius sibi Synagogam conjunxit.

VERS. 20-35. — « Servivit ergo Jacob pro Rachel septem annis. » Servitus Jacob septem annorum pro duabus uxoribus, presentis vite tempus signat, quod septem diebus volvitur; in quo Dominus formam servi accepit, obediens Patri usque ad mortem. Jacob servivit, quia « filius hominis non venit ministrari, sed ministrare (Matth. xx, 1) : Ille oves pavit, et Christus dixit (Joan. x) : « Ego sum pastor bonus. » Ille pro mercede varium pecus sibi abstulit: Christus diversarum gentium varietatem sibi congregavit. Ille tres virgas amputatis corticibus in alveis aquarum posuit, ut earum contemplatione multiplicarentur oves: et Dominus noster in aqua baptismatis trium personarum nomina Patris, et Filii, et Spiritus sancti, populo fideli proposuit, ut qui hoc pleno corde prospexerit, efficiatur ovis Dei.

« Et videbantur illi pauci dies, » etc. Quomodo hoc dictum sit querendum est, cum et breve tempus longum videatur amantibus? Dictum est ergo propter laborem servitutis, quem facilem faciebat amor.

(AUG., lib. xxii contra Faustum.) Pro ingenti criminis objiciuntur Jacob quatuor uxores. Sed quoniam tunc mos erat, crimen non erat; nunc autem crimen est, quia mos non est, etc., usque ad nisi concupiscentiae carnalis flagrantia.

(ISID., in Gen., tom. V.) Duæ sunt ergo uxores Jacob liberæ, ambæ enim filiæ remissionis peccatorum, etc., usque ad et vidit in principio Verbum apud Deum, et vult parere, et non potest, quia « generationem ejus quis enarrabit? » (Act. viii.)

(ISID.) Duæ liberae uxores Jacob, quia duæ vitæ nobis in corpore Jesu Christi prædicantur, etc., usque ad Sed hoc non potest in terra morientium, quod his verbis significatur.

VERS. 26. — « Non est in loco nostro consuetudinis, » etc. (Id., ibid.) Major appellatur quæ tempore prior est, etc., usque ad ad unum ergo tendendum, sed propter hoc multa ferenda.

(Id., ibid.) Proinde vita quæ studio contemplationis competit, etc., usque ad unde infra xxx: « Zelabat Rachel sororem suam. »

(Id., ibid.) Proinde quia purus intellectus de illa divina substantia, etc., usque ad non quia numen.

CAPUT XXX.

VERS. 14-31. — « Egressus autem Ruben, » etc. (AUG., lib. xxii contra Faustum.) Quare rem gestam

Scriptura non tacuit, etc., usque ad et quidquid de A bac'pie et sapienter dicitur, sine phantasmate carnalis cogitationis salubriter vel ex parte capiatur.

Egressus autem Ruben, etc. (AUG.) *Historice.* De hoc autem genere opinari quosdam scio quod acceptum in escam sterilibus feminis secunditatem pariat, et ideo institisse Rachel ut hoc acciperet, quod ego non arbitror, nec sic tunc conceperet. Nunc vero cum post duos dies alios ab illa nocte partus, Dominus eam prole donaverit, nihil est quod de mandragora tale aliquid suspicemur, quale in nulla semina experti sumus. Cum enim mala haec ipse vidisem, et propter hunc sacra lectionis locum mihi obtigisse grataulerer (rara enim res est), naturam eorum quantum potui perscrutatus sum, non aliqua a communi sensu remotoire scientia, que docet virtutes radicum et potestates herbarum, sed quantum renuntiat visus, olfactus et gustus, rem comperti pulchram, suave olentem, sapore autem insipido. Cur ergo eam mulier tantopere cupierit nescio, nisi forte propter pomi rariatem et odoris jucunditatem.

Vers. 32-43. — « Gyra omnes greges tuos, » etc. (HIERON. in *Quæst. Hebr.*) Multum apud Septuaginta consensus est sensus, etc., usque ad vicinus est finis.

(ALC.) Cypri Jacob fraudis in hoc loco non arguitur, hoc sine dubio ut propheta fecit, nec credendum est eum fecisse sipe spirituali revelatione.

CAPUT XXXI.

Vers. 4-11. — « Postquam autem audivit, » etc. . . . « Mutavit mercedem, » etc. (HIERON. in *Quæst. Hebr.*) Pro eo quod possumus, « mutavit mercedem meam decem vicibus, » Septuaginta posuerunt « decem annis : » cum verbum Hebraicum *monim* מְנוּמָה numerum magis quam annos sonat; et ex sequentibus is sensus probatur, quod per singulos fetus super Laban conditionem mutaverit. Si videbat varium nasci pecus, dicebat: Volo ut in futuro nascantur mihi varia. tunc Jacob virgas in canaliculis non ponebat, ut fetus unicolor nasceretur: quo facto Laban ea pecora suæ parti fieri debere dicebat; sic usque ad decem vices mutata est conditio: et quocunque proposuerat Laban ut sibi nascetur, in contrarium colorem vertebarunt. Nunc autem in sex annis decem pariendi vices incredibilis viderentur; sed lege Virgilium, in quo dicitur: « Bis gravidae pecudes. » Natura autem Italicanum ovium et Mesopotamiae eadem esse dicitur.

Vers. 12. — « Vidi enim oinnia, » etc. Ex hoc discimus quod Jacob nullo malo dolo fecit, sed divina dispositione, vel quia omnia in figura gerebantur. Unde angelica visione meruit confortari.

Vers. 13-31. — « Nunc ergo surge. » (GREG., *Moral.* xxx, 16.) Post longam servitutem precepit Dominus Jacob ut reverteretur in patriam: tunc, ignorante sacerdo, cum uxoribus et comita uroperebat. Laban autem consecutus est eum in monte

Galaad cum furore idola requirens, nec reperit. La- ban autem in hoc loco diaboli typum gerit. Interpretatur enim *dealbatio*. Diabolus vero, cum tenebro- sus sit, « transfigurat se in angelum lucis. » Huic servivit Jacob, id est, Judaicus populus ex parte reproborum, de quo natus est Christus secundum carnem.

Vers. 32-39. — . . . « Ignorabat quod Rachel furata esset idola. » (HIERON.) Ubi nos « idola » legimus, in Hebreo *theraphim* תְּרֵפָה scriptum est; quod Aquila « figuræ, » vel « imagines » interpre- tatur. Hoc autem ideo dico ut sciamus quid in Ju- dicium libro *theraphim* sonet.

B « Contra montem Galaad, » etc. Non quod eo tempore mons Galaad diceretur, sed per anticipatiōne illo nomine vocatur, quo postea nuncupatus est.

« Qui, assumptis fratribus suis, persecutus, » etc. (GREG.) *Historice.* Potest per Laban mundus exprimi: qui cum furore Jacob sequitur, quia electos, qui sunt membra Christi, opprimere conatur. Filiam mundi vel diaboli Jacob abstulit, cum sibi Christus Ecclesiam ex gentibus conjunxit, cui per prophetam dicitur psal. xliv: « Obliviscere popu- lum tuum, » etc. In idolis avaritia signatur, quæ est idolorum servitus. Laban veniens apud Jacob idolum non reperit, quia, ostensis mundi divitiis Redemptori nostro, diabolus vestigia concupiscentiæ non reperit. Sed quæ Jacob non habuit, Rachel se- dendo operuit, quæ interpretatur *ovis*, et Ecclesiam significat. Sedere autem est humilitatem poenitentiae appetere. Unde psal. cxxvi: « Surgite postquam sederitis. » Rachel idola sedendo operit, quia Ecclesia Christum sequens vitium terrenæ concupiscentiae per humilitatem poenitentiae cooperuit. Unde psal. xiii: « Beati quorum remissæ sunt iniqui- tates, et quorum tecta sunt peccata. » Nos igitur Rachel significat, qui idola sedendo premimus, si culpas avaritiae poenitendo damnamus; quæ avaritiae immunditia non viriliter currentes impedit, sed ef- feminate gradientes per blandimenta sæculi resolvuntur, quod his verbis significatur: « Juxta con- suetudinem seminarum accidit mihi. » Quasi enim muliebria pati se innotuit.

C D. « Ut oscularer filios meos ac filias. » More Scripturæ filios ac filias Jacob suos appellat, quæ filios vel fratres cognatos appellat; unde in sequentibus: « Dixitque Jacob fratribus suis: Afferte lapides. » In Evangelio quoque filii Mariæ, materteræ Domini, fratres ejus vocantur Matthæi xii.

« Timpi ne violenter auferres filias tuas, quod auctem sparti me arguis, » etc. Quasi ideo ponit i manifestavi, ne acerbitate persecutionis superares animas infirmas, noviter tibi eruptas.

Vers. 40-45. — « Die noctuque æstu urebar, et gelu. Fugiebat somnus ab oculis meis. » Unus effe- ctus est caloris et frigoris.

Vers. 46-52. — « Afferte lapides, » etc. (HIERON.)

de Loc. Hebr.) Acervus lingua Hebræa, etc., usque ad in qua habitabat sermone mutaverat.

(Isid.) *Mystice*. Inter fideles, tam Judæos quam gentiles, testis est lapis eminens in similitudinem Christi; et acervus lapidum, qui est multitudo credentium.

VERS. 53, 54. — « Juravit Jacob, » etc. Per timorem scilicet quo timebat Deum, quem commendavit supra, dicens, « Et timor, » etc.

VERS. 55. — « Laban vero de nocte, etc. » Quia Laban et Jacob trans flumen perrexerunt, significare potest duos populos per baptismum ad Ecclesiæ venientes. Sed Jacob ultra progrediente, Laban reversus est, quia, filiis lucis in profectu virtutum post baptismum meantibus, reprobi de percepta dignitate post Satanam in apostasiam redeunt.

B

CAPUT XXXII.

VERS. 2-6. — « Castra Dei sunt hæc. » Ubi castra posita sunt, in Hebræo *mahanaim* מְהַנָּם; ut sciamus, si quando interpretatum in alio loco ponitur, quem locum significet. Et pulchre ad fratrem inimicum iturus, angelorum comitantium eum choris excipitur.

VERS. 7-9. — « Timuit Jacob, » etc. (Aug., *Quæst. in Gen.*) Quæri potest quomodo fidem habuit promissis Dei, quod hoc dixit. Sed fieri potuit ut everteret castra ejus Esau, et tunc post illam afflictionem adesset, et quem promisit, impleret. Et admonemur hoc exemplo, ut quamvis credamus in Deum, faciamus tamen quæ facienda sunt in salutis præsidium. Verba quoque Jacob consideranda sunt, dicentis: « Deus patris mei Abraham, » etc., quia in his verbis et humana infirmitas et fides pietatis apparet.

VERS. 10. — « Transivi Jordanem, » etc. Per baptismum conjunctus est paries de gentibus, ei qui ex Judeis: primitivæ tamen Ecclesiæ non deest timor Judeorum, quod significat Esau.

VERS. 11-19. — « Erue me de manu, » etc. Sic orat ut spem timore moderetur, et timorem spe consoletur, significans ut vite nostræ et domesticorum ratione consulamus, et tamen Dei auxilium invocemus.

VERS. 20-27. — « Placabo illum, » etc. Hæc interposita sunt a scriptore. Non est enim prudentis artem suam detegere, et sic eis cum quibus agitur suspectum se facere.

(Greg., *hom. 14, in Evang.*, tom. II.) *Mystice*. Jacob cum ad parentes proprios redit, etc., usque ad ut suavitatem intima Deum apprehendamus.

« Et ecce vir, » etc. (Isid. *in Gen.*, tom. V.) In hoc principaliter sacramenti Dominici imago figurata est, etc., usque ad ne ultra jam generare possit.

VERS. 28, 29. — « Nequaquam, inquit Jacob, appellatur nomen tuum, sed, » etc. (Hieron. *in Q. Hebr.*) Josephus in libro primo *Antiquitatum*, etc., usque ad nos magis Scripturæ, et angelii, vel Dei,

A qui Israel ipsum vocavit, auctoritatè ducimur, quam cujuslibet eloquentiae sacerularis.

VERS. 30-32. — « Vocavitque Jacob, » etc. Illud quoque quod sequitur, « et benedixit eum, vocavitque Jacob nomen loci illius Phanuel, dicens, » etc. In Hebræo dicitur « Phanuel, » ut sciamus ipsum esse locum qui in cæteris Scripturæ voluminibus secundum Hebræos, *Phanuel* legitur.

(Greg., lib. iv *Moral.*, cap. 6.) Quæritur, cum Veritas dicat: « Nemo videbit faciem meam; » Et: « Deum nemo vedit unquam, » quomodo testatur Jacob: « Vidi Dominum facie ad faciem? » Humanæ enim mentes oculo interiori purgato, etc., usque ad unde I Cor. XIII: « Tunc cognoscam sicut et cognitus sum. »

CAPUT XXXIII.

VERS. 4-9. — « Elevans autem Jacob oculos. . . . divisitque filios Lie et Rachel, » etc. Aquila dimidiat, ut unum cuneum faceret ancillarum cum parvulis suis, et alterum liberarum cum filiis suis; primasque mitteret ancillas, secundas liberas: ipse ante omnes fratrem adoratus occurreret.

VERS. 10-13. — « Sic enim vidi, » etc. (Aug., *Q. in Gen.* tom. III.) Utrum paventis et perturbati animi verba, etc., usque ad qui Græcum audire et intelligere solent.

VERS. 14. — « Et ego separar, » etc. (Aug.) Quæritur si mendacium fratri promiserit. Hoc enim, sicut Scriptura narrat, non fecit; sed eo perrexit itinere quod dirigebat ad suos. An forte veraci animo promisit, sed aliud postea cogitando delegit?

« Socoth. » (Hieron.) Ubi nos *tabernacula* habemus, in Hebræo legitur *Socoth* סֹכוֹת. Est autem usque hodie civitas trans Jordanem hoc vocabulo, in parte Scytopoleos de qua in libro Locorum scriptus.

VERS. 18-20. — « Transiitque in Salem, » etc. (Hieron.) Quæstio oboritur quomodo Salem Sichen civitas appelletur, cum Hierusalem, in qua regnavit Melchisedech, Salem ante dicta sit. Aut igitur unius utraque urbs nominis est, quod de pluribus Judææ locis invenimus, ut idem urbs et loci nomen in alia et alia tribu sit. Aut ista Salem, quæ pro Sichem nunc nominatur, dicemus interpretari *consummatam* atque *perfectam*: et illam quæ postea Hierusalem dicta est, *pacificam*. Utrumque accentu paululum declinato, hoc vocabulum sonat. Tradunt Hebræi quod semur claudicantis Jacob ibi sanatum sit: ideoque civitatem *curati* atque *perfecti* vocabulum consecutam.

CAPUT XXXIV.

VERS. 1. — « Egressa est autem Dina, » etc. (Greg. *in Pastor.*, c. 30.) Dina, ut mulieres extraneæ regionis videat, egreditur, cum mens sua studia negligens, actiones alienas curans, extra ordinem proprium evagatur. Quam Sichem, princeps terræ, opprimit, quæ inventam in curis exteriori-

bus diabolus corrumpit. Et conglutinata est anima ejus cum ea, quia unitam sibi per iniuriam respicit. Et quia mens a culpa resipiscens afficitur, et adiuuissum flere conatur: corruptor spem ac securitatem vacuam ante oculos vocat, quatenus utilitatem tristitiae subtrahat. Unde additur: « Tristeme que blanditus delinivit. » Modo enim, aliorum facta graviora; modo nihil esse quod factum est; modo misericordem Deum loquitur, et tempus ad poenitentiam pollicetur: ut dum per haec decepta mens ducitur, poenitentia differatur, ut tunc bona nulla percipiat, quam nunc mala contristant: et tunc plenius absorbeatur suppliciis, quae nunc gaudet in deliciis.

VERS. 2-32. — « Quam cum vidisset Sichem. . . . et dormivit cum illa, » etc. (AUG. *Ques. in Gen.*, tom. III.) Et intendit animæ Dina filiæ Jacob et adoravit virginem, et locutus est secundum sensum virginis. Quomodo virgo dicitur, si jam dormivit cum ea? nisi forte virgo nomen ætatis est secundum Hebreum eloquium, au potius per recapitulationem post commemorationem quod ante factum est. Prius enim potuit intendere animæ ipsius, et amare virginem, et loqui secundum sensum virginis, deinde dormire cum illa.

« Pacifici. » Ubi Septuaginta interpretati sunt *pacificus*, Aquila transtulit *consummatus*, atque *perfectos* pro quo in Hebreo legitur: *Selemim*. Ex quo apparet illud esse verum quod supra de Salem diximus.

« Assensi, » etc. (AUG.) Paulo ante Jacob loquens cum Esau, filios suos infantes esse significat, etc., usque ad sed filii ejus in hoc facto nominantur quasi principes et auctores.

« Arreptis, » etc. (STRAB.) Sic pastores Ecclesiæ peccatum carnis vel animæ ulcisci debent gladio spiritus, qui est verbum Dei: parati ulcisci omnem inobedientiam.

« Nos pauci sumus, » etc. (AUG.) Hoc dicit, quia plurimum bella poterant surgere, non quod multo minus haberet quam possent expugnationi civitatis sufficere.

« Nunquid ut scorto, » etc. (AUG.) Zelus filiorum Jacob in ultiorem sororis moraliter commonet pastores fideliū, curam habere animarum sibi commissarum, ne violenter corporali delicto, aut fornicatione spirituali succumbant. « Paratique sint ulcisci omnem inobedientiam, » et excommunicationis gladio feriant stupratorem, ne impunitus evadat.

CAPUT XXXV.

VERS. 4-5. — « Dederunt ergo ei, » etc. (HIER. *Q. in Gen.*, tom. III.) Plane hoc ordine et his prospectibus ascendendum est in Bethel, id est, in domum Dei, quæ est Ecclesia Christi. Primum est, pristinos abdicare errores, et unius veri Dei profiteri fidem, quod est auferre deos alienos: deinde baptizari, quod est nundari; &c deinceps in novi-

A tate vitæ ambulare, quod est vestimenta mutare. Significant autem inaures falsæ doctrinæ phaleras, sermone nitidas, sed sensu veritatis vacuas.

« Et inaures, » etc. (AUG.) Quæritur quale inaures, quæ ornamenta erant ad idolatriam non pertinentia? sed intelligendum est phylacteria fuisse deorum alienorum.

VERS. 6-9. — « Venit igitur Jacob Suzam, » etc. (AUG.) Notandum est tria nomina hujus civitatis esse commemorata, etc., usque ad multis de causis adduntur nomina vel mutantur.

(HIERON.) Ecce manifestissime comprobatur Bethel non Ulam, ut supra dictum est, sed Luzan, id est, *amygdalum*, antea esse vocatam.

VERS. 10. — « Non vocaberis ultra, » etc. (AUG.) Quæritur cum semel dictum sit, « Non vocaberis ultra Jacob, » etc., cur legatur postea Jacob vocatus? Sed hoc nomen ad illam pertinet promissionem, in qua videtur Deus quomodo non est antea patribus visus, ubi non erit nomen vetus: quia nihil remanebit hic in ipso corpore vetustatis, et visio Dei sumnum præmium erit.

(HIERON.) « Non vocaberis ultra Jacob, » etc. Nonnum enim ab angelo nomen ei imponitur, sed inponendum a Deo prædictur. Quod igitur illic futurum promittitur, hic explatum docetur.

VERS. 11-13. — « Cresce et multiplicare, » Moraliter. Haec promissio ad spirituale semen Jacob pertinet, sicut jam ante de Abraham dictum est.

C Omnes enī qui supplantant vitia, et veterem hominem cum actibus suis deponunt, et mentis oculos ad Deum intendunt, recte ad Jacob pertinent, cuius fidem et actus imitantur. « Regesque de lumbis ejus egredientur, » id est, sancti qui secundum voluntatem Dei se et subditos vere regunt: de cuius semine spirituali, id est imitatione fidei, in bonis operibus secundantur.

VERS. 14, 15. — « Ille vero erexit titulum lapidem in loco quo locutus fuerat, » etc. (AUG.) Factum est iterum hoc in loco quod antea factum fuerat; vel memoratum hic quod ante fuerat faciū. Sed quodlibet horum sit, super lapidem libavit Jacob, non lapidi. Non ergo sicut idololatre solent aras ante lapidem constituere, et tanquam Deo lapidi libare.

D **VERS. 16, 17.** — « Ephrata. » (HIERON.) Ephrata et Bethleem unius urbis vocabulum est, sub interpretatione consimili. Interpretatur enim *frugifera* et *domus panis*, propter panem qui de cœlo descendit.

VERS. 18-20. — « Egregiente autem, » etc. (ISID.) Quid sibi vult quod eundem Bennoni Rachel, cum pareret, vocavit *filium doloris mei*? Nisi futurum ex ea tribu Paulum, qui affligeret filios Ecclesie tempore persecutionis sue? Aliter per Benjamin terrestris Hierusalem figuratur, quæ est in tribu Benjamin: cuius populus gravi dolore matrem afficit fundendo sanguinem prophetarum, et in necem

Christi clamando : « Sanguis ejus super nos, et super filios nostros (*Matth. xxvi*). »

« Et factum est cum dimitteret animam. » (*HIERON.*) Siquidem moriebatur, « vocavit nomen ejus, filius doloris mei : pater vero ejus vocavit nomen ejus Benjamin. » In Hebreo similitudo nominis resonat, *filius enim doloris mei*, quod nomen moriens mater imposuit, dicitur *Bennoni*. *Filius vero dextræ*, id est virtutis, quod Jacob mutavit, dicitur *Benjamin*. Unde errant qui putant Benjamin *filium dierum* interpretari : dextera enim dicitur *iamin*, et finitur in *n*; dies vero appellatur *iamicum*, et terminatur in *m*.

VERS. 21. — « Egressus inde, » etc. (*HIERON.*) Hunc locum volunt esse Hebrei, etc., usque ad vel quod verius est quodam vaticinio futurum jam tuhe mysterium monstrabatur.

VERS. 22-26. — « Abiit Ruben, » etc. (*Ibid.*) *Allegorice*. Hoc crimen non scriberetur, nisi futura populi perversitas pronuntiaretur : quamvis in illo esset flagitium, in Scripturis est prophetia futurorum, quia per Ruben primogenitus populus Israel figuratur : qui thorum concubinae polluit, id est legem Veteris Testamenti prævaricando maculavit. Quod autem concubina Velut Testamentum significaverit, Paulus ostendit dicens, *Gal. iv* : « Abraham duos filios habuit; unum de ancilla, et alterum de libera, » etc.

« Erant autem, » etc. (*AUG.*) Quæritur quomodo hoc verum sit, etc., usque ad quam ut per synecdochen accipiatur.

VERS. 27-29. — « Civitatem Arbee. » (*HIERON.*) Pro *Arbee* in LXX *tampum* habetur, cum Hebron in monte sit. Eadem autem civitas antiquitus Mamre ab amico Abraham dicta est.

« Civitatem Arbee, » etc. Angelorum vel sacerdotum animarum, quibus est appositus, nulla remanente sollicitudine tentationum, vel periculo peccatorum.

CAPUT XXXVI.

VERS. 6-19. — « Abiit in alteram regionem. » (*STRAB.*) Quæri potest cur Esau post mortem patris dicatur abiisse in Seir, et recessisse a fratre, cum iam quando venit Jacob, in Seir dicatur habitasse? Sed fieri potuit ut Jacob fugiente in Mesopotamiam, Esau, dolore præceptæ benedictionis, a parente recesserit, et habitaverit in Seir viginti annis quibus Jacob absuit. Cui reverso conciliatus, rursus de Seir reversus, cum fratre suo, donec pater viveret habitavit : quo mortuo, a fratre recessit, quia divites erant, et simul habitare non poterant.

VERS. 20, 21. — « Iste filii Seir, » etc. (*HIERON.* in *Q. Hebr.* tom. III.) Postquam enumeravit filios Esau, altius repetit qui ante Esau in terra Edom principes extiterunt ex genere Horreorum, qui *liberi* interpretantur. In Deuteronomio manifestius scribitur quomodo venerunt filii Esau, et interfecit Horreis terram eorum hereditaverunt.

A « Filii Seir, » etc. (*STRAB.*) Id est liber qui, sic ut in Paralipomenis legitur, primo habitaverunt in monte Seir; quibus expulsis. Idumæi habitaverunt pro illis.

VERS. 22, 23. — « Erat autem soror, » etc. (*HIER.*) Hæc est Thamna, de qua supra dictum est : El Thamna erat concubina Eliphaz, primogeniti Esau, etc. Ideo Horræoru[m] recordatur, quia primogenitus filiorum Esau ex filiabus eorum accepit concubinam. Quia autem dicitur Theman, et Cenez, et Amalec, et reliqua, sciamus postea regionibus et gentibus Idumæorum ex his vocabula imposita.

VERS. 24-28. — « Iste est Ana. » etc. (*STRAB.*) Quidam simpliciter aquas calidas hunc in deserto reperisse dicunt, quas vocamus thermas.

B « Iste est Ana, » etc. (*HIERON.*) Varia apud Hebreos de hoc capitulo disputantur, etc., usque ad ut mali contra naturam nascerentur.

VERS. 29, 30. — « Isti duces. » De præcedentibus ait, qui de Seir; non de his quos incipit numerare, qui de Esau sunt.

VERS. 31-43. — « Reges autem. » Sciendum quod non omnes reges commemorat qui fuerunt antequam haberent reges filii Ismael, quorum primus Saul, sed hos omnes tantum qui regnaverunt antequam moretum Moses. « Reges autem. » Secundum tempus quo vivebat scriptor commemorat, cum autem Seir, qui istos genuit, ibi habitaret, nondum veniente Esau in terram illam, ab eo vocabatur terra Edom.

(*AUG.*, *Q. in Gen.*, t. III.) Non mirum quod numerantibus ab Abraham per Esau patrem gentis Edom, etc., usque ad in illo enim ordine ubi plures numerantur, citius mortui sunt, quam hic ubi pauciores.

« Husan. » (*HIER.*) Quem quidam suspicantur esse Job, ut in fine voluminis ipsius additum est; sed Hebrei asserunt eum de stirpe Nachor generatum, ut jam supra dictum est.

CAPUT XXXVII.

VERS. 2. — « Joseph cum sedecim esset annorum, » etc., (*AUG. in Q. super Genesin.*) Historice. Quomodo poterit mors Isaac, etc., usque ad vivo tamen Isaac decem et septem annorum cœpit esse Joseph.

D « Et erat cum filiis Balæ, » etc. Joseph unus ex duodecim filiis Jacob, præ ceteris patri dilectus, Christum significavit, quem Deus Pater secundum carnem natum ceteris fratribus ex Abraham stirpe progeñitis prætulit. Unde amat eum Jacob, « eo quod in senectute genuisset eum. » Senescente enim mundo, Filius Dei de Virgine natus fuit, tanquam filius senectutis.

« Et erat cum, » etc. In primitiva Ecclesia nec abjiciebat sibi adhærentes per prædicationem pseudo-apostolorum, quos significant ancille Jacob, quos et nolunt prohibere, cum in nomine ejus miracula facerent.

VERS. 3. — « Fecitque ei tunicam polymitam. » (*HIER.*) Pro tunica varia Aquila interpretatus est

ταλάριον, id est *talarem*, Symmachus *manicatam*, sive quod ad talos usque descendenter et manibus artificis mira esset varietate distincta, sive quod haberet manicas : antiqui enim magis colobiis, id est *vestibus* sine manicis utebantur. —

(Greg., hom. xxv in *Evang.*) Quia Joseph inter fratres usque ad finem vitae justus perseverasse describatur, solidus talarem tunicattu habuisse perhibetur. Quid est talaris tunica, nisi actio consummata? Quasi enim protensa tunica talum corporis operuit, cum bona actio ante oculos Dei usque ad terminos vite nos regit. Unde Moyses caudam hostie offerri praecepit, ut opus bonum quod incipimus perseveranti fine compleamus.

Vers. 4-9. — « Videntes autem fratres ejus, » etc. Fratres Christi secundum carnem Iudei, de quorum cognatione carnem suscepit. Sed quia videbant quod gratia virtutam in eo flebat, quod testabatur Patris praeceps dilectionem, invidebant, nec poterant ei quidquam pacifice loqui, et sepius insidias tentabant, et Patrem famillas in Beelzebub principe daemoniorum daemoni ejicere blasphemabant.

(Isid.) Hoc spiritualiter in Christo impletum est, etc., usque ad in stellarum figura.

Vers. 10, 11. — « Num ego, » etc. Queri potest secundum litteram quando a patre adoratus sit, qui per solem; et a matre; quae per lunam designatur. Neque enim Jacob, quando descendit in Aegyptum, legitur adorasse eum : mater vero jam defuncta erat : sed ad allegoriam recurramus, quae in Christo impletur.

Vers. 12-22. — « Cumque fratres illius, » etc., « in pascendis gregibus, » neque « Renuntia mihi, » etc. (Isid.) Jacob mittit filium ut de fratribus curam gereret; et Deus Pater Filium unigenitum, ut genus humanum peccatis languidum visitaret. Unde Galat. capite quarto : « Misit Deus Filium suum in similitudinem carnis peccati. » Missus est Joseph ut videbet si cuncta prospera essent erga oves : et Christus ait Matthaei decimo quinto : « Non veni nisi ad oves quae perierant domus Israel. »

In Dothaim. » *Defectionem*. In grandi enim defectione erant, quae de fratricidio cogitabant. « Ruben. » Prævidens hoc sermo propheticus, quem Ruben significat (qui interpretatur *visio filii*), prophetis combinationibus deterrebat, ut innocentes se servarent a sanguine Christi, fratris sui secundum carnem.

Vers. 23, 24. — « Nudaverunt eum, » etc. (Isid.) *Mystice*. Et Iudei Christum per mortem expoliaverunt tunica corporali et polynya, id est, decorata cinnamum virtutum diversitate. Resperserunt autem tunicaum sanguine hædi : quia falsis testimoniosis eum accusantes, in invidiam peccati duxerunt. Joseph mittitur in cisternam, id est in lacum : et Christus expoliatus carne humana descendit ad infernum.

Vers. 25-27. — « Viderunt viatores Ismaelitas. » (Auc.) Quæritur quare Ismaelitas Scriptura, etc.,

A usque ad qui dicunt Agar et Ceturam unam fuisse?

Vers. 28-33. — « Extrahentes. » (Isid.) *Allegorice*. Joseph de cisterna levatus Ismaelitas venditilis venditur : et Christus ab inferno regressus ab omnibus gentibus fidei commercio comparatur. Ille per Iudeum consilium triginta argenteis distrahitur, et hic per consilium Iudei Iscarioti numero eodem venditatur.

« Vendiderunt. » (Hieron.) Hébraica veritas habet argenteis. neque enim tñili metallo Dominus vendi debuit quam Joseph.

Vers. 34. — « Scissisque vestibus, » etc. (Isid.) Jacob, posteritatis sue plorans dispendia, quasi pater filium lugebat amissum, et quasi propheta interitum Iudeorum (Matth. xxvi). Scidit vestimentum : quod in passione Domini fecit princeps sacerdotum (Luc. xxiii). Sed et velum templi scissum est, ut prophetaret nudatum populum statim, et divisum ostenderet regnum.

Vers. 35, 36. — « Descedam ad filium meum. » etc. Quæritur quomodo hoc intelligatur, utruin mali tantum, an etiam boni in infernum descendant? Si tantum mali, quomodo iste ad filium suum dicit se lugente descendere velle? Non enim in penitentia inferni credibile est eum esse. An perturbati, et dolentis verba sunt, mala sua etiam hic exaggerant? an credibile est apud infernum quedam loca secreta, et minus penalia ante passionem Domini fuisse, ad quae etiam sancti descendebant? quia nullus paratus ingredi poterat, donec Christus römophæcum igneum amoveret.

(Hieron.) Madiani autem vendiderunt Joseph in Aegypto Putiphari eunuchō, Pharaonis architragiro. Plerumque πυλαρίπον, id est, coquorum principes, pro magistris exercitus Scriptura ponit; πύλης enim Graece est coquus, et dicitur πυλαρίπον, quod est occidere : eo quod coqui occidunt coquendas pecudes. Venditus est igitur Joseph principi laniorum, non Petesre, ut in Latino scriptum est, sed Putiphari eunuchō. Ubi queritur quoniam postea uxorem habere dicatur? Tradunt Hébrei emptum ab hoc Joseph ob himiam pulchritudinem in turpe ministerium, et a domino, virilibus ejus artefactis, postea electum esse juxta mōrem hierophantarum, id est, sacra loquentium in pontificatu Helopolicos : et hujus filiam esse Aseneth, quam postea Joseph accepit uxorem.

CAPUT XXXVIII.

Vers. 1, 2. — « Eodem tempore, » etc. (Auc., Q. in Gen.) Quæritur quomodo ista fieri posuerunt? Si enim postea quam Joseph venit in Aegyptum, etc., usque ad incidisse eum in amorem ejus, quam duxit uxorem, nondum vendito Joseph.

« Judas, » etc. Hic, sicut etiæ patriarchæ, Christum significat, qui descendit ab baptismum Joannis. Hiras enim interpretatur *videns Deum*: Odollamites, *testimonium in aqua*, quia Joannes videns Christum venientem ad baptismum, ait: « Ecce

Agnus Dei, » etc. (*Joan. I.*) Ad hoc testimonium adhæsit Christo Synagoga, quam significat Sue, filia Chananæi, quia ei danda erat terra *humilis professionis*, quod interpretatur Chanaan. Hæc ergo Synagoga primo adhæsit Christo, quando Petrus et Andreas, et cæteri Joannis discipuli facti sunt discipuli Christi. Quo ordine hæc completa sunt sequens significat historia, narrans quomodo Judas intravit ad Thamar, quæ idem significat quod Sue.

Vers. 3, 4. — « Quæ concepit, » etc. Genuit Synagoga principes, qui ei tanquam mariti præfuerunt: quorum alii fuerint nocentes, quos significat Her, qui interpretatur *pelliceus* (*pellis enim mortem significat*), quia primi parentes pellibus induiti addicti sunt morti; alii inutiles, quos significat Onan, qui interpretatur *mæror eorum*, quibus scilicet non prosunt.

Vers. 5-12. — « Tertium quoque peperit, » etc. (*Isid. in Gen., tom. V.*) Tertius filius qui Thamar non jungitur, etc., usque ad et ideo tanquam Odolamites perhibuit testimonium in aqua.

« Judas, » etc. De Juda regia tribus processit, quæ diu præfuit Judaicæ plebi, quam significat Thamar, quæ interpretatur *amaritudo*, quia amaram se in passione exhibuit Christo.

(*Isid.*) Plebs Judaica, cui de tribu Juda reges, etc., usque ad Deus tamen utrosque occidit, quia regnum a talibus tollit.

Vers. 13. — « Ad tondendas oves. » (*STRAB.*) *Allegorice*. Venit Dominus ad oves tondendas, id est peccatis exonerandas, de quibus dicitur: « Dentes tui sicut greges tonsarum. » Thamar habitum mutat: nam et *commutans* interpretatur; mutat habitum et nomen, ut sit de Synagoga Ecclesia. Sed nomen amaritudinis manet: non in qua fel Domino ministravit, sed in qua Petrus amare flevit. Nam et *Judas Confessio* dicitur, *Confessioni* ergo amaritudo misceatur, ut vera pœnitentia præsignetur. Hæc pœnitentia fecundatur, in omnibus gentibus Ecclesia constituta. Oportebat enim pati Christum, et resurgere, et prædicari in nomine ejus pœnitentiam et remissionem peccatorum per omnes gentes. Habitum quoque meretricis confessio peccatorum est: Thamar quippe Ecclesian de gentibus vocatam significat; sedens cum hoc habitu ad portam Enaiim ענין, quod interpretatur *fons*: quia currebat velut cervus ad fontes aquarum, pervenire ad semen Abrahæ. Illo non cognoscente fecundatur, secundum illud Psalmi xvii. « Populus, quem non cognovi, servivit mibi. » Accepit in occulto annulum, monile, et virgam, quia vocatione signatur, justificatione decoratur, glorificatione exaltatur. « Quos autem prædestinavit, hos et vocavit; et quos vocavit, hos et justificavit (*Rom. VIII.*); » sed in occulto, ubi conceptio sanctæ ubertatis fit.

Vers. 14-19. — « Que depositis viduitatis vestibus, » etc. Notandum etiam in temporibus patriarcharum certa suisse vestimenta viduarum, nec qualia conjugatarum.

« Sedit in bivio. » (*HIERON.*) « Et sedit ad portam Enaiim, quæ est in transitu Thamna. » Sermo Hebraicus, Enaiim, transfertur in *oculos*. Non est igitur nomen loci, et est sensus, « Sedit in bivio, » sive in compito, ubi diligentius debet viator aspicere quo gradiatur:

Vers. 20-24. — « Misit autem Judas. » Miuitur promissus hædus tanquam meretrici, id est exprobratio peccati, per Odolamitem, tanquam increpantem, « genimina viperarum, » etc. Sed eam non invenit peccati exprobratio, quam mutavit confessionis amaritudo. In hoc facto Judæ non justitiae cernitur sinceritas, sed promissionis fidelitas. Si enim servaret justitiam servando castitatem, non introisset, ut opinabatur, ad meretricem; sed quod promisit, fideliter per pastorem transmisit.

Vers. 25. — « Quæ cum duceretur, etc. » (*ISID.*) Postea vero publicis signis annuli, monili et virgæ, vicit temere judicantes Judæos, quos jam Judas significabat; qui hodie quoque dicunt non hunc esse populum Christi, nec Abrahæ semen, sed prolatis documentis nostræ vocationis, justificationis, et glorificationis, confunduntur, et nos magis quam se justificatos esse confitebuntur. Pignora enim se habere refert Ecclesia, quæ accusatur a Judæis quasi adultera legis: sed ostendit virgam signum passionis, et monile legitima legis, et annulum pignus immortalitatis.

Vers. 26. — Qui agnitus, » etc. (*HIERON.*) « Congnovit autem Judas, etc. In Hebræo habetur: « justificata est ex me; » non quod justa fuerit, sed quod comparatione illius minus male fecerit, non vagi turpitudine, sed requirendo filios.

Vers. 27, 28. — « Instante autem, » etc. Quod primus, qui dicitur Zara, manum emisit, et obstatrix coccinum ligavit et ipso manu retrahente, posterior, qui vocatur Phares, manum porrexit, et nascendo præcessit, significavit quod Israel in opere legis manum extenderet, et prophetarum et ipsius Christi cruento pollutam contraheret: populus vero gentium postea prorumperet, ut essent « primi novissimi, et novissimi primi. »

Vers. 29, 30. — « Quare divisa, » etc. (*HIERON.*) Pro *maceria* Aquila et Symmachus divisionem transstulerunt, quod Hebraice dicitur *Phares*. Ab eo igitur quod divisorum membranulam secundinarum divisionis nomen accepit. Unde et Pharisæi, qui se quasi justos a populo separaverant, Pharisæi, id est *divisi* dicebantur.

Zara interpretatur *oriens*. Quia primus apparuit, vel quia plurimi justi ex eo nati sunt, sicut dicitur in *Paralipomenis*.

CAPUT XXXIX.

Vers. 1, 6. — « Igitur Joseph ductus est in *Ægyptum*, » etc. (*Aug. in Gen.*) Ad ordinem tendit Scriptura unde recesserat, ut illa narret quæ supra gesta sunt. « Fuitque, » etc. (*Grec., lib. vi Moral., c. 11 seq.*) Multi humana sapientia inflati, dum desideriis suis divina iudicia contrarie aspiciunt, etc., usqæ ad ejusque pondera leviat, quæ volens portat.

Vers. 7 - 11. — « Post multos itaque dies injectit **a** domina, » etc. (GREG. lib. xxx *Moral.*, cap. 19.) Qui mundi successibus elevatus, etc., usque ad quia enim voluptas ex prosperitate nascitur, ejusdem consideratione feriatur.

« Injectit domina sua, » etc. (ISID.) Hæc figura est Synagogæ, etc., usque ad ubi enim veluti puerius descendenterat, inde alios liberavit.

Vers. 12 - 23. — « Qui, relicto in manu ejus palio, » etc. Sic nos tentant carnis illecebæ, et succidunt vestem carneam: sed vir castus mavult omnia vincula dirumpere, quam se turpitudini subjugare.

Qui relicto, » etc. (GREG.) *Allegorice.* Quia dum Synagoga Christum, purum hominem credens, adulterino complexu constringere voluit, ipse tegmen litteræ oculis ejus objecit, et ad cognoscendam divinitatis potentiam conspicuum se gentibus præbuit. Unde usque hodie dum legitur Moses, velamen est super oculos cordis eorum, quia scilicet adultera pallium retinuit, et quem male tenebat nudum amisit.

CAPUT XL.

Vers. 4 - 8. — « His ita gestis, accidit ut peccarent duo eunuchi, » etc. (ISID. in Gen., tom. V.) Invenit Joseph duos eunuchos in carcere, etc., usque ad transgressionis ligno suspenditur.

« Pincerna regis Ægypti, et pistor, domino suo, » etc. (HIERON.) Ubi nos posuimus principem vinariorum, » in Hebræo habetur *masqueh* מַשְׁקֵה, illud verbum quod in nomine servi Abrahæ dudum legimus, quem nos possumus more vulgi vocare *pincernam*, et usque hodie apud barbaros maximæ dignitatis est, regi poculum porrexisse.

Vers. 9 - 15. — « Videbam coram me viteni, » etc. (HIERON.) « Et ecce vitis in conspectu meo, et in vite tres fundi, et ipsa germinans tres fundos. » Tria flagella, tres ramos, sive propagines, Hebræus sermo significat, quæ ab illis vocantur *Sarigim* סָרִיגִים.

Vers. 16-19. — « Tria canistra. » (AUG. *Quæst.* in Gen.) Ubi in Latinis codicibus tria canistra fabricæ » scriptum est, etc., usque ad et ex omni genere pistorii operis in eodem scilicet canistro superiore.

Vers. 20 - 23. — « Natalitius Pharaonis. » Pharaon et Herodes diem nativitatis celebraverunt, quia ex hora nativitatis se reges fuisse putaverunt.

CAPUT XLI.

Vers. 1. — « Post duos annos vidit Pharao somnium. Putabat se stare, » etc. (AUG. Q. in Gen., tom. III.) Sicut servus Abrahæ dixit, etc., usque ad ubi habitant terrena animalia.

Vers. 2-8. — « De quo ascendebant septem boves, » etc. (HIERON. Q. *Hebr.*) Ecce de fluvio ascendebant septem boves speciosæ ad videndum, etc., usque ad χ Græcam copulaverunt.

Vers. 9-16. — « Tunc demum reminiscens pincernarum magister, » etc. Quia gentilis populus tan-

A deum per exhibitionem præteriorum se intulit in spem futurorum.

Vers. 17 - 32. — « Putabam me stare, » etc. Septem anni, qui septem spicis plenis, vel septem vacuis pinguis ostenduntur, spiritualia dona significant, quibus ubertas fidei larga pietate redundat. Septem vero steriles et jejuni, veritatis et justitiae famam in novissimo tempore.

Vers. 33. — « Nunc ergo, » etc. Hoc tempore gratiae videmus impletum: quia abundante doctrina apostolica, septiformi Spiritu ministrata, divina dispositione per singulas urbes episcopi et doctores ordinati sunt, qui abundantia doctrinæ divinitus sibi collatae libros sanctos scripserunt, quibus abundante fame verbi, et deficientibus doctoribus, indigentiam nostram resiceremus.

Vers. 34 - 37. — « Et quintam partem fructuum, » etc. Notandum Ægypti quod quintam partem frugum in borrea regis congregant: quia filii tenebrarum, quinque sensibus dediti, cœlestia non curant: sed veri Israelitæ decimas dant, quia cœlestem patriam, cujus decima pars corruit, reformatre laborant.

(ISID.) Congregavit Joseph per septem annos omnem frugum abundantiam: id est, frumenta fidei sanctorum horreis condens, per septem charismata, quasi per septem annos, ut cum septem anni in opere cooperint, id est, cum iniquitas occurrerit septem capitalium criminum sub Antichristo, quando famæ fidei fuerit et salutis, tunc sancti habeant copiosam justitiae frugem, ne fides eorum inopia sermonis deficiat.

Vers. 38 - 40. — « Qui Spiritus Dei plenus sit, » etc. (AUG. Q. in Gen.) Tertio, nisi fallor, insinuator nobis in hoc libro Spiritus sanctus. Primo ubi dictum est supra (cap. 1): « Spiritus Dei serebatur super aquas, » secundo ubi dicit Deus supra (cap. vi): « Non permanebit Spiritus meus in hominibus istis, » etc. Tertio cum dicit Pharao in Joseph esse Spiritum Dei: nondum tamen legimus Spiritum sanctum.

Vers. 41. — « Dixitque rursus Pharao, » etc. (ISID.) *Allegorice.* Joseph, qui typum Christi gerbat, currum meruit, et præco præconavit ante eum, et constituit eum Pharao super universam terram Ægypti: et Dominus noster, postquam distractus est a Juda, sicut Joseph a fratribus et de inferni carcere surrexit, ascendit currum cœlestis regni, de quo dicitur psalmo LXVII: « Currus Dei decem millibus multiplex; » et accepit potestatem predicandi et judicandi a Patre. Unde Phil. II: « Dedit ei nomen quod est super omne nomen, » etc. Accepit quoque annulum, id est, pontificatum fidei, quo credentium animæ salutis signo signantur, frontibusque et cordibus nostris per signum crucis figura æterni regis imprimitur. Induitur stola byssina, id est, carne sancta byso splendidiore, et stola immortalitatis. Accepit quoque torquem auream, id est, intellectum bonum. Præco antecedit eum, id est, Joannes Baptista, qui ait Matth. III: « Parate viam

PATROL. CXIII.

Domi*n*i. » Habebit et alium praeconem, quia veniet in tuba angeli.

VERS. 41, 42. — « Ecce constitui te super universam terram Ægypti, » etc. Joseph de carcere educitus, super Ægyptum constituitur; et Christus resurgens accepit nomen quod est super omne nomen, ut in nomine Jesu omne genu flectatur (*Philipp.* II).

VERS. 43, 44. — « Clamante praecone, » etc. (*Hier. in Quæst. Hebr.*) et clamavit ante eum praeco, et constituit eum super omnem terram Ægypti. Pro quo Aquila transtulit: « Et clamavit in conspectu ejus ad geniculationem. » Symmachus, etc., usque ad quod juxta prudentiam omnium pater fuit, sed juxta ætatem tenerimus adolescentem et puer.

VERS. 45-49. — « Et vocavit, » etc. (*Hier., ibid.*) Et vocavit Pharaon nomen Joseph, etc., usque ad ut vera illa Hebræorum super eo quod ante diximus suspicio comprobetur.

« Deditque illi uxorem, » etc. (*Aug., ubi supra.*) Quæri solet cuius Putipharis, alias Petefre, ut plerique habent ei corrupte, ut supra dictum est, etc., usque ad non est fidei pericolosum, nec contrarium veritati Scripturarum.

VERS. 50-58. — « Nati sunt autem Joseph filii duo, » etc. (*Hieron.*) Observa propter questionem quæ post de filiis Joseph proponenda est, quod ante famis tempus, quo Jacob intravit in Ægyptum, duos tantum filios Joseph habuit, Manassem et Ephraim.

VERS. 56, 57. — « Aperuitque Joseph universa horrea, » etc. *Allegorice.* Joseph a penuria frumenti salvat Ægyptum, et Christus a fame verbi liberat mundum. Aperuit horrea sua Christus in orbem terrarum, et erogatione frumenti sui omnia subjugavit. Nisi fratres Joseph vendidissent, defeccerat Ægyptus: nisi Judæi Christum crucifixissent, perierat mundus. Joseph interpretatur *augmentatio* *sive ampliatio*: sed in illo Joseph ampliationem non habuit nisi sola Ægyptus; in nostro vero, universus mundus. Ille erogavit triticum; noster Dei verbum. « In omnem terram exiit sonus eorum (*Psalm. xviii.*) »

CAPUT XLII.

VERS. 1-15. — « Audiens autem Jacob quod aliena venderentur in Ægypto, » etc. (*Isid. in Gen.*, tom. V.) Est frumentum in Ægypto: dicit et Deus Pater, Osee xi: « Ex Ægypto vocavi Filium meum. » Descendunt decem provectiores, id est Judæi, sub decalogo constituti; quos ipse cognoscens, non est agnitus ab eis; cognoscuntur Hebræi a Christo, et ipsi non agnoscent eum; dederunt illi pecuniam; sed Joseph, id est Christus, triticum dedit, et argentum reddidit, quia non pecunia emitur Christus, sed gratia.

VERS. 16-22. — « Mititte ex vobis unum..... alioquin per salutem Pharaonis exploratores estis. »

A (*Aug. Quæst. in Gen.*) Quid est quod Joseph, vir sapiens, etc., usque ad erit Deus, non enim erit, sed habebitur

Vers. 22-26. — « Nesciebant autem, » etc. (*Aug., ibid.*) Quid est quod cum inter se poenitentes loquerentur de Joseph, etc., usque ad sicut ipsum in exteras provincias vendiderant.

Vers. 27-34. « Apertoque, » etc. Fratres Joseph dant argentum, quia Judæi conversi dimittunt litteram occidentem, et accipiunt spiritum vivificantem: reperitur tamen argentum in ore saccorum, quia propter fructum spiritualis intelligentiae non deseritur nitor eloquentiae.

Vers. 35, 36. — « Singuli repererunt, » etc. Fratres Joseph dederunt pecuniam in emptione frumenti, sed eam accepto frumento receperunt, quia noster Joseph non querit nostra, sed nos. Gratis enim dat sua munera, et in nostra emptione nos ditiores facit.

Vers. 37. — « Cui respondit Ruben, » etc. (*Strab.*) Ruben ait: « Duos filios meos interfice, si non reduxero illum tibi, » etc., nec tamen oblinuit. At Judas dicens: « Reus ero peccati in patrem omni tempore, » impetravit, quia ei commissus est Benjamin. Plus est ergo reum esse peccati, quam corporaliter occidi.

Vers. 38. — « Deducetis canos meos, » etc. (*Acc.*) Quæritur utrum ideo ad infernum, quia cum tristitia, an etiam si abasset tristitia, tanquam ad infernum moriendo descensurus hæc loquatur? De inferno enim magna quæstio est, et quid inde Scriptura sentiat, ubicunque hoc memoratum fuerit, observandum est.

CAPUT XLIII.

Vers. 11-22. — « Modicum resinæ et mellis et storacis, » etc. (*Hier. Quæst. Hebr.*, tom. III.) Aliiquid resinæ, et mellis, etc., usque ad eo quod in illo sunt aromata diversa condita.

Vers. 23-28. — « Deus vester et Deus patris vestri dedit vobis thesauros, » etc. (*Aug.*) Mendacium videtur, sed aliquid significare credendum est. Argentum enim, quod datur et non minuitur, quod et probatum appellatum est, illud forte est de quo dicitur psalmo xi: « Eloquia Domini eloqua casta, argentum igne examinatum, probatum terræ, purgatum septuplum, » id est probatum perfecte.

D Vers. 29-34. — « Attollens autem Joseph oculos vidit Benjamin, » etc. (*Isid.*) Act. ix Paulum quasi lux circumfusil, qui parvulus, quia nondum matram fidei ætatem gerebat. Unde etiam adolescens legitur, dum lapidantium Stephanum vestimenta servabat. Flevit Joseph; cæcitas Pauli fletus est Christi; lavit faciem Christus, cum baptizatur Paulus, per quem a plurimis videndus est Christus.

(*Aug.*) Affectus boni animi semper proclivis est ad pietatem. Unde in Joseph virtutum possumus considerare copiam. Castus erat, cum sprevit im pudicitiam dominæ; sapiens, cum diligenter investigatione fratrum animos explorabat, qualiter senti-

rent de fratre suo uterino; justus erat in adhibitiōne disciplinā delinquentibus; pius, in conversione pœnitentium.

Vers. 32, 33. — « Quibus appositis, » etc. Seorsum appositi sunt cibi Joseph quasi advenæ, et seorsum fratribus, quasi exteris natione: *Ægyptiis quoque seorsum, quasi indigenis, qui putabant profanum esse cum peregrinis convivium.*

Vers. 34. — « Biberuntque et inebriasi sunt, » etc. (Auc.) Solent ebriosi hoc testimonium adhibere sibi in patrocinium propter Joseph, qui valde sapiens commendatur. Sed hoc verbum pro saturitate ponitur in Scripturis, unde psalmo LXIV: « Visitasti terram et inebriasi eam, » quia in laude benedictionis hoc positum est, et donum Dei commemoratur; apparet hanc ebrietatem saturitatem significare: nam ita inebrari ut inebriantur ebriosi, nec ipsi terræ utile est; quoniam majore humore quam sufficit, corruptitur; sicut vita ebriosi, qui non satiate se replet, sed mergit diluvio.

CAP. XLIV.

Vers. 5-14. — « Scyphus quem furati estis, » etc. (Isid.) Quid sibi vult quod inventus est scyphus Joseph in sacculo Benjamin, nisi quia in corde Pauli coelestis doctrinæ jam præfulgebat eloquium, dum esset eruditus in lege? Sed quia subjectus non erat Deo, intra saccum erat scyphus, doctrina intra legem, lucerna intra modium. Missus tamen Ananias manum imposuit, marsupium solvit, et argentum resplenduit, et decadentibus squamis, quasi vinculis, soluto sacco, id est deposito legis velamine, adeptus est gratiæ libertatem, et revelata facie sermonis Evangelium prædicat.

Vers. 15. — « An ignoratis quod non sit similis mei in augurandi scientia? » (Auc. Quæst. in Gen., tom. III.) Quid hoc sibi velit queri solet. An quia non serio sed joco dictum est, etc., usque ad cognito fratre, quem a se perditum existimabant.

Vers. 16-34. — « Cui Judas, » etc. (Auc. ubi supra.) Multa in narratione Judæ aliter dicta sunt quam cum illis egerat Joseph, etc., usque ad sed qui noverat eum scire, ut eum flecteret ad misericordiam narrationi inserebat.

CAPUT XLV.

Vers. 7-9. — « Misit me Deus, » etc. (Auc. Quæst. in Gen., tom. III.) Quid est quod juxta alia exemplaria ita legitur: « Misit enim me Deus ante vos, remanere reliquias vestras super terram, et enutrire semen reliquiarum vestrarum magnum? » Hoc enim non usquequa consonat, etc., usque ad « et sic omnis Israel salvus fieret. »

Vers. 10-15. — « Habitabis in terra Gessen, » etc. (Hieron.) In Hebræo habetur *Gosen* (גּוֹסֶן). Unde error increvit quod terra Gessen in Arabia sit. Porro, sicut in nostris codicibus est, per extērnum scribitur Gessen, quod mili nequaquam placet terram significare complutam. Gessen cuius in im-

A brem vertitur, ubi et in plerisque Gessem reputatur.

Vers. 16-21. — « Et gavisus est Pharaon, » etc. Hæc verba Pharaonis quæ ad Joseph de Jacob et filiis ejus locutus est, significant gaudia gentilis populi de conversione Judæorum. Magna enim devotio est Ecclesiæ gentium quod Israeliticus populus ad fidem veniat, quibus, si convertantur et fidei participes extiterint, promittit spirituales opes virtutum, et gratiam Spiritus sancti, quam qui accipit, indigentia boni non laborabit.

Vers. 22-28. — « Benjamin vero dedit, » etc. Trecenti argentei dantur Benjamin, quos a Christo accepit qui prædicat Trinitatem, vel Christi crucem. Unde Paulus ait I ad Corinth. II: « Non judicavi me aliquid scire inter vos, nisi Christum Jesum, et hunc crucifixum. » Quinque stolas accepit, id est sapientiam omnium sensuum. Præcellit ergo Paulus abundantia meritorum: sed et fratres, id est alii prædicatores, habent gratiam suam, id est binas stolas, ut confiteantur Christum Deum et hominem. Unde Prov. XXXI: « Omnes domestici ejus vestiti duplicitibus, » id est mystica et morali intelligentia. Mittuntur et patri munera, et Christus promissis munieribus invitat populum suum. Munera portant asini, id est gentiles, inutiles et laboriosi: nunc autem portant utiles in typo Christi munera, in Evangelio muneris largitore.

(Isid.) Expavit Jacob, id est plebs incredula: sed postquam gesta Christi cognovit, revixit spiritus ejus, et qui mortuus videbatur, fide resurrectionis Christi vivificatur. Vocatur ergo a filiis suis, id est, a Petro, Paulo et Joanne, populus Judæorum ad gratiam. Occurrit illi Judas, qui interpretatur confessio, quia præcedit confessio quos ante persidia possidebat: et sic Joseph, id est Christus, occurrit, qui senem jam ætate suscipiat ultimo tempore populum Judæorum, non secunduni merita, sed secundum electionem gratiæ, et imponat manum super oculos ejus, et cæcitatem auferat; quod distulit, ut postremus crederet, qui ante non putavit esse credendum. Unde ad Romanos undecimo capite: « Quia cæcitas ex parte in Israel facta est, donec plenitudo gentium intraret, et sic omnis Israel salvus fieret. »

D

CAPUT XLVI.

Vers. 26. — « Cunctæ animæ quæ ingressæ sunt cum Jacob in *Ægyptum*, » etc. (Auc.) Videndum est quid respondeatur eis qui hoc testimonio confirmant a parentibus animas cum corporibus propagari: animas enim dictas pro hominibus, a parte totum figurata locutione, nullus ambigit. Sed quomodo ipsam partem, id est animam cuius nomine totus homo significatus est, alienamus ab eo quod dictum est, « exierunt de femoribus ejus, » ut carnes ex illo tantum natæ (quamvis sole animæ nominentur) accipiamus, querendi sunt modi locutionum in Scripturis.

Vers. 27. — « Filii autem Joseph, » etc. (Hieron.)

Quæst. Hebr., tom. III.) Omnes animæ domus Jacob, etc., usque ad licet plerique tradant Lucam, ut proselytum, Hebreas litteras ignorasse.

Vers. 28-31. — « Misit autem Judam, » etc. (*Hier., bid.*) Judam vero misit ante se ad Joseph, etc., usque ad pagum Arsenoyen sic olim vocatum autumant.

Vers. 32-34. — « Et sunt viri pastores, » etc. (*Aug. Q. in Gen., tom. III.*) Commendatur in patriarchis, quod pecorum nutritores erant a pueritia sua, etc., usque ad in fine habituri ordinatissimam et sempiternam felicitatem.

CAPUT XLVII.

Vers. 9, 10. — « Dies peregrinationis, » etc. (*Aug. Q. in Gen., tom. III.*) Quid est quod dicit Jacob Pharaoni, etc., usque ad non manent in domo in eternum.

Vers. 11. — « Joseph vero patri et fratribus suis... « Ramesse. » Quærendum est utrum terra Ramesses ipsa sit Gessen: hanc enim petierant, et Pharaon præceperat dari.

(Isid.) *Allegorice.* Tradidit Joseph patri et fratribus optimam terram Gessen, præbens eis cibaria, quia famæ terram oppresserat: sic et Dominus parentibus, id est patriarchis et prophetis, ex quibus est secundum carnem, sive omnibus sanctis, de quibus in Evangelio dicit Matth. 11: « Hi sunt fratres mei, qui faciunt voluntatem Patris mei, » nis dat terram optimam, de qua dicitur psal. xxvi: « Credo videre bona Domini in terra viventium. »

Vers. 12-15. — « Præbens cibaria, singulis, » etc. Metiebatur triticum patri suo Joseph, nec tamen eum pater quando vidit, nec quando triticum accepit, adoravit: quomodo ergo somnum impletum putamus, nisi majoris rei contineat prophetiam.

Vers. 16-19. — « Adducite pecora vestra, et dabo vobis, » etc. Quæritur, cum Joseph frumenta colligeret, unde homines viverent, pecora unde vivebant, cum tanta famæ invaluisse, et fratres Joseph Pharaoni dixerunt: « Non sunt pascua pecoribus puerorum tuorum, » etc. Si ergo ea fame pascua defecerant in terra Chanaan, cur in Ægypto non defecerant, cum eadem famæ esset ubique? An, sicut perhibetur ab eis qui loca sciunt, in multis Ægypti paludibus poterant pascua non deesse, etiam cum famæ esset frumentorum, quæ solent Nili inundatione provenire: dicuntur illæ paludes fraciens pascua gignere, quando aqua Nili minus excrescit.

Vers. 20, 21. — « Emit igitur, » etc. Non iustitiae vel iniquitatis arguitur Joseph, cum etiam fidelitas ejus inde commendetur, quia nullius personæ gratiam suscepit, sed juxta emptoris pretium æquo libramine repensavit.

Mystice autem significat omnes qui in spirituali Ægypto sunt et ejus opes ambient, servos esse. Nullus est enim liber Ægyptius, qui carnis est, et venundatus sub peccato: Pharaon enim eos subjicit; unde fortasse dicitur Exod. xx: « Ego sum Dominus Deus

tuus, qui eduxi te de Ægypto, de domo servitutis. » Unde Rom. vi: « Non regnet peccatum in vestro mortali corpore. » etc. Et ibidem: « Servi estis ejus cui obedistis, sive peccati in mortem, sive obedientiæ ad justitiam. » Ægyptii autem violenter in servitatem redacti sunt, Hebrei vero violenter in servitium. Vendiderunt autem Ægyptii semetipsos, nec dispensatoris culpa est, ubi digna repensantur pro meritis. Hoc et Paulus fecit, cum illum qui indignus numero sanctorum vel consortio fuit, Satanæ tradit (*I Cor. v.*). Nemo ergo dicat Paulum durius egisse, qui hominem de Ecclesia ejecit, ut expulsus disceret non blasphemare: hominis enim voluntas est iniqua, cum amans terrena despicit cœlestia, et propter avaritiam se subjicit diabolo. Dei autem permisso est justa, cum eum qui sprenens meliora, elegit pejora, dimittit arbitrio suo ut cadat. « Emit igitur, » etc. Allegorice emptio Joseph, qui frugibus emit terram Ægypti, significat Christum doctrina et sanguinis pretio redimere mundum. Quod autem dicit: « Accipite semina, et serite agros ut fruges habere possitis, » etc., semen est verbum Dei, agri corpora quæ vomere evangelico exarata, et semine spirituali seminata, fructum virtutum germinant. Quinta pars, quæ regi dabatur, quinque sensuum census, qui Christo regi solvendus. Quatuor reliquæ in sementem et cibos possessoribus permittuntur, quia actualis vitæ usus unicuique conceditur, ut seminet virtutum opera, et fructus justitiae metat in vitam æternam, qui a Christo nobis tribuitur. Unde Joseph dicitur: « Salus nostra in manu tua est, » quia salus mundi in potestate Christi.

Vers. 22-28. — « Præter terram sacerdotum, » etc. Hoc significat, Ecclesiæ terram, in qua veri sunt sacerdotes, liberam esse a censu mundano, quæ verbo divino indesinenter pascitur, nec damnum panis spiritualis sustinebit.

Vers. 29, 30. — « Cumque appropinquare certineret diem mortis suæ, » etc. (*Aug., Quæst. in Gen., tom. III.*) Ea filium juratione constringit, etc., usque ad qui in baptismo apparuit fere trigesimo anno.

Vers. 31. — « Quo jurante. » (*Aug., ubi supra.*) Quod habent Latini codices, « Adoravit super caput virginæ ejus, » nonnulli emendatius habent: « Adoravit super caput virginæ suæ, » vel « in capite virginæ suæ, » vel « in cacumine, vel super cacumen virginæ suæ. » Et ideo merito quæritur quid sit quod dictum est, etc., usque ad ubi figura rei futuræ presignabatur.

(HIERON.) « Et adoravit Israel contra summitem virgæ ejus. » Hoc etiam in loco quidam frustra simulant adorasse Jacob summitem sceptri Joseph: quod scilicet honorans filium potestatem illius adoraverit, cum in Hebreo multo aliter legatur: « Et adoravit Israel ad caput lectuli; » quia postquam juravit ei filius, securus de petitione, adoravit Deum conversus ad caput lectuli. Sanctus enim vir et Deo deditus senectute oppressus. sic habebat

lectulum possum, ut ipse jacentis habitus absque A nulla difficultate ad orationem esset paratus.

CAPUT XLVIII.

VERS. 1.— « His ita transactis.... assumptis duobus filiis Manasse et Ephraim. » (HIERON.) Et tulit duos filios secum, Manassem et Ephraim. Ex hoc apparent quod supra diximus, quia Joseph ad id locorum duos tantum filios habuit, Ephraim et Manassen. Si autem post multos annos moriente Jacob duos tantum duxit ad benedictionem, illo utique tempore cum filii ejus generare nequierant, parvuli atque lactentes, in ingressu patris et fratum, nepotes ex his habere non potuit.

VERS. 2-4. — « Qui confortatus, » etc. (HIERON.) Et confortatus Israel sed sit super lectulum. Cur LXX B idem verbum aliter atque aliter ediderint nescio, sed andacter dico quod idem verbum *mittha מתחה*, quod hic *lectulum* transtulerunt, supra ubi dixit adorasse Jacob, *virgam* nominaverunt.

VERS. 5, 6. — « Duo igitur filii qui nati, » etc. (HIERON., *Quæst. in Gen.*) Patet quod septuaginta animæ ingressæ sunt in Ægyptum, etc., usque ad sed in tribus Ephraim et Manasse quasi appendices miscebuntur.

VERS. 7-11. — « Mihi enim quando veniebam de Mesopotamia, mortua est Rachel et sepelivi eam, » etc. Joseph quasi nescienti indicat ubi et quando matrem sepelierit, forte propheticæ commemorans ibi sepultam esse matrem ejus, ubi erat Christus nasciturus.

VERS. 12-15. — « Cumque tulisset eos Joseph de gremio patris, » etc. (Isid. in Gen., tom. V.) Sicut factum est in Esau et Jacob, dicente Domino : « Major serviet minori, » ita et in filiis Joseph, etc., usque ad et juniores de sinistro dextrum.

VERS. 16-21. — « Invocetur super eos nomen meum. » (Auc.) Notandum ex hoc loco non solum exauditionem, sed invocationem etiam dici, quæ non Dei, sed hominum sunt.

VERS. 22. — « Do tibi partem unam, » etc. (HIERON. in Gen., tom. III.) « Ego dedi tibi Sichimam præcipuam super fratres tuos, quam accepi de manibus Amorrhæorum in gladio meo et sagitta. » Sichima iuxta Græcam et Latinam consuetudinem declinata est, etc., usque ad et Mausoleum ejus ibi usque hodie cernitur.

(Auc.) Quod Sichimam dicit Jacob præcipuam sedare filio suo Joseph, et addidit quod possederit eam in gladio et arcu, queritur quomodo ad litteram conveniat Gen. xxxiv. Emit enim centum agnis possessionem illam, non cepit jure belli. An quia Salem civitatem Sichimorum filii ejus expugnaverant, et jure belli potuit ejus fieri, ut justum bellum cum eis videatur, qui priores fecerunt injuriam, contaminando ejus filiam? Cur ergo non dedit eam majoribus filiis suis, qui hoc fecerunt? Deinde si modo de victoria glorians dat eam Joseph, cur ei tunc displicerunt filii qui hoc commiserunt? Cur denique cum eos benediceret, id reprobrando memoravit?

Latet ergo hic propheticum sacramentum, quia Joseph quadam præcipua significatione Christum significavit : et ei datur illa terra ubi obruit Jacob deos alienos (Gen. xxxv), ut Christus intelligatur possessurus gentes diis patrum suorum renuntiantes et in Christum credentes.

CAPUT XLIX.

(ALBIN.) In benedictionibus Jacob historia tenenda, et allegoria investiganda : historia de divisione terræ promissionis, allegoria de Christo et Ecclesia, quæ in novissimis temporibus revelanda; prius tamen historiæ fundamenta sunt jacienda.

VERS. 3, 4. — « Ruben primogenitus meus, » etc. (HIERON., *Quæst. in Gen.*) « Ruben primogenitus meus, tu fortitudo mea, » et principium filiorum meorum, etc., usque ad primogeniti ordinem perdidisti.

VERS. 5. — « Simeon et Levi, » etc. (HIERON., ubi supra.) LXX : « Simeon et Levi fratres consummaverunt iniuriam ad inventionis suæ; » etc., usque ad « in consilium eorum non veniat anima mea. »

VERS. 8. — « Juda, te laudabunt, » etc. (HIERON., ubi supra.) Quia Juda confessio vel laus interpretatur, etc., usque ad juxta eumdem sensum aliis verbis Ecclesia monstratur, de qua dicitur Matth. v : « Non potest civitas abscondi super montem positæ. »

VERS. 9. — « Catulus leonis Juda : ad prædam, » filii mi, ascendisti : requiescens accubuisti ut leo, » etc. (Isid.) Vel catulus leonis in somno requievit, quia non necessitate, sed potestate. Unde : « Potestatem habeo ponendi animam meam, et nemo tollit eam a me, sed ego pono eam (Joan. x). » Quod vero addit, « et ut catulus leonis, » inde enim mortuus unde natus. Aiunt physici quod catulus leonis, cum fuerit natus, tribus diebus dormit et tribus noctibus. Deinde patris fremitu tremefactus cubilis locus excitat dormientem : Christus quoque in cubili sepulcri tribus noctibus jacens, somnum mortis implevit. Bene ergo Christus ut leo requievit, qui non solum mortis acerbitatem, sed et imperium vicit, et ut catulus leonis, quia die tertia resurrexit. Unde additur.

D « Quis suscitabit eum? » etc. Nullus, subaudi, nisi ipse qui ait Joan. ii : « Solvite templum hoc et in triduo resuscitabo illud. »

VERS. 10. — « Non auferetur sceptrum de Juda, » etc. Tandiu enim ex semine Judæ reges apud Judæos fuerunt, donec Christus ex Virgine nasceretur. Primus enim in gente Judæorum rex alienigena fuit Herodes, quando jam Christus natus est. Qui ergo negat venisse Christum, ostendat regem de tribu Juda in gente Judæorum.

VERS. 11. — « Ligans ad vineam pullum suum, » etc. Gentes quas sibi subjunxit. Unde Ezech. xviii : « Vivo ego, dicit Dominus, nisi hos homines induant sicut vestimentum. » Nos enim Christus in sanguine,

uvæ mundavit quando sicut botrus in ligno crucis A pependit, et ex latere ejus aqua in ablutionem, et sanguis exivit in redemptionem.

VERS. 12. — « Pulchriores oculi, » etc. (ISID.) Quia doctrina eorum austeritatem veteris legis exsuperat, et evangelica præcepta clariora sunt quam legis mandata.

« Lacte, » id est doctrina legis, quæ carnalem populum vel parvulum lacte alebat: sed « candidiores, » Ecclesiæ doctores, qui fortem et validum verbi cibum manducant, et distribuunt. Unde Hebr. v : « Persestorum est solidus cibus, » qui bene « candidiores lacte » dicuntur, quia candidi, puri et ab omni macula liberi.

VERS. 13. — « Zabulon in littore, » etc. Ut credentibus refugium et periclitantibus demonstret fidei portum. Contra omnes terminos sæculi solidata exspectat naufragium Judæorum et procellas hæreticorum: qui circumferuntur omni vento doctrinæ, inde etiam apostoli aliqui assumpti: ibi sœpe Dominus docuit. Pertingit autem usque ad Sidonem, id est, usque ad gentes pervenit. Unde Isa. ix : « Terra Zabulon, et terra Nephthali, via maris trans Jordanem, » etc. Sidon, *venatio*: et ex eis locis sumpti sunt venatores, de quibus dicitur Jer. xvi : « Mittam venatores multos, et venabuntur vos in omni monte. »

VERS. 14, 15. — « Issachar. » (HIERON. *Quæsti.* Hebr.) Bonum desideravit requiescens inter medios clericos, etc., usque ad et ideo ei omnes tribus serviant, quasi magistro dona portantes.

« Accubans inter terminos, » etc. Accubare, est exspectato mundi fine quiescere, nihilque de mundanis quærere, sed ultima desiderare. Fortis asinus requiem vidit, et terram optimam: cum simplex gentilitas ad robur operis se erexit, quia ad vitæ patriam tendit.

VERS. 16-18. — « Dan judicabit populum suum, » etc. (ISID. in Gen., tom. V.) Alii per hæc verba putant prædicti Antichristum de tribu Dan futurum, etc., usque ad et post beneficia fictæ dulcedinis exercet cornua potestatis.

« Dan judicabit populum suum sicut unum de sceptris Israel. Fiat Dan coluber in via, regulus in semita, mordens ungulas equi, et cadat ascensor ejus retrorsum. Salvatorem tuum exspectabo, Domine. » (HIERON., ubi supra.) Samson judex Israel de tribu Dan fuit, etc., usque ad et ipse erit exspectatio gentium.

VERS. 19, 20. — « Gad. » (HIERON.) Latrunculus latrocinabitur ante eum, etc., usque ad et victimis hostibus fortiter dimicavit.

« Gad accinctus prælibabitur ante eum. » (ISID.) Christus ante et retro prælibabitur contra Antichristum: ante, occulto adventu humilitatis; post, manifestata gloria majestatis. Unde Moyses Deut. xxxiii : « Benedictus in latitudine Gad, quasi leo requievit: cepitque brachium et verticem, et vidit principatum suum. » Christus enī in sepulcro quievit, verticem

A et superbiam excelsorum humiliavit, et ei datus est principatus, et honor, et regnum.

VERS. 21. — « Nephthali. » (HIERON.) *Allegorice.* Virgultum dissolutum, dans nationi pulchritudinem, etc., usque ad quia ibi vel maxime docuit, ut in Evangelio quoque scriptum est.

« Nephthali cervus emissus, » etc. (ISID.) Apostoli enim et prædicatores, velociter exsiliens, sicut cervi, transcendunt impedimenta sæculi, et excelsa meditantes, dant eloquia pulchritudinis, id est prædicant doctrinam Salvatoris.

VERS. 22-26. — « Filius accrescens Joseph, » etc. (HIERON., ubi supra.) « Filius accrescens super somtem, » etc., usque ad imperans quoque decem tribubus Israel.

VERS. 27. « Benjamin lupus rapax, » etc. (HIERON., ibid.) « Mane comedet prædam et ad vesperam dividet escam. » Quanquam de Paulo manifestissime prophetia sit, quod in adolescentia sua persecutus Ecclesiam, in senectute prædicator Evangelii fuerit, etc., usque ad super sacerdotibus qui, serviennes altari, vivant de altari (I Cor. ix).

« Benjamin lupus rapax, » etc. (ISID.) Quidam doctorum hoc ad Hierusalem retulit, etc., usque ad tunc dividet escam, intelligens a spiritu litteram esse dividendam, quia « littera occidit, spiritus autem vivificat (II Cor. iii). »

VERS. 28-31. — « Omnes hi in tribibus, » etc. Quæriterur cur Jacob omnes quos de liberis et ancillis genuit, æquali honore filios et hæredes constituerit? quia sicut Christus omnibus qui per fidem corpori ejus conciliatur, pari honore et gloria cœlestia præmia largitur. « Non est enim ibi discretio an Judæus sit an Græcus, Barbarus an Scythæ, servus an liber: quia per omnia et in omnibus » Christus, qui formam servi induit, et pro libero et pro servo servivit, ut omnibus æquale donum largiatur. Qui-cunque enim fidem Domini promeretur, nullis malis earnalis nativitatis offuscatur. Unde Joel. ii :

« Effundam de spiritu meo super omnem carnem. »

VERS. 32. — « Appositusque, » etc. (STRAB.) Quærendum de quo populo dicatur? Nam de patribus nulla quæstio est. Notum est enim quod ad Abraham et Isaac appositus est, sed populus multitudo est. Illi autem tam pauci non poterant populus dici. Intelligendum ergo hoc etiam de angelis dici, ad quorum societatem, de mundo transeuntes, apponuntur sancti. Unde Hebr. xii : « Accessistis ad montem Sion, et ad Hierusalem cœlestem, et ad frequentiam angelorum, » etc.

CAPUT L.

VERS. 1-3. — « Quod cernens Joseph, ruit.... transierunt quadraginta dies. » (STRAB.) Qui numerus poenitentiae et humiliati convenit. Unde in lege et in Evangelio a prophetis et ab ipso Domino observatus est.

(Acc.) Quadraginta dies sepulture, quos memorat Scriptura, forte poenitentiam significant, qua sepius luntur peccata. Non enim frustra quadraginta dies

jejuniorum sunt constituti, quibus Moyses, et Elias, et ipse Dominus jejunavit, et Ecclesia præcipuum observationem jejuniorum Quadragesimam vocat. Unde et apud Jonam de Ninivitis scriptum est : « Adhuc quadraginta dies, et Ninive subvertetur (*Jon. iii*), ut per tot dies, accommodatos scilicet humiliationi pœnitentium, intelligantur in jejunis sua flevisse peccata, et impetrasse misericordiam. Nec tantum luctui pœnitentium hic numerus convenit. Quadragesima enim dies post resurrectionem fuit Dominus cum discipulis suis intrans et exiens, manducans et bibens, qui dies lætitiae fuerunt. Nec septuaginta Interpretes errasse credendi sunt qui dixerunt : « Triduum, et Ninive subvertetur : » maijore enim auctoritate prædicti quam interpretum officium est, propheticō spiritu (quo etiam ore uno in suis interpretationibus, quod magnum miraculum fuit, consonuisse firmantur) « triduum, » posuerunt, quamvis non ignorarent quod « quadraginta dies » in Hebreo legerentur; ut in Christi clarificatione intelligerentur dissolvi et aboliri peccata, « qui traditus est propter delicta nostra, et surrexit propter justificationem nostram. » Clarificatio autem Domini in resurrectione et ascensione cognoscitur. Unde hic quamvis unum et eundem spiritum dedit : primo postquam surrexit, secundo postquam ascendit ; et quia post triduum surrexit, post quadraginta autem dies ascendit : unum horum, quod posterior factum est, per numerum quadraginta dierum Hebrei significant ; alterum vero de triduo, quod ad eamdem rem pertinet, Septuaginta memorant, non interpretationis servitute, sed prophetæ auctoritate. Non ergo dicamus unum horum falsum esse, et pro aliis interpretationibus contra alios litigemus ; cum illi qui ex Hebreo interpretantur, probent scriptum esse quod interpretantur ; et Septuaginta auctoritas, quæ tanto divinitus facto miraculo commendatur, tanta in Ecclesiis vetustate firmetur.

« Septuaginta diebus. » (*STRAB.*) Ethnici novem diebus mortuos suos fabant. Unde et novendialis nona dies vocabatur, quando sepeliebantur. Dei cultores septem diebus exsequias celebrabant. Unde Eccli. xxn : « Luctus mortui septem dies : luctus autem fatui omne tempus vite ejus. » Septenarius enim requiem significat. Unde septima dies sabbatum, id est *requies* dicitur. Celebrant ergo septimam diem mortuorum, optantes illos cum Domino requiescere a laboribus praesentis vite. Hinc ergo dicitur : « Flevit eum Ægyptus septuaginta diebus, » qui est decuplatus septenarius. Septies enim deni, septuaginta sunt. Potest etiam dici quia sicut tertia dies mortui agitur a fidelibus, ut anima, quæ est triplicis naturæ, requiescat ; ita septimus dies celebratur, ut anima corpori reconcilietur, quæ carne illacente peccavit. In septenario etiam tria sunt et

A quatuor : ternarius pertinet ad animam, quæ irascibilis, et concupiscibilis, et rationalis est ; quaternarius ad corpus, qui quatuor constat elementis.

VERS. 4-21. — « Et expleto planctus tempore, » etc. (*AUG.*) Quod mandavit Joseph potentibus Ægypti, ut dicerent Pharaoni nomine ejus : « Pater meus adjuravit me dicens : In monumento quod ego feci mihi in terra Chanaan, ibi me sepelies ; » quæritur quomodo verum sit, cum hæc verba patris ejus, cum de sepultura mandaret, non legantur. Sed ad sententiam verba sunt referenda, sicut supra alia similiter iterata. Voluntati enim enuntiandas et in notitiam perferendas, oportet verba servire. Fodisse autem sibi Jacob sepulcrum nusquam superius legitur, sed certe, nisi fodisset, non modo diceretur.

B VERS. 10. — « Veneruntque ad aream Atad, » etc. Hæc locus trans Jordanem est, et distat ab Hebron septuaginta passuum millibus. Praetergressi sunt ergo locum in quo debebant sepelire eum, et postea transitio Jordane redierunt ad locum duplicitis speluncæ. Unde quæri potest quare hoc fecerint. Si dicit aliquis quia bella timebant, sicut filii Israel circumducti per desertum quadraginta annis, donec transmissio Jordane venerunt ad terram promissionis. Sed majoris significantæ causa factum est hoc. In loco enim quæ area Arad dicitur, postea multitudo filiorum Israel murmurans contra Dominum, divino igne consumpta est. Tanto ergo luctu non tam mors Jacob, quam ruina populi futura lugebatur.

C VERS. 22, 23. — « Vixitque centum decem annis, » (*AUG., in Gen., tom. III.*) Cum hos filios filiorum vel nepotes filiorum dicat Scriptura Joseph vivendo videsse, quomodo jungit eos sexaginta quinque annibus cum quibus Jacob Ægyptum dicit intrasse, etc., usque ad quæ illo vivo propagabatur, per quem factum est ut ingredetur.

D VERS. 24. — « Asportate ossa, » etc. (*STRAB.*) Joseph, sicut pater ejus, terram promissionis tota mente desiderabat, et incolatum Ægypti detestabatur. Nos quoque moraliter instruit, ut quandiu sumus in hoc mundo, terram promissionis, id est viventium, semper desideremus, et ibi requiescere optemus : quod bene fit, si numerum annorum Joseph moribus imitemur. Centum enim et decem vite annis expletis mortuus est : nos quoque studeamus per decalogi observantiam ad æternam beatitudinem quam centenarius significat, pervenire.

E VERS. 25. — « Conditus aromatibus. » (*STRAB.*) Felix est anima quæ, aromatibus virtutum condita in loculo corporis degens, quotidie proficiendo perenni vite reservatur. Siquidem in fide, spe et charitate custodita fuerit, per gratiam Christi pervenire merebitur ad speciem divine contemplationis, cuius adoptio perfecta est lætitia ; unde psal. xv : « Adimplebis me lætitia cum vultu tuo. »